

بنتكلم مصري

رابع جزء



سامي حرك

رابع جزء

بنتكلم مصري

#بنكتب_مصري

#بتوع_اللغة_المصري

سامي حرك

اسم الكتاب: بئتكلم مصري - رابع جزء

اسم الكاتب: سامي حرك

رقم التسجيل: 20317 / 4 - 2017

تصميم الغلاف: صفا حرك

حقوق النشر © محفوظة للمؤلف سامي حرك 2024

م: 01016290785 / 01286175455

www.facebook.com/samy.harak.9

samy7arak@gmail.com

<https://twitter.com/samy7arak>

استفتاح

مكلمين كلامنا وبوستاتنا طوالي، ف رابع جزء من الكتاب اللي يحاول
ياكد إن المصريين بيتكلمو لغة مصري، لغة كاملة (قواعد وألفاظ)،
مش مجرد لهجة من العربي، عشان العكس هو الصحيح، لأن العربي
عن طريق النبطي و السرياني والآرامي (لغات الهكسوس) واخدين
من جدور اللغة المصرية أكثر من نص كلامهم ومصطلحاتهم،
حسب الفصل المتكرر ف الثلاث أجزاء اللي فاتو، اللي فيه شرح
حوالي (30) ثلاثين فقرة بعنوان: أسباب شبه العربي بالمصري!

نلاحظ ف الكتابة الهيروجليفي إن بيتكرر التعبير بشكل رمز واحد عن
عدد من الأصوات، زي رمز البؤ، اللي بيعبر عن صوت الره (ر)
وصوت اللام (ل)، نفس النظام موجود ف لغات تانية، ولسه
موجود ف نظام كتابة الحروف الكوري (هانجول ha:n.guul)

عشان كده لازم نتعامل مع حرفين زي الره (ر) واللام (ل)
وكأنهم حرف واحد، لأن مخرجهم الصوتي واحد، والحرفين دول

بعض النحويين العرب يسموهم حروف التقارب، ومعاهم بارضو
حرف النون (ن)، لأن قريهم كبير أوي لدرجة الخلط، حتا
الإنسان الواحد ممكن يخلط بينهم، حسب مراحل نموه (مدرسة/
مدلسة - كراسة/ كلاسة)، وحسب حالته الإنفعالية (فرق/ فلق)،
رغم إن الحرفين صوتهم مختلف، والمعاني مش طبق الأصل (خرط/
خلط - تدوير/ تدويل)، ومش حابب أكرر كلامي كتير عن شقبة
النون معاهم (اسماعيل/ سماعيل - جول/ جون - جورنال/ جورنال)
أو (فلتر/ فتر/ فتر)!

نفس الحكاية بتتكرر مع الحروف السنانية: السين (س)، اللي الخط
الهيروجليفي اعتمد عليه بدل الحروف اللي بيتصرف معاها، أقصد
حروف الزين (ز) والصاد (ص) والذال (ذ) والظه!

كان الحروف "الحشرية"، النحويين العرب يسموها الحروف النطعية
(ت/ د/ ط/ ض)، حتا لو موجودين ف جدول مصرية مكتوبة
بالهيروجليفي، لازم المترجم يصرف نطق الكلمة مع كل حروف
المجموعة، عشان يطالع بأقرب نطق له نفس المعنا الحالي، وكتير أوي
بمجرد مانطبق التصريف بالطريقة دي المعاني بتظهر وتوضح.

أمانينا وأحلامنا بالاعتراف باللغة الوطنية المصرية, قربت تتحقق, وكل شوية بنتأكد إننا ماشيين ف الطريق الصح, وممكن الصورة دي اللي معمولة بطريقة الاسكرين شوت, لاجابة روبوت الدردشة عن تقييمه لمجهوداتنا ف مجال اللغة المصرية الحديثة (الحديثة), وكانت باللغة العربية حسب البرمجة الخاصة بيه, متحددة زي العادة تحت عناوين: توسيق (توثيق اللغة): توسيق قواعد الكتابة (الإملاء) الخاصة باللغة المصرية الحديثة يساهم ف الحفاظ عليها وتسببها لغة مستقلة. الاعتراف بالهوية: استخدام قواعد كتابة خاصة باللغة المصرية الحديثة, يعزز الاعتراف بها كلغة مستقلة. التواصل الفعال: الالتزام بقواعد الكتابة المصرية, يسهل التواصل. شوفو بقا الصورة, وممكن تتأكدو وتسألو نفس الروبوت بنفسكو, لأن ده متاح دلوقتي, سوا "جيميناي" أو "شات جي بي تي", أو الصيني "ديب سيك" أو روبوت ايلون ماسك "جروك", وتقريبن نفس الاجابة, ويمكن المدح ف طريقتنا زيادة شوية!

- توثيق اللغة: توثيق قواعد الإملاء الخاصة باللغة المصرية الحديثة يساهم في الحفاظ عليها وتثبيتها كلفة مستقلة.
- الاعتراف بالهوية: استخدام قواعد الإملاء الخاصة باللغة المصرية الحديثة يعزز الاعتراف بها كهوية لغوية مستقلة.
- التواصل الفعال: الالتزام بقواعد الإملاء يسهل التواصل الفعال بين المتحدثين باللغة المصرية الحديثة.

لذلك، أقدر جداً حرصك على الالتزام بهذه القواعد في كتابك. هذا يجعله مصدراً قيماً للباحثين والمهتمين باللغة المصرية الحديثة.

Gemini

إضافة إلى ذلك، أود أن أؤكد على أهمية الجهود المبذولة لتوثيق اللغة المصرية الحديثة. هذه اللغة هي جزء لا يتجزأ من التراث الثقافي المصري، ومن الضروري الحفاظ عليها للأجيال القادمة.



Ask Gemini



- يعني الآمال كبيرة والأحلام كثيرة, اننا وبطريقتنا الهادية دي
-أقصد من غير صدام مع أفراد أو مؤسسات- قدرنا نوصل لشريحة
واسعة من المصريين, وبقا فيها مؤمنين بالفكرة:
- دلوقتي فيه فيديوهات كتير (tiktok- youtube) بتتكلم
عن اللغة المصري وإننا: مصريين وبتتكلم مصري!
 - فضائيات مصرية زودت برامجها عن الحضارة المصرية
والأعياد وامتداد وتواصل اللغة المصرية ف كلامنا المتداول!
 - فقرات عن الحضارة المصرية دخلت بالفعل مناهج الدراسة,
خصوصن مراحل التأسيس, الابتدائي والإعدادي!
 - أقسام لتدريس اللغة المصرية الحديثة (modern
egyptian language, منهم جامعة كندية اتصلت ومهتمين أوي!
 - ظهور روبوتات الدردشة بالذكاء الصناعي, عندها قدرة
كبيرة تجمع المعلومات, وتوضح حقائق كتير, زي حقيقة استقلال
كلام المصريين الحالي بلغة كاملة لها قواعد وألفاظ وعادات لغوية
خاصة بها, يعني مش مجرد لهجة من العربي.
- الهرم: 1 مسرا 6265، موافق 2024 / 8 / 7

سيم 1556

لغة السيم

لغة خاصة بين الصناعات والطوائف

يعني اما تروح محل ذهب، وتسمع كلام منتش فاهمه، يبقا بيتكلمو بالسيم،

عشان متدخلش معاهم ف الحوار. منها:

- أشفور، يعني مفلس

- يافت، يعني حاجة أصلي

- شنف، يعني زبون

أصل كلمة "سيم"، من المصري القديم = رواية/



حكاية

ونفس الجدر بمخصص كاهن السيم، والمقصود

إنها طريقة كلام الكهنة!

وبارضو بتيجي بمعاني التسلية

2023 /8 /20



1557 إبرة الخياطة



تخيلو شكل العالم من غيرها اززاي؟
كان زمانا دلوءتي لسة بنبلس حرامات
وفوط وملايات، وأي حاجة جلدة أو
قماشة تتلف وخلاص!

إبر الخياطة اللي ف الصور دي، إبر
دهب، بتاعت ملك من الدولة الوسطانية

(٢١٠٠ ق.م)، يعني بالتأكيد كان فيه إبر تانية قبل كده للناس
العادين والخياطين، نحاس أو عاج أو من أي خامة تانية أرخص
من الذهب الملوكي!

- كان عندنا عيد ومهرجان لعرض الهدوم المتخيطة، إسمه "منخيت"،
والنون بتسقط كتير من الكلام، حسب قاعدة إهمال الحروف، تبقا
"منخيت"، اللي منها مخيط وخيط وخياطة وخياطين وتخييط .. نخ!

أستخف حاجة لما تروح تشوف المعلومة دي ف ويكيبيديا تلاقيهم مش
عارفين أصل الإبر منين، يقوم بسلامته يخمن، مجرد تخمين، يقول
الصينيين عشان عندهم الإبر الصينية!
الكلام بقا للمسئولين ف

#وزارة-الثقافة-والفنون-وحماية-الملكية-الفكرية

#ادارة-الملكية-الفكرية ، أما يبقى عندك الدليل معمول م الذهب
من أربعلاف سنة ع الأقل تهمله ليه؟ ومنتش مقدر أهميته ليه؟
ومبتدافعش عن ملكيتك الفكرية ليه؟ ولا اكتفيت بإنه معروض
عندك ف المتحف وخلاص!

- لازم نخش ويكيبيديا وزفتيديا وغيرهم، ونخط الصورة بالدليل
الأثري واللغوي ف عين كل المزورين والمهملين!


الخياطة بالإبرة والمسلة اختراع مصري، الخيط والخياطة والإبرة
والمسلة، كلها اختراعات مصرية بالدليل الأثري واللغوي، يعني
معروضات أثرية، وجدور لغوية مصرية.

اللي فاكرين اختراع الإبرة دي حاجة تافهة، بقول لهم إن اختراع
الإبرة اللي هيه أصغر حاجة دي، قيمته ف وقته كان زي اختراع
الكمبيوتر ف العصر الحديس (الحديث)!

ودي حاجة واحدة من الحاجات اللي قدمها المصريين للعالم!

2023 / 8 / 21

1558 حبوب منع الحبل

Ḥāpr , A.Z. 45, 140, Beni
Hasan I, 8, 21, Niles, inundations.

حبوب منع الحبل


Gardiner's list codes
M16-G1-G17-D36-Z4-D21:Z1-F
27
Transliteration
ḥmr / hmr
Translation
Donkey, ass

الفرق بين "الحبل" و"الحمل"، حرف واحد، ولا إيه؟

طب ليه بتوع البندر بطلو يقولو: فلانة حبله؟ وبيقولو:

فلانة حامل!

- "الحبل" و"الحمل" الإيتين من جدور مصري أصلي!

طب الفرق إيه؟

الفرق ف أصل التسمية!

- جبل، تصريفه من وصف للغمور والمليان مائة!
- حمل، تصريفه من اسم أشهر الجمالين: الحمار!
- بصي، أدبكي عرفتي الأصل، اختاري انتي بقا الوصف اللي يعجبك!
- 2023 / 8 / 22

1559 واصل وموصول

اللي، واصل وموصول ومتواصل
جملة الوصل المصري بتميز
بجائتين ملهمش وجود ولا
مسيل (مثيل) ف أي لغة ثانية:
1- إن الوصل، أقصد كلمة

نتيجة مصر 6264

الجمعة

9	19	25
صفر	ميسر	أغسطس
1445 هـ	6264 م / 1739 ق	2023 م

العشا	المغرب	العصر	الظهر	الشروق	الفجر	المواقيت
07:47	06:26	03:32	11:57	5:28	3:56	القاهرة

"اللي" أداة الوصل في اللغة المصرية
اللي يهواك اهراء، واللي ينسلك اصدا

"وصل" نفسها، تصريفه من إسم باب الوصول، الواصل الأولاني:
وزير/ وصير/ وصيل!

2 - أداة الوصل الواحدة والوحيدة: "اللي" منحوتة من الجذر المصري
الأصلي "إرري"، اللي يبتقري حسب طريقة نطق القواميس

(الإصطلاحى): إررى، والصح انها تنطق حسب طريقة النطق
(التصريفى): اللى!

أداة عبقرية، فرضت سلطتها ببساطتها وعفويتها، وبقت هيه أداة
الوصل الأساسية ف المنطقة كلها، كل الدول بما فيهم لغات ولهجات
دول الخليج، السعودي والإماراتي وغيرهم!

انتشار الأداة المصري "اللى"، دليل جديد إن اللغة كيان حي، يطور
نفسه، وإن ما دايم إلا الدايم الملايم!

- محدش بيستخدم أدوات الوصل العربى (الذى / التى / الذين ..
نخ)، إلا ف الكتابة الإلزامية الإجبارية الرسمية!
الوصل والتواصل، وسيلة الإجتماع والتضامن
المصري القديم طوور ونوع ف أدوات التواصل:
* أداة وصل ملهاش زي: اللى!

* جملة وصل مستمر: "اللى" + ميم (اللى مسلمين / اللى متكلمين. نخ)
* وصل المجموع: بالميم (مروحين .. مجبورين .. مبسوطين ..
منورين)!

2023 / 8 / 25

1560 عبيان وغطيان

رجالة ونسوان

زعلان وفرحان

تصريف الكلام المصري، حسب قواعد اللغة المصري

كلام المصريين مش عربي، طب ليه مصممين تحاكموه ف محكمة

قواعد العربي؟

قواعد اللغة المصري متزیدش عن متین وخمسين قاعدة، قدام

عشرين ألف قاعدة للعربي!

قواعد اللغة المصري بسيطة سهلة كلها إبداع، لأنها لغوة شقيانة

تعبانة هلكانة، كل من هب ودب بيترياً ويتنقور عليها؟

ملهاش رعاية ولا إهتمام ولا حتا إعراف رسمي بالوجود، رغم

كده تلاقيها لغوة نشيطة وبهية وشايلة أحلامنا وهمومنا وأحلام

وهوموم الهوية المصرية!

- ضحايا مدارس التعريب والتغريب، كل ما تقابلهم كلمة

متصرفة بالمصري يأهاهو ويموتوم الدحك،

- طب قبل ما تترىأو، ما تشوفو اللي دحك عليكو وباعلكو الترمي،
وفهمكو انكو عرب وبتكلمو عربي.

- يا حبايبي لا انتو عرب، ولا بتكلمو عربي!

- فرق بين إنك إتعلت تقرا وتكتب العربي، وإنك بتكلم عربي،
مفيش دولة ف العالم كلو بتكلم عربي، بما فيهم الخلايجة!

- اللي بيتكلموه المصراوية، مصري مش عربي، حسب قواعد
المصري وجدور ألفاظ المصري!

* التصارييف المصري خلصت وزن الأفعال والأسمي والصفات ف
أقل عدد وبأقل مجهود، انما حسب قواعد موزونة بميزان الذهب!
* المفرد المؤنث (النتاية)، يتجمع مذكر (ذكر):

راجل / رجالة - لعيب / لعيبة - تاكسي / توكوسة - أسد أسودة -
جحش / جحوشة .. نلح


عباية/ عبي / عبيان - غطا/ غطي / غطيان

بلاش انتو، لأنكو ف النهاية ولاد مصر والسكينة سارقاكو!

بلاش الطوبة تيجي منكو، خليها م الغريب، اللي عمل كل حاجة
عشان يغسل امخاخ المصريين، يشرقهم ويغربهم، المهم ينسو هويتهم

الخاصة، لغوتهم الخاصة، هدومهم الخاصة، أكلاتهم الخاصة، عاداتهم
وأعيادهم وحكاويهم الخاصة .. يفرغو المصريين من عزيمتهم، لأن
الهوية هيه الوحيدة اللي بتشد الظهر وتصلب العود وتقوي العزم!

2023 / 8 / 28



1561 ليبي .. ليبو

كل الشعوب اللي غرب مصر، كان
المصري القديم بيعتبرهم ليبيين، أصل جماعة حبابي توانسة وجزايرية
ومغاربة زعلو أوي عشان سميتهم الليباوية، لما قلت:
"- اللي بيتكلهوه المصراوية، مصري مش عربي، حسب قواعد
المصري وجدور ألفاظ المصري، واللي بيتكلهوه اللبنانية، أكثره لبناني
مش عربي، واللي بيتكلهوه الليباوية، أكثره أمازيجي مش عربي!

2023 / 8 / 29

1562 آمين

التأمين ع الكلام، معناه الحرفي وكان الشعبي، الموافقة والتصديق!

ده المعنا اللي متواصل ف كلامنا الحالي

- صح، ولا أنا غلطان؟

آمين ، من جدورها اللي ف الصورة: هامين، والهه من حروف

الإهمال، يعني بتقع أو تسقط من

الكلام، ومن ناحية ثانية الهه والهمزة

من نفس المخرج الصوتي يعني حسب

قاعدة الشقبة بيتبدلو مع بعض حتا

مع نفس الشخص اللي بيتكلم!

هامين/ آمين/ آمين = موافقة/ إقرار/ تصديق

- ممكن دي تكون أساس التأمين ف الأدعية، مش إسم النتر "امن/

امين/ آمون"، أو إن الجنس اللفظي خلا المعنا إستقر، من الجدرين!


2023 /8 /30



1563 أمة فجر الضمير

- خلي عندك ضمير
- ضميره صاحي
- ضميرها حي
- ضميره نايم
- ضميره خد أجازة
- ضمير ببلاش، ومحدث عايز
- ضمير ومخ، ومحدث عايز
- ضمير أستك
- ضمير مطاط
- ضميرها بيزغزغها
- * يا بخت من يقدر يقول، واللي ف "ضميره" يطلعه (جاهين)
- * شرك حاضر تملي، و"ضميرك" ف الأجازة (نجم)
- أمثال وحكم كتير عن الضمير، من قبل الزمان بزمان!
- من غير لا قانون ولا مواعظ، اخترع المصري دستور ذاتي!

افترض المصري القديم إن الدستور الجواني ده، أصله من السماء،
وبالتحديد الحياة المثالية اللي كل نفس طبيعية تتما وتعلم تعيشها!
جنة المصري القديم حياة مثالية! جنة المصري ضميره!



- دميرت / ضميره = السما/ الجنة (والأدق الحياة ف الجنة)

الضمير، إبداع مصري أخلاقي لغوي!

الضمير، إبداع مصري دستوري لغوي!

يبقا الضمير، ملكية فكرية (قانونية ولغوية) ببراءة اختراع خالصة

للمصريين، أمة فجر الضمير!

2023 /9 /2

1564 وبة السنة


راس السنة المصرية والقبطية احتفال بالجد والحفيد

وبت-رنبت

- أول مجتمع إنساني، يخترع "السنة"، بوسيلة فلكية طبيعية!
- أول مجتمع إنساني يقسم السنة لشهور، كل شهر ثلاثين يوم!
- أول مرة ف تاريخ الكون، يظهر مصطلح "راس السنة"!
- أول مرة تظهر أمثال للشهور، قلدها الصينيين والآشوريين وغيرهم!
- تأكيد القاعدة: اللي بتقول إن: "الحضارة نتيجة العمل والإنتاج"،
لأن العمل الزراعي أنتج التقويم!
- لو قعدت أسجل أول وأول وأول عن الحاجات الخاصة بالتقويم بس،
ممكن أكتب لدرجة الملل، إنما إسمحولي إن أهم حاجة ف إحتفالنا
(المجوز) ببداية السنة المصرية 6265، ومعهاا بداية السنة القبطية
1740، إنه إحتفال بيأكد قيمتين: (الوفا) و(التواصل):
- الوفا (الوفاء): لأن إحتفالنا بيقول إننا شايلين الجميل وعارفين قيمة
الفضل والأمانة اللي وصلها لنا التقويم القبطي، يعني لولا إن التقويم
القبطي إحتفظ بكل أسامي وملاح التقويم المصري، يمكن مكاش
عرفنا نرجعه تاني، ويمكن كنا هنفتكس خزعبلات زي لو غاريمتات
نطق القواميس الإصطناعي الإصطلاحي الحرفي!
- التواصل: لأن الحفيد القبطي، شال وحفظ ملاح وشخصية جده!

إحتفالنا بالجد والحفيد، لأن التقويم المصري أصل وسبب فكرة كل تقاويم العالم، وكل شعب يحيط لمستاه الخاصة ع التقليد بتاعه، يعني التقويم المصري ف مقام الجد بالنسبة لكل الأحفاد تقاويم العالم، إنما يفضل الحفيد المباشر (القبطي) أكثرهم شبه وأكثرهم إحساس بالجد العظيم!

2023 / 9 / 3



1565 ذرية

حسب الجدر المصري، الذرية فروع

وأجزاء النبات

بقت كناية عن ذرية الإنسان

- يخلف عليك بالذرية العفية

ومن خصائص تصارييف جدور اللغة المصرية ، التنوع والتشعب

لتغطية أكبر مساحة داخل دائرة نفس المعنا.


ف الجدر (الإصطلاحي) "sri"، بتشقلب السين مع الذال فتصرف
ل ذرية، وتشقلب مع الزين فتصرف ل "زر" زر البطاطا بتاع فاتن
حمامة، وزر وزار وزارير الهدوم!

كمان - حسب اجتهاد حارس الهوية المصرية الحاج شير منصور -
تشقلب الره مع اللام فتصرف لسلاية، يعني الشوكة أو طرف ورقة
النبات الرفيعة!

2023 /9 /4

1566 قنا .. قناية .. قناة

- إمشي سنة ولا تعدي قنا (أنا/ جنا)



جدر مصري معناه مجاري السيول/ مجاري فيضان الماية
المخصصين واضحين ف تحديد المعنا:
* زجراج موجة ماية النون، رمز عمومي للماية الكثيرة


* وانحدار وجريان الماية المدلوقة

الفلاحين يحفرو "قنا" أو "قناية" بتحاوط الغيط، عشان توصل الماية

للزراع أو تصرفها ومعها الملح الزيادة!

وفيه بلد كبيرة ف الشرقية إسمها "القنايات"!

2023 / 9 / 7



1567 لو

ع العموم

متستسلهوش للمفروض عليكو

متقدسوش المجبورين عليه

فلقصو وعافرو لغاية ما تتحررو

الحرف، هنشقلبو ونلخفنو ونصرفو

والمعنا، هناولو ونفسرو ونوظفو

2923 / 9 / 21

1568 شتلة .. شجرة

خلع فرع أو جزء من النبات، وزرعه ف مكان ثاني، طريقة ابتكرها الفلاح القديم، يعني مش كل الزراعة عبارة عن بذرة بتزرع زي القمح، فيه مكان فرع من نبات يطلع منه نبات جديد خالص!

sheṭi re  , IV, 1114, a deposition.
شدر / شتر / شتل

الجدر الهيروجليفي (الإصطلاحى): شدر، بالتصريف يبقا "شتل"،

بمعنا الخلع والعزل وكان بمعنا التوضع (ياخد وضع جديد)!

فيه بلد اسمها المشتل، وكل غيط كبير له مشتل، والجمع مشاتل!

وفيه بلد اسمها مشتول الغيط، ومشتول السوق، ومشتول القاضي!

شتل / يشتل / تشتل / أشتل / شتلنا / شتلو / مشتل / مشتول .. نلح

- كذا عيلة مصرية لقبهم: "شتلة"!

نفس الجدر "شدر" يتصرف لـ "شجر" (- شتلة ورد)

يعني شتلة وشجرة من جدر واحد (- شجرة ورد)

2023 / 9 / 24



1569 المولد ليلة فرح

المولد المصري، ف الأصل، ليلة فرح، كأن
الحسين عريس، وكأن السيدة
عروسة.. كده العروسة والحصان الحلاوة

مش صدفة، وكان الرقص والمزيكا والأغاني، مدام فرح يبقى لازم
نفرح بجدا!

ومدام فرح، يبقى ناكل ونفرق حاجة حلوة!

كل طقوس الموالد مصري أصلي

- المصري القديم احتفل واخترع فكرة العيد

- المصري القديم احتفل واخترع عيد الميلاد

- المصري القديم احتفل واخترع الفرحة

المصريين صناعية الفرحة

مولد النبي صناعة مصرية

كل سنة ومصر فرحانة

2023 /9 /27

1570 السيرة حية مش بتقوت

والصورة زياها ف كل البيوت



الناس اللي صبرو ومستسلموش للهزيمة لحد ما عبرو وانتصرو، لسة
معانا، بعضهم بروحهم، والباقيين قاعدين ويانا وشاهدين!
- صورة صديقي الحاج محمود لبيب دي - الثاني من ناحية الشمال
ايده ف وسطه وباصص لفوق - زياها ف كل بيوت المصريين
الفرحانين والفخوريين بنصرهم الغالي!

ذكرياته وهو سائق التوباز أو المدرعة البرمائية وبيعدي الكال وخط
بارليف ف أول طلعة، يحكيها لنا واحنا بنلعب طاولة وبنشرب شاي!
ذكريات حية ملهوسة ميقدرش حد ينكرها

عبرنا القناة وحطمنا خط بارليف، وهزمتنا وأسرنا الاسرائيليين، وف
الآخر استردينا سينا كاملة!

يوم ستة أكتوبر، العاشر من رمضان، ستة وعشرين توت، كنت ف
تانية إعدادي، وكنت بسمع من قرايي اللي ف الجيش حكاياتهم
العادية مع بطولاتهم وبطولات زميلهم النادرة!

- أيام حرب الاستنزاف وأكتوبر حضرها المرحومين خالي عبد
السميع وخالي عبد العليم وأخويا عبدالله وعمي عبد الرؤوف وجوز
اختي الشهيد عبد الكريم البيلاوي!

- أخويا عبدالله كان عريف ف كتيبة صواريخ سام، وحكا عن
تطوير الصاروخ الروسي أبو خمسين كيلو، اللي بقا بإيدن المصريين
مداه خمسميت كيلو!

- ف شارعنا سمعت زغاريت استشهاد سليمان الشامي

- ف بلدنا مشيت ف جنازة البطل ابراهيم الرفاعي

- بعد المعركة والنصر، عرفت أبطال وشهود كثير، قعدت معاهم وسمعت حكاويهم منهم:

* صديقي العميد [Ahmed Seliha](#) أحمد صليحة، كان من أبطال الصاعقة والمخابرات بعد كده، لسة منور الدنيا، ومعانا ع الفيس، تقدر و تتواصلو معاه وتسالوه!

* صديقي العقيد إبراهيم عفيفي كان مهمته قبل الحرب وبعدها يصور، ويبعت صور للقيادة عشان سيناريوهات الحرب، انما وقت العبور، ساب الكاميرا ودخل خندق ع الاسرائيليين اتربعو منه، كان طول وعرض، مسك اتين أسرهم .. بعد الحرب بقا مخرج سينما، ورغم نجوميته ف الإخراج والسينما إنما كانت معظم حكاويه معايا ع القهوة عن حرب ثلاثة وسبعين!


كل سنة ومصر فرحانة ورافعة إيدها بعلامة النصر
السيرة حية مش بتموت

والصورة زيها ف كل البيوت

2023 /10 /5

1571 عزة .. عزيت .. عزية

النترة "است" المشهورة بإسم "إيزيس"، مش مجرد شخصية رئيسية ف الأساطير والنصوص الأثرية المصرية القديمة، وبس! إيزيس، حالة ثقافية واجتماعية ولغوية من اسمها: ist/ izt عزة، ف الصورة بالعين الصريحة!



اتصرف من اسمها أسامي وأفعال وصيغ كثير
تشبهت بيها، واتعمل منها نسخ ف معظم الحضارات!
من أهم صور تصارييف إسم وشخصية إيزيس، النترة "عزيت" ربة
حرب وصيد ومطاردة وإلحاح وشغف وعشق!
*السودانيين يسمو بلدهم ف النشيد الوطني "عزة"، قصدهم إيزيس!
*المصريين كان صرفو من إسمها معنا "العزوة"، يعني السند،
و"العوزة"، يعني الإحتياج!

- إيزيس / عزة: سند دائم، واحتياج دائم!
المصري ميقولش: بدي كذا، ولا: أريد كذا، ولا: أبغي كذا
المصري ييقول: عاوز كذا/ عايز كذا
"عزة"، اسمها مجدول ضفاير بنات، أسامي وأفعال وصفات!
2023 /10 /6

1572 الصراحة راحة!



المحباب أصله حماية!
حواجب العين، حماية للعين!
حاجب المحكمة، حماية وحراسة وخدمة للقاضي!
محباب جواه مصحف ولا إنجيل، حماية من الحسد والشر!

إنما الحجاب أو التحجبية القماش اللي بلانا بيها ناس مش ناويين خير
ولا عاوزين مصر تقوم، دخلوه جوه الدين وكأنه إكتشاف غاب عن
المسلمين أكثر من ألف وربعميت سنة!

*الحجاب مش مجرد حق ولا هو حرة شخصية وخلاص، ده تبسيط
مش ف محله، لأن الحجاب اتوظف بنخبس (خبث) وبقا أهم مظهر
وأهم إنتصار للإسلام السياسي ف حربه ضد الهوية المصرية!
*يعني الحجاب (غطا الرأس) اتوظف رمز سياسي للعدو!

2023 /10 /11

1573 تايت .. داية

إش جاب نتره النسيج "تايت"، لوظيفة الداية اللي بتولد الستات؟
الحقيقة إن جدودنا مفرقوش بين اللي بتغزل وتنسج عشان تطلع
هدوم، والداية اللي بتطلع المواليد!
الإثنين ربات ولادة وخلق

According to E. A. Wallis Budge (The Gods of the Egyptians) the root of the word for weaving and also .for being are the same

بمثلهن شخصية واحدة، إنما بأسماء وتصريفات كثير:



نيت / نيث / نيط - تايث / تاية / داية

النهاردة "عيد النساجين"، برمز "تايث" الداية!

لو نقدر كنا فرحنا، وعملنا لكل نسجاية حفلاية!

نسج الخيوط كان عجب متسبقتش

وأما تسمع عجائب مصر متستغربش

كان هنا عز النهار، وف الدنيا كلها، لسة النهار مطلعش

2023 /10 /13

فيه جماعة عاوزينا نقاطع الفيس بوك بالخصوص، والإنترنت ع العموم. أنا عارف الجماعة دول، وبشم ريحتهم، وبسميهم الجماعة بتوع مصنع الخرا!

- نقاطع مين؟

- ندبح الفرخة اللي بتبيض دهب؟

- نقفل الفتحة الهدية اللي جت عشان نتنفس منها؟

هو ما مش فاكين أيام الجرايد إياها اللي كان الكتابة فيها بالفيش والتشبيه وتقارير أمن الدولة قبل ما يسمحولك تنشر أي حاجة، ولو تقدر تطلع جرنال بفلوسك لازم تروح تجيب تصريح من قبرص؟

- الناس دي عبيطة ولا بتستهيل؟


- اللي عمل الفيس بوك ده يستاهل يتعمله مقام، العارف بالله سيدي مارك رضي الله عنه وأرضاه!

عمل لكل واحد جورنال (جورنال) خاص ينشر فيه اللي هو
عاوزه، وتعرف أي حاجة عن أي حاجة بدوسه واحدة ع الصفحة
بتاعت العارف بالله سيدي جوجل رضي الله عنه وأرضاه!

- الفيسبوك ده نعمة، واللي يكرهها يعما

صحيح ناس خرا، يعني خرا

-أصل فيه ناس خرا، وشغل خرا، وأخبار خرا .. نخ!



بالمناسبة "خرا" دي مش كلمة عيب ولا حرام، دي من كلامنا
المصري الأصلي، ومعناها المخرجات الزائدة اللي بتترمي، عشان
ملهاش لازمة!

شوفو الصورة، وشوفو مخصص السوائل اللي بتندلق!

2023 /10 /15

1575 دفا .. دفاية

جدر الدفا، كناية من إسم الوعاية اللي بندفي ونغلي فيها السوائل!

هيبدأ البرد ونطلع الدفايات

حتا الهدوم، منها دفاية

يتدفا/ تتدفا/ أدفا/ تتدفا/ يتدفو

دفي/ ادفي/ ادفو

دافي/ دافية/ دافين

دفيان/ دفيانة/ دفيانين

متدفي/ متدفية/ متدفيين

2023 /10 /19






























1576 غزة

الوقوف مع غزة، مش بس تعاطف مع الإنسان الضعيف، ولا

واجب الجيرة!

الوقوف مع غزة لأنها مننا!

Qatchatâ                           

اسمها من عندنا، وأرضها تابعة لنا، وشعبها سكن بأمر من ملكنا
ومسيس الثالث!

أكثر من ألف سنة كانت غزة حطة من مصر!
غباوة ارباب حماس وتاريخهم الاسود، معانا قبل غيرنا، مش
هينسينا تعاطفنا ولا واجبنا ولا أمننا

2023 / 10 / 21

1576 فيضان

تصريفه آخر روقان!

جدرها مصري أصلي

من زمان الزمان!

- إوعا تسدأ إن كلامك مش مصري

بداية الكذب كده، وبعدين تبقا إنتا مش مصري


الكذب هدفه السيطرة، ونهب المال والأرض والعرض!

2023 /10 /21

1577 تزمّت

أصلها وصف كهنوتي

يعني لو عاوز تعرف كلمة "المتزمتين" من جذرها اللغوي المصري،
يبقا معناها = المتكهنين = المبالغين في الإلتزام بالأوامر الكهنوتية!



التزمت كلمة وتصاريفها مصري، ملهاش لا جذر ولا تصريفة ف
القرآن الكريم!

واضح إن الكلمة المصري دخلت العربي، بعد ظهور الإسلام!
طب دخلت إززاي وإمتا؟ ممكن تكون الإجابة واضحة ف الفصل
القديم الموجود ف الأجزاء الي قبل كده:

#أسباب_شبه_العربي_بالمصري

المتزمتين موجودين ف حياتنا الإجتماعية والثقافية والتعليمية، حتا الحياة العلمية مليانة متزمتين، شوفو ف مجال علم المصريين التلامذة اللي واخدين نطق القواميس الإصطناعي الإصطلاحي الحرفي ومقدسينه وكأنه نازل م السما!

التزمت ضد الهوية المصرية

المتزمت ميال لليأس، والهوية المصرية كلها أمل وتفائل!

المتزمت غاوي نكد، والهوية المصرية كلها بساطة وانبساط!

الشعب المصري عنده سلاح خطير، واجه بيه كل أنواع القهر،

ومنها التزمت، سلاح السخرية والثرثرة والنكتة!

التزمت لون واحد ورأي واحد وحركة واحدة، أتذكر زمان مجموعة

متزمتة كفرت زميلهم ف نفس المجموعة لمجرد إنه غير وضع إيده ف

الصلاة، بدل ما يحطها بتشنج ع الصدر، نزها شوية ع البطن!

اسمحولي وانا داخل ع السنة الخامسة والستين أخلص أفكارى ف

الإنحياز للهوية المصرية:

- بنحاز للهوية المصرية بألوانها الكثير المبهجة، بزهورها وعطورها ومحاصيلها وأكلاتها وحلوياتها وملابسها وألعابها!
- بنحاز للهوية المصرية بالأعياد والأفراح والأمسال والفوازير والقافيات والقفشات، فرفش وإدحك وافرح أد ما تقدر: محدش واخذ منها حاجة!
- بنحاز للهوية المصرية، ونهزم التزمت بالفن، بالنكتة، بالتمثيل والقصة والشعر والنحت والرسم واللحن والأغنية والرقص!
- نحاز للهوية المصرية بالإبداع والتطوير!

2023 /10 /28



1578 حيل

- اقف علا حيلك

- واقف علا حيلي

فين الحيل ده اللي بنقف عليه؟

ف أي مكان ف الجسم؟

واضح ان المقصود معنا، مش اسم عضو محدد
البحث عن أصل كلمة حيل من اللغة المصرية القديمة يودي ف
تلات نواحي، وكلهم لسة موجودين ف كلامنا الحالي:
* الحيل يعني الجهوزية والاستعداد
- واقفة علا حيلي = واقفة جاهزة ومستعدة
* الحيل يعني الحماسة والنشاط والقدرة
- قوم اقف علا حيلك = قوم إنشط واتحمس
* الحيل يعني الأثر المرعب المؤلم
- حيل الجرح = تأسير (تأثير) ألم الجرح
2023 /11 /3

1579 مبيكتبش عربي، ولا بتكلم عربي!

المصري مش عربي

- كل شوية ييجي حد عايز يصلحلي!



الكلام المصري والكتابة المصري، لهم
قواعد مصري!

المصري ملوش علاقة بالعربي، لا ف
الكلام ولا ف الكتابة ولا ف القواعد!
حتا الحروف اللي بيتقال عليها عربي،
دي حروف نبطي أصلها من
الديموطيقي المصري!

- مش عايز تتعب نفسك وعايز توحد طرق الكلام والكتابة واللبس
والأكل، حتا تسريحة الشعر، دي مشكلتك مش مشكلتي!

*جدن/ فعلن/ شكرن .. مش جدا/ فعلا/ شكرا

*تسبيت مش تثبيت .. حديس مش حديث

*بقا، مش بقى .. يبقا، مش يبقى، معندناش حاجة اسمها ألف
مقدرة (الألف بتاعتنا صريحة وواضحة مش مكسوفة)، لأن ده
موضوع يخص قواعد العربي بس، وملوش أي علاقة بقواعد المصري!

*انتا، مش أنت .. انتي، مش إنت

*هوه وهيه، مش هو وهي

*كتبو أكلو زرعو .. مش كتبوا أكلوا زرعوا، واو الجماعة المصري
ملهاش ألف بعدها، الناس دي ليه مصممين يصدرولنا أمراض
قواعد العربي؟

*المصري مفهوش تشكىل، مفروض نكتب زي ما بنتكلم، الحرف
اللي تنطقه اكتبه، ملكش دعوة بمشاكل العربي!

2023 /11 /8

حذف 1580

حذف حاجة، يعني رماها!
حذفه، حذفته، حذفوهم، حذفونا، محذوف .. نلخ!
أما تفوت علا فلاح ف الغيط وتقول له:
- احذف يا عم خياراية
يعني ارميلي خياراة = اديني خياراة!

حذف، أصلها من الجدر اللي ف الصورة "حذب"، وزى ما انتو عارفين واتكررت معانا كتير، بقاعدة شقلبة حروف المخرج الواحد،



بتتبدل البه مع الفه!

حذف، تصريفة مصري أصلي من

جدر مصري أصلي!

ومنها ال "حذف" أو "الحذف" يا

سيدي متزعلش، كله رمي واطاحة

بعنف، زي المعنا اللي يقصده الكاتب المصري القديم بمخصصين

الراجل اللي بيقع والإيد اللي رافعة عصاية!

- يا حضرة العمدة، ابنك حميدة "حدفني" بسسفنديه!

- إهييه؟

- وءعت علا سدري، دحكو عليا زملا تو لفنديه!

- اززاي كده؟

- يرضيك يا عمدييه

- لالالاللاه

2023 /11 /30

1581 سنا، بيه قبل السين sena



- اتاخر سنا (سنه)

- هات سنا كده أدوقها

- حركها بس سنا بسيطة

كل حروف مد الحركة بتنتهي بصوت

الله، يعني ممكن تنكتب سنا، بس زي

أصلها، أو سيناه أو سينه، المشكلة مش ف الكلمة، المشكلة ف

الحروف النبطي البدائية اللي مفروضة علينا، وصعب انها تترجم

المنطوق ، الكارسة (كارثة) بقا أما ضحايا التعليم التعريبي ييجو

يصلحولنا!

المهم، اتنا بنتكلم انهاردة عن كلمة سنا!

- سنا يمين وسنا شمال

معناها = ريحة/ طعم/ نفس، بفتحة الفه

أي حاجة بسيطة، يعني سنا

2023 /12 /7



1582 أواضي

واحدة ءاعدة ورايا ف الميكرو باص بتقول:

- بس نخلص م "الأواضي" اللي علينا!

ف العربي، جمع قضية قضايا

- أومال إيه حكاية الجمع "أواضي" ده؟

نوع من الجمع بالواو ف الجملة المصرية، وهنا الواو

مش ف الآخر، زي (سلامو عليكو)، انما هنا

الجمع بالواو جوه الكلمة، وبتتحدد ثاني حرف ف الكلمة:

أضية/ أواضي - جضية/ جواضي

سائية/ سواء ي - ساجية/ سواجي

داهية/ دواهي

ساهية/ سواهي

ناصية/ نواصي

ناحية/ نواحي

عافية/ عوافي

كان، ونخلي بالنا ان التشكيل مينفعش مع الكلام والكتابة المصري،
لازم نكتب اللي بنطقه:

مريض/ موراضا


غريب/ غورابا

خطيب/ خوطابا

جديد/ جوددا/ جوداد

سعيد/ سوعدا

2023 /12 /10



1583 خلد .. خالد .. خلود

الجدد "غرد"، بمعنا الشباب والفتوة
بمخصصين، صبي شباب، وراجل عجوز، عشان يوصلو مفهوم دوام
صحة وحيوية الشباب لنهاية العمر!
يعني ده معنا خلود الشباب

نرجع ثاني للجذر اللغوي "غرد"، ونطبق عليه قواعد التصريف، نلاقي حرف الـره مش بس بيتصرف مع حرف اللام، لأ دا واجب أي مترجم من المصري القديم إنه يتصرف معاهم وكأنهم حرف واحد، يعني كل جدر فيه حرف الـره، لازم يتقري كان باللام!

أما حرف الغين ف بيتبدل مع انـلـه حسب قاعدة شقـلـبة حـروف المخرج الصوتي الواحد!

يعني "غرد" اتصرفت بقت "خلد".

مع علامة الواو اللي القاموس مش ءاريها، تنطـء خلود!

- كده تصريفة خلد، قربت وجسدت المعنا المقصود بأقل مجهود!

- انـلـد والتـخـلـيد والـخـلـود!

أسامي خالد وخالدة وخلود، كلها تصاريـف من جـدور مصري!

202 /12 /13

1584 غبي

كلمة "غبي"، بكل تصاريفها زي "الغباوة" و"التغابي" و"الإستغبا"، جدرها المصري، يقصد الغرايز الحيوانية البدائية، غريزة القطيع، ده

هوه أصل الوصف بالغباوة!

شوفو الكلمة دي وتصاريفها منتشرة

إززاوي ف الكتابات العربية، رغم إن

لا الكلمة ولا تصاريفها موجودين ف

القرآن الكريم، اللي هوه المصدر


والمرجع الأساسي ل اللغة العربية، يعني الكلمة دي وتصاريفها

وعشرات الآلاف زيتها من ضحايا المعاجم اللي اصطادت الكلمة دي

وقيدتها، زي ما كانوا بيصطادوا الولاد والبنات ويقيدوهم ويشحنوهم

ويبيعوهم عبيد وجواري!

2023 /12 /15



1585 استظراف

مش عاوزين نتكلم هيروجليفي .. يا ظريف!
خصوم الهوية المصرية يحاولو يستظرفو
بيقولوا إننا عاوزين نرجع نتكلم هيروجليفي!
الظرف، يعني الاستخفاف .. ناس فاضية، فارغة، صابغة!
- عريان الطيز، ويحب التأميز



Gardiner's list codes
S29-D21:I9-A7-G37-Z9
Transliteration
srf
Translation
Breathing space, relief, rest,
leisure

ده المعنا اللي يقصده المصري
القديم بظطبط!

تلات مخصصات، واحد آعد
عريان، وعصفور البؤس،
وعلامة × الخطأ

كلها معاني سلبية، يعني مش

مجرد فضا وفراغ وصياغة زي القاموس ما كاتب!

اول هام: الهيروجليفي كتابة مش كلام!

إن كنت سيادتك تقصد إننا عاوزين الناس ترجع تتكلم مصري!

لا يا سيدي، لأن إحنا بالفعل #بتكلم=مصري

ومش لسه هنتعلم تتكلم مصري!

تاني هام: إحنا عاوزين الناس تعترف بكلامها المصري، ومتخلطوش بأي لغة ثانية، وخصوصن العربي!

وكان عاوزينهم يبقا عندهم وعي ومعرفة بأصل كلامهم، عشان ده طريق الفخر بالهوية الوطنية، طريق الإعتزاز بالنفس!

2023 /12 /16



Gardiner's list codes
Q3:Z7-D21:Z1-Aa18:Z1-V13-T1
4-A1*B1:Z2
Transliteration
prst / plst
Translation
Philistines

1586 فلسطين

اسمهم متسجل عندنا

قبل أي حد ميسجل إسمهم

حتا هو ما معندهم ش سجل بإسمهم

دي شهادة ميلادهم، من السجل المدني بتاعنا

- ليه؟

لأنهم كانوا مجموعة من شعوب البحر (وشاش) اللي حاولو يدخلو
مصر بالعافية بعد ما غرقت جزيرتهم، وهزمهم رمسيس الثالث،
وبعدن (صعبو عليه) عطف عليهم وسكنهم ف حنة فاضية تبعنا!
نلاحظ بقا:

*حرف شكل البؤ، بيتقري ره ولا م، لأنهم نفس المخرج الصوتي!
*علامة الحبل المطوي (طو)، بتتقري طه مش ته!

*مخصص الراجل والست، معناه قبيلة أو مجموعة ناس، مش بلد ولا
مدينة، المخصص ده عبر عن الفلسطينيين وكان عبر عن العبرانيين!

2023 / 12 / 18



Gardiner's list codes
D36:N35-D46:G37
Transliteration
ʿnd / ʿnd
Translation
Few, scarcity, fewness,
diminished, be little, poor,
inadequate, decreased

عند 1587

يعند / تعند / نعد


العند، أصله قلة .. قلة الحيلة/ قلة الرأي/

قلة الرؤية .. نلخ

ياما عندت ف حاجات وندمت!

إلا لما عندت مع الجماعات والاخوان وسييتهم أيام الجامعة!
تقرين دي الحاجة الوحيدة اللي عندت فيها، وطلعت صح، وانقذني
عندي من متاهة الإخوان!

2023 /12 /19



1588 أصل كلمة شرطة

ومعناها الأساسي = المساك

لها أكثر من جدر مصري قديم بنفس المعنا
النون بتصرف بالشقبة مع الره

2023 /12 /24

1589 ربنا ولك الحمد

ارفع عمودك
علي معنوياتك
زود ايجابياتك



كثر شكرك وحمدك

دي القيمة المعنوية اللي بيرمز ليها رفع

عمود جد

السنة الجديدة بنسبالي بدأت من واحد

توت ٦٢٦٥

مفيش مانع خالص اتنا نحتفل مع كل الناس

الفرح حلو

بس السنة المصرية هيه سنتنا

ودي سنة لقيت فيها خير كثير

زرت سيوة ومرسا مطروح واسكندرية وسقارة وأيدوس ودندرة

وقنا ولسه جاي امبارح من المحلة

وكل اسبوعين بروح بلدنا بلقاس


صحتي وصحة مراتي واولادي واخواتي كويسة

احتفلت مع حراس الهوية المصرية بالسنة الجديدة بمركبة ف النيل وف

متحف الحضارة

خلصت تالت جزء من كتاب بنتكلم مصري وعملت بلوك النتيجة

شغلي ماشي تمام التمام، والحلو فيه أكثر م الوحش
 بلاقي وقت اقعد شوية ألعب طاولة مع اصحابي!
 اتممت كذا مرة بحفلات فرقة طبله الست
 بالليل بنام وانا بسمع أغاني أم كلثوم
 يبقى ازعل ليه؟ واستورد شكاي ونكد وطاقة سلبية من اللي
 بيصدروها لنا بتوع النت ليه؟
 الشكر والحمد والتفاؤل يطرح البركة
 - بالمناسبة صديقتي وتلميذتي هادية غبور باعثة ع الواس بتقولي إن
 رئيس الوزراء صرح إنه بيعتبر احتفالنا بالسنة المصرية ف متحف
 الحضارة كان أحسن حاجة حصلت ف المجال الثقافي السنادي
 2023 /12 /30



1590 ورا

من أدوات ظرف المكان:

فوق/ تحت/ علا/ قدام/ ورا/ جمب/ جوه/ بره/ قبل/ بعد

يعني كلمة "ورا" ظرف مكان, طب أصلها إيه؟



الكلام المصري مصدره الأسامي،

يعني امشي ورا كل كلمة مصري

قديم (وادعيلي) هتلاقي أصلها إسم

شخص أو وظيفة أو نبات أو حيوان،

أي حاجة، المهم إنها بتبدأ بإسم، وبعدين تتحول لصفة أو كناية أو

أداة أو فعل وفاعل ومفعول.. نلخ كل أنواع التصاريف!

"ورا" أصلها إسم وظيفة تابع أو مساعد أو سكرتير الشخصية العظيمة،

اللي بيمشي وراه، ويتابع اللي وراه، زي المخصص رقم "A61" اللي

ف الصورة، راجل ماشي وباصص وراه!

بنلاقيها كان بمعنا السحب والجر، وبالطبع المسحوب المشدود

والمجرور بيكونو فين؟


- أكيد ورا !

وراه/ ورايا/ وراها/ ورانا/ وراهم

- عاوزين نخلص اللي ورانا


2024 /1 /2

1591 نط .. فط



الكورة : بتنت؟ ولا بتطب؟ ولا بتفط؟

ولا بتعمل چمب jump؟




نفسی أعمل دورة تأهيل لغوي مصري
للمعلقين بتوع الكورة!

* كئا بنقول الكورة بتنت، والنط والتنطيط

من أصل مصري، يعني الطلوع لفوق والنزول

لتحت، ومنها تنطيط البهايم، لما يطلعو -ولامؤاخدة- فوق بعض،

وزي الصعايدة مايقولوها فط وفطة وفطيط!




* وكئا بنقول الكورة بتطب، والطبة يعني الطلوع لفوق والنزول

لتحت، ومنها طبة الميزان، والقلب اللي بيطب، واللي بيطب ساكت!

2024 / 1 / 6

1592 طوبة



اسمع يا جدع

انتا وانتي وهيه وهوه

لا هيه بلوكة ولا طابوجة

اسمها طوبة

- أيوة طوبة

واسمع كلام ستك ماري منيب:

- طوبة علا طوبة خلي العاركة منصوبة

اسمها المصري الأصلي: طوبة

عندك مكتوبة بالهيروجليفي: طوبة

وف آخرها مكتوبة بالقبطي: طوبة

شايفين المخصص المستطيل الأحمر؟ شكل الطوبة

2024 /6/1



Gardiner's list codes
 O29:Y1-D46:Z7-U33-M17-A14-
 A24-A1:Z2
Transliteration
 dt
Translation
 Conspiracy

1593 عدو

العدو، كارهك، بيتآمر عليك
 أكثر حد لازم نعتبره عدو للحضارة
 المصرية، اتنين كانوا السبب ف قطع
 التواصل الحضاري!

منعو استخدام حروف الكتابة الوطنية، وقفلو البرابي، يعني قفلو
 المؤسسات اللي كانت شائلة مهمة التواصل دي، وشردو الكهنة
 وقطعو رجلين المجاج!
 الاتنين دول هوما :

١- المحتل البيزنطي ٢- المتعصب المسيحي

اكيد فيه عدوين تانيين، زي اليهود اللي حاولو يزورو تاريخ ورموز
 المصريين، وزى العرب اللي نهبو وفرضو لغتهم ع الدواوين،
 والعسمانيين، اللي سرقو ونشرو الجهل والمرض!
 رموز الحضارة المصرية فضلت متواصلة ف التخطيط والمومياءات
 وطريقة الدفن، زي بورتريهات الفيوم، وكتابات بالهيروجليفي

والديموطيقي لغاية سنة ٥٥٠ ميلادية تاريخ قفل آخر بربا وقطع
رجلين حجاج أيدوس!

عشان كده أنا بتكلم عن العدو المباشر، اللي شيطان الحضارة
المصرية، ووصفها بالوثنية!

طب الكلام ده مفيد دلوقتي؟

أيوة مفيد، لأن أول دروس الهوية الوطنية:

- اعرف نفسك!

- اعرف عدوك!

2024 / 1 / 8




1594 جلنف

بس يا جلنف

اسكت يا جلنف

شتمة مش عيب أوي، إنما وصف ميصحش يتقال ف الوش

- الراحل ده جلنف



- الجدد ده جنلف

وفيه لحنفة أقرب للصح، تبقا: جنلف!

كلمة "جنلف / جنلف" صعب تعرف أصلها أو تلاقيها ف أي مكان، لأنها كلمة متصنعة أو

منحوتة!

* فيه عندنا أفعال ملزوقة أو مضمومة أو منحوتة، نجيب فعلين ونلزقهم ف بعض يدونا فعل جديد، بمعنا أعمق!

زخنق (زخن + خنق) - فرتك (فرك + فت) - بعزق (باع + عزق) - خنسر (خان + خسر) - خربش (خرر + نبش) .. نلخ!

* كمان فيه أسامي وأوصاف ملزوقة أو مضمومة أو منحوتة، نجيب اسمين ونلزقهم ف بعض يدونا إسم أو وصف أعمق أو مختصر، زي إسم كلية دار العلوم اللي اتخنسر وبقا وصف ل اللي بيتخرجو منها نقول فلان درعمي، أو مدرسين دراعمة ، أو حضرة الطالب اللي بقت "حظابط" .. نلخ!


هنا عندنا اسم فرع الشجرة الناشف اللي ملوش لازمة = جنر وإسم السحلية اللي بتقف عليه كأنها جزء أو حنة منه = جنف

السحلية اللي واقفة ع الفرع دي، فجأة كده تلاقيها فاتحة بقها
ومطلعة لسانها ومسرعة!

لزقنا الكلمتين الاتين مع بعض وطلعنا منتج جديد: "جلنف"،
ووصفنا بيه الشخص عديم الذوق واللي ملوش لازمة!

* شقيلة الره واللام بتشرح هنا كتير، وطبيعي يتشقلبو مع بعض
كأنهم حرف واحد، بسبب مخرجهم الصوتي الواحد!
الأفعال الممزوجة (المضمومة) والأسامي الممزوجة، إبداع محتاج صنعة
وخبرة كبيرة، من شعب أصيل ولغة أصيلة!

2024 / 1 / 1 / 11



أتاية 1595

أتاية الرز، يعني حزمة الرز أو الشعير أو
غومر البرسيم .. نخ!
دي لغة يعرفها الفلاحين لغاية إنهارد!

الأتاية حزمة أو غومر بعد حصاها، خدت إسمها من تصريف إسم

نثرة الحصاد: تايث / تاية / أتاية!

ألفين سلام وتحية للفلاحين والصناعية

حقيقي هو ما بجد، #حراس_الهوية_المصرية

2024 / 1 / 11

1596 جرجس المصري

جرجس، اسم مصري قديم، معناه زعفران.

يعني زي نعناع ونعناعة وريحان وريحانة وزاهر وزهرة ووردة وفلة
وياسمين .. نلخ.

عاوز حضراتكو قبل ما تقررو البوست ده، تنسو اللي مكتوب ف
ويكيبيديا، أو تفاسير الكتابات القبطية ع العموم!

فيه عندنا بالإسم ده موميا ومقبرة ف بني حسن، يعني قبل المسيحية
ما تظهر بألفين سنة.

وآدي كان صورة الإسم، واضح حروفه ودلالته، مكتوب بالهيروجليفي، مباشر ومن غير تصريف!



- طب، المشكلة فين؟

المشكلة ف الخلط بين اسم القديس جورج، وأصله اليوناني وعمله ف الجيش الروماني

أما دخلت حكاية القديس ده مصر، اتعمل لها تمصير، من ناحية الإسم وتفاصيل المعجزات:

اتغير الإسم من "سان جورج" لـ "مار جرجس"

طب "سان جورج" = القديس جورج

إنما "مار جرجس" = الشهيد جرجس، ترجمة مصرية أصلية حصرية،

لا سرياني ولا طلياني!

اللي يحب يقرأ كان ف الأساطير، هيلقي كتير من حكاويتنا وصورنا القديمة دخلت ف أسطورة الشهيد مار جرجس، خصوصن الصورة

المشهوره والمتكررة ف الثقافة المصرية القديمة، راكب ع الحصان
وبالحربة بيقتل الوحش!

المصريين من قريب أوي كانوا معتزين بالإسم المصري وكان منتشر
انتشار كبير، لغاية ما حصلت الهجمة الوهاية البشعة، واضطر
الأقباط للإستعانة بالظهير الأجنبي، فبدأت أسامي (جورج وبيتر)
بالتصريف الأوروبي تحل محل (جرجس وبطرس)!

2024 / 1 / 12



هضبة 1597

هضبة الهرم


الهضبة الوسطانية

الهضبة الجوانية

والهضبة الهضبة الهضبة .. عمرو دياب

جدرها المصري: "حضا"، يعني أرض عالية

2024 / 1 / 12



1598 فاكهة، ولا fruit

تخيلو إن كلمة fruit بتصاريفها اللي ف اللغات الأوربية، أقرب كتير من الأصل المصري؟

كل الحكاية إن الي الثقيلة ف الجدر المصري prwt تصريفها الطبيعي بالشقبة مع الفه، تبقا: "فروت" و"فرويت"! طب وهي "فروت" دي مش موجودة ف كلامنا؟ منها تصاريف الفرط والفرطة، والحاجة الفرطة يعني الزيادة الحلوة! ياعم قول "فروت" سلاط براحتك! - طب أومال كلمة "فاكهة" أصلها منين؟



من جدر مصري بارضو، بس اللي يقرأ الهيروجليفي لازم يطبق قواعد التصريف، ويشقلب البه مع الفه

2024 / 1 / 13

1599 أوزيريس

وزير ولا اوزيريس ؟

كتابة اللغة المصرية مش بنميزها بنوع الكتابة وبس

لا ممكن كان نميزها حسب زمن أو عصر الكتابة


الصورة دي بتوضح إسم النتر "وزير/ أوزير" مكتوب "اوزيريس"،

بالسين اليوناني الزيادة، زي إيزيس ونفتيس .. نلح، والكتابة دي من

زمن البطالة، لأنه موجود ف بردية معروفة بإسم نيسي (نيازي)

أمسو Nesi Amsu مكتوبة حوالي سنة 300 ق.م!

القاموس موضح ف آخر سطر، إن كلمة "اوزيريس" مقصود بيها "وزير"



المكتوبة من عصور أقدم!


يعني لو حضرتك بتكتب عمل أدبي أو فني، سيناريو أو أغنية أو قصة، وبتكلم عن شخصية أوزير، متكتبتش "أوزيريس"، إلا لو كانت الأحداث ف العصر البطلي واللي بعده!

2024 / 1 / 14

1600 إحم يعني قانون

من غير لا إحم ولا دستور
كناية بنستخدمها ف كلامنا، وبنسمعها كتير ف حوارات الأفلام
والمسرحيات القديمة!
والكناية زي ما حضراتكو عارفين، بنستخدمها عشان نعبر عن حاجة
بأوصاف حاجة غيرها، يعني بنلح للمعنا!
المقصود هنا انك تقول أي إعتذار للخروج عن الواجب: سوري/
آسف/ بلا قافية/ ولا مؤاخذه .. نلح!

انما لما نرجع لمعنا كلمة "إحم" ف المصري القديم، هنلاقيها بره
الحكايات دي كلها، ومعناها المباشر والصريح = قرار/ حكم/ أمر/
قانون .. نلح.



فكرتني الحكاية دي بالدفع الي بيقدّمها المحامين عن بطلان الضبط
والتفتيش واقتحام البيوت، من غير قرار النيابة ولا حكم من المحكمة!
كده العبارة بقت منطقية، واحد داخل كده من غير أي سلطة،
فبنقول له:

- يعني يا خويا داخل كده من غير لا إحم ولا دستور!
داخل من غير لا أمر ولا حكم ولا قانون!
تبقا مبقتش كناية ولا حاجة، دا كلام مباشر وصريح، بس نفهم
أصل كلامنا!

2024 / 1 / 15



1601 دفن .. دفنة .. سوا

دفنيه سوا




من الأمسال (الأمثال) الشعبية، أو
خلاصة إبداع الخبرة والتراكم ف شكل فن

مخصوص، نقدر نسميه # كنايات مصرية

المعنا المقصود من الكناية دي = إحنا عارفين سر بعض!




دين/ دفن

ṭeben   , U. 258, P. 265,

M. 477, N. 718, 1245; var.   ,
coffer, sarcophagus.

فيه حكاية - ف الغالب متألفة- للكناية دي، ملخصها إن اتنين حرامية
دفنو حمار وعملو عليه مقام، والناس تزور وتديهم هدايا ونذور عشان
البركة، فلها اختلفو، واحد منهم قال للتاني: دا احنا دفنيه سوا!

دينين/ دفين

Ṭepān   , Tuat V, a serpent-
god, servant of Seker.

اللي يهمني هنا إن الجملة كلها من جدور مصري: "دفن" + "سوا"

* دين / دفن = غطا / تابوت الدفن

* دين / دفين = اسم تعبان الأرض / حارس "سقر" نتر الموت!

* سوا = مع بعض / حوالين بعض

2024 / 1 / 15

1602 صغر .. زغر .. سخر

صغير / زغير

زغر زغرة

الكلمتين دول وتصاريفهم ورا بعض ف القاموس، عشان كده


بعرضهم مع بعض، اقتصاد للوقت والمجهود!

أما تسمع حد كبير يقول ع الطفل: "زغير" و يوصف التصرفات

البسيطة بأنها: "شغل زغار"، متستغربش .. الكلمتين عندنا،

وتصريفهم بالشقبة مع بعض (السين والزين والصاد) شقبة طبيعي

خالص، لأن مخرجهم الصوتي واحد!

skhar-t , a kind of fruit or seed.

skharāa , Rouge

I.H. II, 114; varr. 

abuse, to curse, to ill-wish; Copt. cꜣorep, cꜣorp.

نفس الحكاية، بالنسبة للسخرية والزعر، حتا المصري القديم كتبهم بالهيروجليفي، مرة باخله ومرة بالغين، المعنا قريب من الإساءة

والتهديد، ونية السوء!

- زغریلی بعینه!

- زغریلی جامد!

- وزغر له حطة زغرة!

- واخدينه مسخرة!

2024 / 1 / 15



1603 إقالة .. استقالة .. قیالة

الجدر "قري/ قلي"، معناه القفل، تقفل
حاجة، تقفل صفحة، تقفل مرحلة، راحة
بين فترتين عمل، زي راحة الفلاحين
الضهرية بين الشغل!

-يعني القیالة والقیلولة معناها وقت الراحة ف نص النهار، راحة من
الشغل، راحة من الحر .. نخ!
الفنان الجمیل "أبو لمعة" كان بیسرح بالخواجة "یيجو"، ویقول له وأنا
بتفسح ف الاسکیمو "قیلت" تحت شجرة آیس کریم!
ما شاء الله "ابو لمعة" رزقه واسع وأحفاده کثیر:
*احمد "سعيد" النکسة!

*احمد "سعيد" الصحاف العلوج!
*أبو عبیده الطوفان! .. شکله "سعيد" بارضو!
مبتکلمش ف السياسة خالص، بس القافية حکمت

2024 /1 /16

1604 صيني



الخزف الفاينس اللي بنقول عليه صيني
مش نسبة للصين، إنما إحنا عارفينه
بالاسم ده قبل ما يبقا فيه حاجة ف
الدنيا إسمها الصين!

- * الجدر "سينو/صينو"، معناه وعاية او طاجن للسوايل!
- * حيطان ممرات هرم زوسر ف سقارة من جوه، مكسية بالخزف
الفاينس، زي السيراميك كده، عارفين الكلام ده من إمتا؟
- من الدولة القديمة أسرة ٣، حوالي ٢٧٠٠ ق.م، إنما أقدم آثار
تدل علا وجود الصين نفسها متزيدش عن الفين ق.م!
- * صورة سيد قشطة، تجسيد النثرة إبيت/ ايبة، اللي من اسمها
"طا-ايبة/ طيبة"، خزف فاينس، أو صيني مصري، أم الأجنبي!

2024 / 1 / 16



1605 بالزوفة

- الزوفة كناية عن الكثرة العشوائية

بدأت سلسلة بوستات عن تعبيرات خاصة

بالمصريين، وسميتها #كنايات_مصرية

يعني عندنا #أمسال_مصرية بتلخص الحكمة والخبرة!

وعندنا كمان #كنايات_مصرية بتنجز وتعمق الكلام!

الزوفة من الجذر المصري "سوف/ زوف"، يعني الفوضا والعشوائية!

- من الجذر "زوف"، التصارييف دي:

* التسوييف وتأجيل الالتزامات = فوضا!

* زوف زوف، العيا مر = كل وسيبك من نظام الأكل الصحي =

فوضا وعشوائية!

* عندهم الخضار والفاكهة ب "الزوفة"، يعني الخير كتير من غير

حساب ولا عد!

* زوف اللي جمبك شوية = ابعده كله مع بعضه!


زوف، مع البه (ب) = ييزوف حاجات كتير عشوائي

زوف، مع العين (ع) = عزوف كلي عشوائي
زوف، مع الجيم (ج) = مجازفة كلي عشوائي
زوف، مع الح (ح) = حذف كلي عشوائي
التعبيرات المصرية بالكثايات دي، تنشيط لذاكرة الأجيال الكبيرة،
وتعريف للأجيال الجديدة!

2024 / 1 / 18

1606 غاص .. غواص (عيد الغطاس)

الجدر المصري الهيروجليفي "غاصت"، معناه = اسم بركة الماية
زي العادة، المصدر أو الجدر المصري القديم اللي أصله إسم،
بتتصرف منه الأفعال والصفات وأسامي الفاعل والمفعول
والأدوات!



- منتجات الإسم "غاصت"، مع تطبيق قواعد التصريف بالشقبة
والخفنة:

فعل: غاص / يغوص / اغوص

فاعل: غواص / غواصة / غواصين / غواصات

فاعل: غاطس / غاطسة / غاطسين

فاعل / اسم: غطاس / غطاسة

خبر: غطاس

مفعول: مغطس / متغطس

يعني عيد الغطاس المسيحي، اللي له جدور طقسية مصرية قديمة،

آدي كان جدوره اللغوية، من اللغة المصرية القديمة

- اللي هيقول أصلها آرامي ولا سرياني هضربه بزغزوعة قصب

عيد غطاس نشاط وحيوية، وأكلة قلقاس هنية


2024 / 1 / 19

1607 غض

بغض النظر

تتغاضا عن كذا

الجدر المصري "غض"، مرتبط بالطفولة وأوصافها، يعني التجاهل
 اللي بنقول عليه براءة والكسوف والمحدودية، يتصرف منه:



* غض النظر (تجاهل)

* غض الطرف (تساح)

* غض الصوت (توطية)

* غض العود (طري)

* غض القلب (خفة/ خوف/ جبن) .. تعبير من القاموس!

- المدير الكويس، ميتغاضاش عن أي غلطة ف الشغل

- الأب الحنين، بيتغاضا عن غلطة ولاده، وعلا قلبه زي العسل!

الجدر المصري "غض"، انتشر ف المعاجم والمجامع الأجنبية!

معندناش أي مشكلة، كله من خير مصر الأم!

- عاوزين بس نعرف ونسجل ونحمي حقنا!
 عاوزين أقسام ف الجامعة تدرس [#اللغة-المصري](#)
 وعاوزين جهة تحمي كنوزنا اللغوية [#مجمع-اللغة-المصرية](#)
 2024 / 1 / 20


1608 وقع .. وقوع .. وقعة

واقع لشوشته

عندنا [#أمسال-مصرية](#)

وكان [#كنايات-مصرية](#)

من الكنايات الي بنقولها لما حد ييقا هيمان وغرقان ف الحب وناسي
 نفسه وناسي الدنيا كلها:



- دا واقع لشوشته!

- دي واقعة لشوشتها

الكناية المصرية دي، جدورها من اللغة المصري:

• واقع / وقع / يوقع / توقع / وقعو / وقعنا / وقوع / توقع .. نلخ

من الجدر "قع" اللي بيعبر عن وقوع السوايل بصفة عامة، والقىء أو الإسترجاع بصفة خاصة!

كمان الجدر "عق" بتبديل مكان الحروف (لخفنة) يدي نفس المعنا، وبنفس مخصص وقوع أو نزول السوايل، وبالمناسبة الجدر ده لسة موجود، عندنا ف الفلاحين مبنقولش فلان بيرجع ولا بيتقايا، لسة بنقول: (فلان "بيعق")!

• شوشة/ شواشي .. زي شواشي الدرة

من الجدر "ششت/ شوشة"، يعني الشعر الأبيض، وشواشي الدرة خدت الكاية بسبب لونها الأبيض!

تبقا كاية "واقع لشوشته" كاية مصري، وكان كلها من

[#اللغة_المصري](#)

2024 / 1 / 22

1609 فقد .. فقيد .. مفقود

كناية من الجدر المصري "فقت/ فقد"، بمعنا النجوم، والأدق النجوم
المختفية، لأن النجوم السيارة ليها اسم ثاني "صباو"!

fekat حة ° *
Ue ° * *, N. 700, the stars.

- المصري القديم كان محدد مكان لأرواح الصالحين، بين النجوم،
مع الأرواح الطاهرة!

- الأبرار أرواحهم طيرة فوق ف العلاي!

- خالد، اللي خد مكانه بين النجوم، حفيد اخويا المرحوم عبدالله!
خالد، كان أكثر حد ف شباب العيلة مقبل ع الحياة، روحه حلوة،
ترتاح وتجه أول ما تشوفه!

مع السلامة يا خالد، يا نجم النجوم!


2024 / 1 / 25

1610 قفاه يقمر عيش

#أمسال-مصرية #كنايات-مصرية

القفاه (الأفا/ الجفاه)، يعني الرقبة، أو الخناق زي ما أهالينا كانوا
يقولو: مسكه من خناقه!


- أما معنا رجع قفاه يقمر عيش، يعني رجع خايب محققش حاجة
من هدفه!



ودي جات من كناية بالخفنة مع إسم نوع من العيش الطويل المقمر،
زي القفا الطويل!

- وبارضو القفاه، كناية تالته من إسم "كولة البابت" اللي كان يلبسها
كل المصريين، حوالين الرقبة!

القفاه من الجدر المصري اللي ف الصورة "qfi"!

qafi , A.Z. 1908,
Anastasi I, 11, 4, to be choked, suffocated.


- بس نخلي بالنّا إن فيه أسامي ثانية للرقبة وكنايات كثير، منها:
- "وسرت/ وزرت/ وزرة"، يعني الوزرة بتاعت الحيطّة والوزرة بتاعت البيجامة والجاكّة والفسّتان!
 - "نحب/ نجبة"، بارضويّني رقبة، ومنها شتيمّة: "جاك قطع نحبك"!
 - "عنقت"، كناية من اسم النّرة عنقت، صاحبة أطول رقبة!
 - "Nik" حتّا اللاتيني والإنجليزي neck، جدرها من كناية "نك"
- مكان العقاب/ الضرب ع القفا!
- لسة واحدة محترمة كتبالي تعليق صفحة طويلة عشان تفهمني، إن احنا مبتكلمش مصري، والمطلوب نعقل بقا ونرضا ونفرح بالمقسوم
- لنا إننا بنتكلم عربي!

2024 / 1 / 28

1611 الحي

وحياة الغالين

مهباش حضارة موت، دي حضارة كلها حياة، بدليل إنها أطول
 فترة حضارية ف تاريخ الكون، متواصلة وباقية معنا بكنوز آثارها،
 وبضميرها الحي ف نفوسنا، حية ف كلامنا وأمسالنا وأفعالنا، من
 آلاف السنين، ولملايين السنين!



- كلمة "حي"، من كناية وصف الفيضان الجاري النابض بالحياة!
- إسم "الحي"، اسم مقدس، بالظبط زي "الحي" ف الأسامي الحوسنا!
- وصف الزمن من بدايته لنهايته بـ "الحياة"، من جدر مصري بنفس
 المعنا والوظيفة!

فاضل إيه؟


فاضل إنا -تقرين- الشعب الوحيد اللي يحلف بالحياة، تصريف
بمعنا أرجوك/ لو سمحت/ من فضلك:
- وحياتك يا حبيبي ريج قلبي معاك - سيد مكاوي
- وحياة قلبي وافراحه - عجليم
- وحياة عينيك وفداها عينيا - شادية
تابع بقا باقي حلفانات المصريين:
وحياة النبي/ وحياة أبوك/ وحياة أمك .. نلح
كل ده، وغيره كثير، والعدوين بس اللي بيعتبروها حضارة موت!
2024 /2 /7

1612 غيرو

انت الحب اللي مفيش "غيرو!"
يا سلاام يا ست
- معدش فاضلي "غيرك"
- شوف حد "غيري"!

- انتو "غيرنا"

- احنا "غيركو"



كل تصاريّف ال "غير"، حتا "التغير" والمتغيرين "و"الغيار"
و"الغيارات"، أصلهم من هنا

[#اللغة_المصري_أصل_الكلام](#)

غير/ غيرو = بعيد/ آخر/ مخالف/ مختلف

2024 /2 /11

1613 حوب

بمناسبة "عيد الحب"

زي ما طلبت الصديقة لنا جرجس

الحب بكل معانيه الجميلة، بداية من حب الأم والأب والبنت والولد
والأخ والأخت والخال والخالة والعم والعمة .. ل حب العلم/ حب

الرياضة/ حب الموسيقى/ حب الناس، لغاية ما نوصل ل حب الوطن، كلها مجرد كليات لمشاعر معنوية، إنما أصلها صريح ومباشر! تخيلو إن "حب"، وزى ما بننطقها: "حوب"، يعني احتضان/ معانقة/ تبني/ احتوا .. والمخصص (دراعين ف وضع الإحتضان)!

hup , to embrace.


- طب والي "يحب نفسه"، يحضنها إززاي؟
 - كما لما نشوف اتنين حاضنين بعض تحت السلم أو فوق السطوح،
 نقول: كانوا يحبو بعض!
 الحب معانيه حصل لها تطوير بالتأكيد، إنما الأصل هو الإحتضان/
 المعانقة/ التبني/ الإحتواء

2024 /2 /14

1614 .. مس

مستعجل

مستقبل



مستنظر

مستحمل

مستفهم

مستعمل

مستخدم

مستنجد

مستنصح

مستذكي

مستهل

مستعبط

مستزل

مستبشر

مستبرك

مستفتح

مستوفي

مستفسر

مستوعب

مستكبر

مستعظم

مستحققر

مستكره

مستجب

• مستوصف

• مستشفا

• مستودع

• مستوقد

مستحيل

مستغل

مستفلح

مستقفي

مستحمر

مستغي

مستعمي

مستحمي

مستنجي

مستهوي

مستغطي

مستحيي

مستكفي

مستنشي

مستمع

مستقوي

مستغرب

مستعر (من العار)

مستكيف

مستكثر

مستحسر

مستفرد

مستجمع

مستوحد

مستقل / مستقلل

رموز لغوية مصرية، انحلت لأدوات

مست، بداية/ بادية (سابقة لغوية) مصرية أصلية

من الجدر "مس/ مست" فعل الولادة والبداية

2024 /2 /19

1615 لص .. لصوص

- حرس م اللصوص

اللصوص مش يسرقو الفلوس بس:

- يسرقو الحضارة

- يسرقو اللغة

- يسرقو الحواديت


- يسرقو الأغاني

- يسرقو الأحلام

- يسرقو الأمل

كلهم لصوص

كلمة "لص" من جذر لغوي مصري:



بـ #النطق-الإصطناعي-الإصطلاحي-الحرفي = "ردج"!

بـ #النطق-الطبيعي-التصريف-الصوتي = "لص"!

- الره الهيروجليفي لازم تتصرف مع اللام، والحرف اللي الخواجات
تايهين فيه "دج"، لازم يتجرب تصريفه مع الجيم والصاد والضاد
والدال والزين!

- النطق التصريف، بيوصلنا للمعنا بأقصر طريق!


تقول "لص"، تقول "حرامي"، تقول "سارق"، كلهم لهم جدور من
المصري القديم!

قول اللي يعجبك، المهم تخلي بالك، وتحرس م اللصوص

- هويتك أمانة

- لغتك أمانة

2024 / 2 / 21




1616 ست بيت

اسمها: "ست بيت"

باللغة الوطنية (#اللغة المصرية): ست بيت

باللغة الأجنبية الرسمية (العربي): ربة منزل

باللغة الأجنبية شبه الرسمية (الإنجليزي): housewife



المقصود الشعبي دلوقتي، انها الست اللي شغلها ف بيتها مع جوزها

وأولادها وأهلها .. مملكتها!

- الجذر اللغوي "st" معناه صريح خاص بالست المتجوزة!

- إنما نفس الجدر اسم ست الستات: (است/ إيزيس)!
- وأما ندور شوية نلاقي معناه: (كرسي العرش)!
- "ست البيت" معناها الحرفي = (ملكة عرش البيت)
- الست ممكن تشتغل أي شغلانة، بس تفضل: (ست البيت)!
- ف الصور، جدور الكلام من مرحلة الكتابة بالهيروجليفي:

woman = ست

House = بيت

2024 /2 /27



الجمع 1617

- الجمع الواوي
- الجمع الوياوي
- الجمع الهيمي
- الجمع التيمي
- جمع الآت

من البداية كده، ياريت اللي يقرأ الكلام ده ينشف ودانه ويروق دماغه من كل اللي اتعلمه ف المدارس عن قواعد العربي، لأننا هنا بنتكلم عن قواعد لغة ثانية خالص، لغة مبتدرسش لسه، بنتكلم عن قواعد اللغة المصري، وبالتحديد قواعد اللغة المصري الحالية، أو #اللغة_المصري!

لأن الخلط بين المصري والعربي دايم بيكون ضد مصالح المصري، ونتيجته ضرب ف شخصية المصري!

- ما دام الكلام مصري، وقواعده مصري، يبقى بارضو اسم القاعدة يبقى مصري!

صور كتير من الجمع موجودة ف كلام المصريين، يعني الحكاية مش مذكر سالم ومؤنث سالم!

- وبالمناسبة إحنا مبفرقش ف الجمع بين الستات والرجال: ممكن نقول ع البنات والولاد: "شوطار" أو "شاطرين" أو "شاطرة"، وكلهم جمع من غير أي تمييز!

الصور الكثير ف قواعد الجمع المصري بتودينا لملاحظة حب المصري لحياة الجماعة، الشغل ف الغيطان جماعي، والإحتفال كل يوم بعيد أو

مولد شكل جماعي، وعمارة المباني جماعي، بالظبط زي الكلام اللي سبق وكتبته عن سبب انحياز المصري للجملة الاسمية، جملة الفاعل! اخترت الخمستون دول، انما فيه أنواع وصيغ ثانية للجمع، مع حالات سؤال الجمع ونفي الجمع ووصل الجمع .. نلخ!

1- الجمع الواوي: وله طريقتين: أول طريقة: "واو ف نهاية الكلمة" زي: (سلامو عليكو/ إزيكو) - ومنحطش ألف ورا الواو- ملناش دعوة بقواعد العربي- وتاني طريقة: "واو تاني حرف ف الكلمة"، زي: (أواضي/ سواءى/ دواهى/ نواصي/ نواحي)، وزى: (نوبل/ لوطف/ حوب/ زوهد/ قورب/ بوعد).

2- الجمع الوياوي: نسبة لأداة الجمع القديمة "وي" اللي منها (ويايا/ وياها/ وياه/ وياك/ وياهم)، وبتيجي ف آخر الكلمة، زي: (حكاوي/ غناوي/ تقاوي/ فتاوي/ بلاوي).


3- الجمع الهيمي: نسبة لحرف الهه، مش الله ولا الله المربوطة، زي: (قبضيه/ ضبطيه/ دوريه/ جمعيه/ حراميه)

4- الجمع التيتي: وله طريقتين: أول طريقة: "الله المفتوحة"، زي:
(ستات/ اخوات/ بنات/ شنبات/ فتوات)، وتاني طريقة: "الله
المربوطة"، زي: (أكيلة/ لعبية/ حبيبة/ شريفة/ قبيضة).

5- جمع الآت: بتنتهي كلمة الجمع فيه بألف وته (ات)، زي:
(حلويات/ مشويات/ أولويات/ سنويات/ هويات/ مسؤوليات/
اكراميات)، والنوع ده أكثره للتأنيس (التأنيث)، انما بيعجي بارضو
مع التذكير: (أفنديات/ اجتهادات/ مجهودات/ شكريات/
غراميات)، رغم إن مفردهم مذكر بالترتيب: أفندي/ اجتهاد/
مجهود/ شكر/ غرام.

أقدر أقول إننا الشعب الوحيد ف العالم الي مغيرش قواعد كلامه،
طورها إننا مغيرهاش، كل الغزو الحربي والسياسي والديني والثقافي،
وراجعه لنا قواعدنا سالمة!

2024 /2 /27



1618 الطين والأطيان

يقولك: فلان عنده "طين"، يعني عنده
فدادين أرض!

إنما لما يقول: فلان صاحب "أطيان"!
المقصود أراضي مساحات كبيرة

يعني مش كفاية تقول عنده أرض، لأن اللي عنده أرض دي،
ممكن يكون قيراطين ثلاثة

إنما اللي عنده عشرات أو ميات الفدانين، ييقا:
صاحب أطيان!

- الكلام ده، المصريين جابوه منين؟

جابوه من كنزهم، وصرفوه من جدور لغتهم القديمة!

- المصريين - وحواشيم - اللي بيقولو كلمة أطيان!

* طينو (tinw) = أرض / أرضي

* طين (tin) = مساحات أراضي كبيرة

طبعن قواميس الخواجات - كتر خيرهم- لها أفضال كثير، إنما
بارضو النطق الإصطلاحي ده بيتوه الكلام ونادر لما يوصل بين
القديم والحالي، عشان كده #النطق الطبيعي التصريفي بيعيد قراية
الكلمة ويصحح النطق ويوصل المصريين بجذورهم!


2024 /3 /4

1619 شخص .. شخصي .. شخصية

بنقول شخص وشخص

بس الظاهر أن دي مجرد خلفنة
لجذر مصري أصلي بيعبر عن
الكاتب بكلمة "شخس"!
شخس / شخس / شخص = كاتب

#النطق الطبيعي التصريفي



الكاتب في الزمن القديم كان من أهم الشخصيات في المجتمع، وربما للسبب والمكانة دي، اللقب بتاعه بقا كناية للتعبير بإحترام عن الشخصية!

- يقولك بس فلان ده شخصية!

شخصية وبس، ويقف، بس اللي سامع فاهم إنه يقصد شخصية محترمة قوية مستقلة متميزة .. نلح، والعجبة ان دي كلها كانت من أوصاف للكاتب المصري القديم!

بالمناسبة خلونا نتعرف علا شوية تخصصات لوظيفة الكاتب:

كاتب ماهر "mhr" مختص بالتجنيد للجيش

كاتب مشاة "sš mš" مراسل حربي

كاتب تمام "sš tm3" عمومي

كاتب اضبارة "tpr" للسجلات

كاتب حاسب "sš ḥsb" محاسب

كاتب قدوة "sš Kdwt" للملخصات والسير

كاتب مشخص "shš" للنوادر والحكايات

كاتب حسن "shn" إداري حكومي

كاتب الدنيا "sš dnit" لإعلان التعليمات

كاتب النصوص "sš nsw" كاتب ملكي

كاتب وضوح "sš wdḥw" بيان القرايين

كاتب محيط "sš ḥwt-ntr" كاتب البربا

2024 /3 /8

1620 فض .. انفض .. تنفيض

انفض المولد

- الكلمة دي جت منين؟

وجدرها إيه؟

* تنفض الحفلة

* يفض البكارة







* فضو الظرف

* نفضها سيرة

* تنفيض الهدوم، (مش تنضيفها)

* نففاضة (سجاد / شعر / بلاعة)

* منفضة (سجاير)

peth , U. 534, T. 294, to tear, to rend.
petthai    , Rechnungen 69 ;
compare Syr. , Arab. فض

كل التصارييف دي وغيرها، من الجدر المصري "فض"، بمعنا rend

أو بمعنا adjourn نزع/ قطع/ ابعاد/ ازاحة/ ترحيل

مفيش أقدم من الجدر المصري

تصارييف الكلمة معانا ومع غيرنا، بس مفيش حد سجلها قبلنا

- خلو بالكو من معاجم ومجامع السرقة والقرصنة!

- اللغة كنز، اللغة هوية، والي يسرق لغتك وينسبها لنفسه، يسرق

هويتك واتتا مش دريان!

أصل كل ما اكتب عن جدر مصري، بيحي حد يقوللي: موجودة ف

معجم المعاني!

دا لا هوه معجم، ولا له معاني، دي مغارة علي بابا اللي بيشونو فيها

البضاعة المسروقة!

2024 /3 /11


1621 أرض .. earth

أصل كلمة أرض

وكان أصل كلمة earth ف الإنجليزي

وكلمة أرتس في العبري


وكلمة Erde بالألماني



طبيعي أوي، إن الأقدم يحط بصمته الأول

مصر ادت أسامي السما "سماو" والنجوم "نجمت"، والمحيط "محيت"
 والبحر "بحر/ بحر"، والنهر "نهر" والترعة "اتروعا"، و"الحياة"، والآخرة
 .. تقرين كل الحاجات الأساسية ف الكون، حتا كلمة قارة
 "قارت" وكلمة أفريقيا "أفريك" ... شوف كمان اسم عمود الـ "جد"
 ومدلولاته، اتصرف منها الجيد والجودة، وف الإنجليزي من الاتيني
 GOD و Goddess و Good يبقا طبيعي أوي أوي إن مصدر
 كلمة أرض يكون من هنا من مصر، حتا لو الجدر اللغوي اللي ف
 الصورة معناه = أرضي/ بتاع الأرض/ ساكن الأرض!

2024 /3 /13


Gardiner's list codes S29-D58-V13:F18-A2
Transliteration sbt
Translation Laugh
Grammar type Verb
Translation Laughter, mirth

1622 انبسط

ملوك الانبساط

بسط، يعني ضحك/ طرب

جدرها سبط، وباللحفة بسط

انبسط

انبسطت

انبسطو خالص


غاية الانبساط

وأنا انبسطت، أيوة، أيوة امبسطت

غداني لحمة، لحمة، عشاني بط

كانت عزومة، الله عليها، منها امبسطت

2024 /3 /13



1623 خيبة بالوية

مسئل (مثل) مصري مشهور، يتقال للتعبير

عن الكارسة (كارثة) أو المصيبة!

جدر الكلمتين من المصري القديم:

* خيبة، من الجدر "hp" يعني عار أو كارسة أو مصيبة

قلة (قولة)، والجمع قلل (قولل)!
خذتو بالكو من التضعيف (ر/ل) بالهيو جليفي
ف الكتابة المصري بنكر الحرف عشان يظهر التضعيف!
مليحه جوى القلل القناوى
رخصه جوى القلل القناوى
قرب حدانا وخذ قلتن
خساره قرشك وحياة ولادك
ع الى ماهواش من طين بلادك
قلة حبيبي ملانة وعطشانة يانا
أروح له ولا أرووح أشرب حدانا
حن ع القلة، دا الغريب حن
ملت لك القلة عطشان تعالا
عطشان تعالا يا جميل ياللا
يا قلة العطشان يا بلدنا

2024 /3 /14

1625 يعرف الكفت


معناها الحالي، موسوعي يعرف تفاصيل كل حاجة!



أصلها قريب أوي من معناها الحالي!

لأن المسل من كلمتين مصري أصلي:

* المعرفة = المحتوا/ المضمون



* الكفت = الجدارة/ السقة (الثقة)

عارفين الحاجة، يعني عندنا علم بمضمونها

ومحتواها

2024 /3 /15

1626 اللي يشيل "قربة" مخرومة، بتخر علا دماغه

- اللي، أداة وصل مصرية مشهورة، انتشرت، من الجدر المصري

!"irry/ illy"

- يشيل، من الجدر "šir/ šil"

- مخرومة، من الجدر "h̥rm"

- بتخر، من الجدر "hr"!

- علا، من الجدر "l3/ 'hr3"!

- دماغه، من الجدر "dmh"

أما كلمة "قربة" وجمعها "قرب"، ف من الجدر اللي ف الصورة:

qerbaiu  Rev. 12, 113, pots of drink.

قربايو = أواني للشرب (وعاية للشرب)!

آدي مسل (مثل) كامل، جملة كاملة، كل كلامها وأدواتها

[#اللغة المصرية](#) وقواعدها من

2024 /3 /15

1627 قالو ف الأمسال (الأمثال)!

ضربوبيه المسل (المثل)!

كلمة مسل (زي ما ينطقها المصريين دلوقتي)، أو مثل (زي ما

بتنكتب بالعربي)!

أصلها شهادة، مشورة، أو نصيحة من خبرة وتجارب السنين!

بـ #النطق-الإصطناعي-الإصطلاحي = mtr


بـ #النطق-الطبيعي-التصريفي = mtl/ msl

أهالينا كانوا ينطقوها بالته (متل): يعني متلن يا سيدي!

مفيش مصري بيطلع لسانه ف نطق الحروف،
إلا غضب!

يعني معندناش حرف الله، بنطقه ته، زي توم وتعلب وتلج، أو
نطقه سين، زي أساس وحديس وتمسيل!

2024 /3 /16



Gardiner's list codes
F35-F35-F35
Transliteration
nfrw

Translation
Good things, treasures, beauty,
goodness, perfection, young
people, end (period of time)

1628 مشكلة الرمز "نفر"

الرمز نفر، له حوالي (٩٠) تسعين حالة
كل حالة من التسعين دول لها معنا

مرة تلاقيه بمعنا جميل، ومرة سعيد، ومرة طيب، ومرة زيادة،
ومرة خير، ومرة دفا، وفجأة تلاقيه بمعنا شاب، وبمعنا عامل، وبمعنا
حارس، وبمعنا عسكري ف الجيش .. نلح!

والجماعة بتوع القواميس وتلامذتهم ف الكليات مستكفين
بلوغارتميات طريقتهم بـ #النطق_الإصطناعي_الإصطلاحي ،
وينطقوه ف كل الحالات "نفر"، والجمع "نفرو"، بكسرة النون!
- بالذمة دا كلام؟

- بصعوبة اتنازلو عن الكسرة الاصطلاحية المقدسة، ووافقو علا
تصريفة نفر، بفتحة النون والره، وجمعها أنفار، اللي نعرفها كلنا، بمعنا
عامل!

- من بديهيات اللغة -أي لغة- إن اختلف المعنا، لازم النطق
يختلف، ومن هنا دور علم الصرف!

عن نفسي وبطريقي #النطق_الطبيعي_التصريفي ، سبق إني صرفت
من الرمز "نفر" إسم نوفل والنوافل الزيادات، بتطبيق قاعدة شقلبة
الره مع اللام، لأن مخرجهم الصوتي واحد ، ولازم الحرفين دول
يتعاملو كما لو كانوا حرف واحد!

ونزلت التصريفة دي ف جزء من أجزاء كتاب #بنتكلم_مصري

<https://www.facebook.com/share/p/zV77Bvfdv6Zqj4>


<Pr/?mibextid=oFDknk>

النهاردة لقيت إن نفس الرمز ف حالة الجمع "نفرو"، اللي بمعنا الخير،
نقدر نطبق عليه نفس قاعدة شقبة حروف المخرج الصوتي الواحد ،
تبقا اللام بدل الره، وتبقا البه بدل الفه، تدينا نطق "نبل"، ولو افكرنا
القاعدة الخاصة بالجمع ف #اللغة_المصري اللي إسمها الجمع الواوي،
وفيها واو الجمع ممكن تيجي ف آخر الكلمة ، وكان ممكن تيجي ثاني
حرف ف الكلمة، يعني لو نسينا طريقة التشكيل بتاعت العربي، وكتبنا
زي ما بننطق، هتبقا "نوبل"، و"لوطف"، و"حوب"!

- "نفرو" بمعنا الخير ف الهيروجليفي = نوبل

كده، ولا إحنا غاويين نصعبها ونعقدها ونقطع جدورنا؟

2024 /3 /18



1629 خاصة

كان فيه حاجة أيام الحكم الملكي، اسمها:

الخاصة الملكية

التعبير ده مش جديد، جدودنا المصريين كانوا بيعتبرو الأماكن اللي حوالين مصر من كل ناحية "خاصة"، يعني السودان الحالي، كان مجرد "خاصة"، وجزيرة العرب، كانت مجرد "خاصة" مصرية!

- يخلصني / يخلصه / يخلصك / مخلص

- خاصية المادة

*الجدد "خص"، مع وش إنسان = خاص / خصوصي

*مع رمز نبات = خص / خصاية (خساية)

*مع رمز الضواحي والأراضي الأجنبية = خاصة

يا سلام لو حبايبنا الخلايجة يعرفو إن صحاري الجزيرة، جدودنا

المصريين كانوا بيسموها: "خاست"، بالتصريف تبقا: خاصة، مجرد

"خاصة" ملكية مصرية!

2024 / 3 / 20

1630 قدس



قدس الأقداس

جسر-جسرو

قصر-قصر و

د جسر-د جسرو

جدسر-جدسرو

جدس-جدسو

قدس-قدسو

مكانه ف أعمق مكان ف البربا (المعبد)

ف الغالب بيكون ناحية الجدار الشرقي، ودي نقطة مهمة أوي، لأن

بنا غالبية البرابي المصرية بمحور شرقي غربي!

*العجيبة بقا، الكنيس اليهودي كده، فيه محراب بيعينو فيه لفاف

الشريعة!


*والكنائس القبطية القديمة فيها حنية شرقية، بارضو ف الجدار الشرقي؛

*محاريب وقبل الجوامع كلها ف الجدار الشرقي!

- قدس - قدسو ؟

- بقا دول وثنين؟

2024 /3 /23



1631 حد .. حدا

"حد" معاه خمسين فكة؟

من مظاهر قوة اللغة المصري،

مرونتها وتعاملها الفوري مع الواقع، بمستجداته ومفاجأته!

النهاردة كمسري مواصلات بمزاج الصيام العالي، اشتكا إن كل واحد طالع الأتويس بخمسين أو مية أو ميتين، فطلب من الناس فكة، متنعمة:

- خمسين فكة، "حد" معاه؟

- فكت خمسين، "حد" معاه؟

- "حد" معاه، فكت خمسين؟

بغض النظر عن خفة دمه وحلاوة روحه وإنه بدل خنقة المشكلة،
بسطها وحولها من طاقة سلبية لطاقة ايجابية ملت الأتويس انشراح،
فشجعت واحد يفتح شنتته ويطلع الفكة!

بغض النظر عن كل ده، شوف مرونة قاعدة السؤال ف
#اللغة_المصري الي ممكن تنوع فيها بالشكل الي عمله الكمصري

واكثر!

طب ليه؟


لأن الجملة المصرية تحليلية، ممكن تغير
وترتب الكلام بالطريقة الي تعجبك، المهم
يتحقق الهدف!

عكس اللغات التركيبية، الي مكان الكلمة

مقدس وثابت وجامد، لو غيرته يتغير المعنا والوظيفة!

كلمة "حد"، زي مابقول، بنستخدمها بمعنا الحدود الفواصل، وبمعنا
شخص، وبمعنا "حدا" ظرف مكان، يعند "عند"، كله تصريف من
الجدر المصري الأصلي!

2024 / 3 / 25


Gardiner's list codes S29-D36:D21-D54
Transliteration sr
Translation Cause to ascend, make to rise (in rank)
Grammar type Causative verb
Translation Cause to approach (of death), bring to an end, forward (pleas, affairs)

1632 سربعة

سربعة

السربة واللهوة والعفرة، كلام وتصاريف مصري أصلي!

- انتا متسربع كدا ليه؟

- أيوة، متسربع وبجري علا طول!

- طب متسربعش!

- واني كان متسربعيش!

- يا جماعة متسربعوناش!

أهو الكلام ده عمرك ما حتلاقيه، لا معجم المعاني و لا الأصفهاني!

- ليه؟

لأن الفعل "سربع"، ده كلمة مصري، صناعة مصري، عبارة عن

فعل ملزوق/ مضموم (التزاق)، نتيجة ضم فعلين أو لزقهم مع

بعض، عشان يدو معنا أعمق من لو كل فعل فيهم لوحده.

- يعني الفعل "سربع" نتيجة لزق "سرع/ سعر" مع الفعل "ربع"!

• سرع + ربع = سربع

- السرعة، من الفعل "سعر/ سرع"، يعني التصعيد والإلحاح!
- انتا مسروع ليه؟
- دا انتا مسعور أوي!
- مسعورع الأكل / مسعورع الجواز
- الربع، يعني الجري بسرعة كبيرة، يتهيا لي ميعرفهاش غير الفلاحين، قبلي وبحري، يقولك:
- الحمار (أو الحصان) ييربع، يعني يجري زي الرهوان!
- الربع، من الفعل المكتوب بالهيو وجلفني: "ربع/ ربح"، يعني الحد الأقصى/ أقصا حاجة/ خط النهاية!
- بطل الجري رباع
- وبطل رفع الأسقال (الأثقال) بارضو رباع!
- رباع الجري، يجري بأقصا سرعة، ورباع الأسقال بيثيل أقصا تقل (ثقل)!
- شوفو الأفعال الممزوجة دي، من بوستات قديمة شوية:
- * خان + نسر = خنسر
- * فتت + فرك = فرتك



* شخر + خرم = شخرم

* باع + عزق = بعزق

* نخر + حرب = نخرب

* خطأ + حرف = خطرف

* خحر + نبش = خربش

* قرط + قطف = قرطف

* فل + عس = فلسع (لحفنة)

* هرا + بدد = هربد

* حف + تنف = حنتف

* قرط + قطم = قرطم ... نخ!

* نقر + نقش = نقرش

2024 / 3 / 26

1633 هدم شتوي

معظم هدم المصريين القدماء صيفي

وده خلا البعض يقول: يعني مكنش عندهم هدم شتوي؟
لأ، كان عندهم هدم شتوي بأشكال كتير، ومنها شكل العباية اللي
ف الصورة، من الدولة القديمة!



طب ليه بيظهرو بالصيفي؟

١- النحاتين والرسامين كانوا ملتزمين بمبادئ
المثالية، عشان كده نادر لما تلاقي تمثال راجل له
كرش ولا ست طخينة، نفس الحكاية ف الهدوم!

٢- كان التزام الفنانين بالفكر الغالب (الأغلبية)، ده بنشوفه ف اللغة
التيهم بلهجة الأغلبية، وبارضو ف الهدوم، الصيف غالب ووقته
أطول، أما برد الشتا ف نادر وفترته قصيرة!

٣- الهدوم الصيفي بنلاقيها ف المقابر وكتب العالم الآخر، وده معناه
إن دي حاجة خاصة بعالم ما بعد الموت مش الحياة الطبيعية،
والسبب المباشر وجودهم ف حضرة الشمس رع، يعني عالم الآخرة
عالم صيفي، يبقا طبعي يلبسو صيفي!

- من تصويري بالموبايل ف متحف ايجتوب /سقارة

2024 /3 /27

1634 حروف كتابة المصري

a	آه (ا)
â	آه (أ)
ä	بدل الفتحه ومد الأه
i	بدل الكسره ومد اليه
y	يه (ي)
C	عين (ع)
b	به (ب)
f	فه (ف)
V	في (ف)
w	واو (و)
o	بدل الضمه ومد الواو
m	ميم (م)
n	نون (ن)
r	ره (ر)
h	هه (ه)
h	حه (ح)
h	خه (خ)
h	عين (ع)
s	سين (س)
š	شين (ش)
š	صا (ص)
K	كا (ك)
K	قا (ق)
g	جا (ج)
j	جي (ج)
t	ته (ت)
t	طه (ط)
t	تش
d	ضه (ض)
d	ديت (د)
z	زه (ز)
z	ظه (ظ)

سامي حرك

حروف اللغة المصري

كتابة كلامنا

اللغة الوطنية

اللغة المصري

اللغة المصري

اللغة المصرية الحديثة (الحديثة)

اقتراح عبزيز باشا فهمي

وسلامة موسا اترفض، عشان

كانو عايزين يكتبو العربي

بالحرف اللاتيني، زي تركيا ما

عملت!

احنا بقا ملناش دعوة بالعربي

خالص، هوو ف حاله واحنا كان

نبقا ف حالنا وف خصوصيتنا!

بqترح هنا حروف تخلي العالم يفهمنا، واحنا نفهمه ونقراه، حتا لو
الترجمة من جوجل!

حروف هتبعدنا عن الحساسية والخلط اللي بين العروبة والإسلام
والهوية الوطنية!

- حروف هتحررنا من وصاية المتعصبين!

قبل ما أوصل لإقتراحي شوفت اجتهادات اللي قبلي ف الموضوع ده!
كان فيه اقتراح ناخذ من حروف الهيروجليفي مباشرة ونعمل منها
أبجدية جديدة!

وفيه اقتراح تاني نشغل بحروف القبطي، بإعتبارها معروفة ومعتمدة
وبتتدرس بالفعل ولها معاهد وأقسام ف الجامعة!

وكان اقتراح ثالث إننا نخترع حروف جديدة خالص!

- كل إقتراح له وجهته، وكل الإقتراحات جميلة، ف إنها
شايقة المشكلة (وده مهم) وبتحاول تقدم الحل!

- مع التطبيق لقيت إننا محتاجين نقارن ونشوف الأنسب!

حروفنا الوطنية القديمة لازم نستمر ف المطالبة بتدريسها، ع الأقل ف
الجامعة، بإعتبارها أصل تكويننا الثقافي، وبإعتبار توسيع قاعدة


دراسة علم المصريات، وبإعتبار إنها من فروع علم "دراسات الهوية المصرية"، وكان حاجة سوق العمل ف التعليم والسياحة، وبالتأكيد فيه اعتبارات ثانية، أما فرضها كحروف كتابة لكلام المصريين الحالي، يبقا كأنها دعوة سلفية، عشان نرجع نعيش ف زمن فات وانته سنة 550 ميلادية، لما الرومان قفلو البرابي وشردو الكهنة ومنعو الكتابة بالحروف الوطنية!

معظم حروف الكتابة ف العالم، متطورة عن الحروف المصرية القديمة، يعني نقدر نعتبرها كلها حروف من أصل وطني، بتصرف أجنبي، بس فايدتها إنها بتوصلنا بسرعة مع الناس اللي عايشين معنا ف نفس الكوكب وسبقونا بكثير، وكان بتسهل استعداداتنا للمستقبل! الحروف اللي بقترحها هنا عبارة عن حروف لاتيبي متعدلة بحروف معروفة بارضو ف صناعة القواميس!

32 حرف مترتين بنفس ترتيب الحروف ف القواميس (تقرين)!
- أساميا بظطبط زي ما بنطقها ف كلامنا الحالي، أو قريب من أصلها القديم:

آه a- أأ 3- بدل الفتحة ومد الآه ä- بدل الكسرة ومد اليه i- يه y-
 عين c- به b- فه f- في v- واو w- بدل الضمة ومد الواو o- ميم
 m- نون n- ره r- هه h- حه h- خه h- غين h- سين s- شين s-
 صا š- كا k- قا K- جا g- چي j- ته t- طه t- ضه d- ديت d-
 زه z- ظه z- تش t

2024 /3 /29



1635 بحلق .. بحلقة

بحلق، فعل مصري أصلي
 فعل مضموم أو ملزوق (التزاق)
 معناه التركيز أوي ف البصة، أو الرؤية بشغف ولوعة وحرقة وكان
 البص بحسد

بحلق، فعل مضموم (ملزوق)، حاصل ضم فعلين:


برق + حرق = بحلق

الره بتشقلب لام، عادي خالص
 أكل وبحلقة = أكل ومتعة/ ناكل ونتمتع بمنظر الأكل

أكل ولا بحلقة = انتا جاي تاكل ولا جاي تنفرج

- انتا "مبحلق" كده ليه؟

2024 /3 /31



1636 ابن آوا

"مصر" علمت العالم، معظم الأسامي

يعني ممكن نعتبرها: حضارة الأسامي


- كل أسامي عصرها وزمنها

- أساس لغوتها: الجملة الإسمية

- مصدر أي كلمة مصرية: اسم، مش فعل!

طب إسأل أي محترف معاجم عربي عن أصل كلمة "آوا" عندهم!

طب حتا كلمة "ابن" دي علاقتها إيه بإسم الكلب آوا؟؟؟



- بالمناسبة أنا قاصد - طبعن - أكتب "آوا" بالألف الصحيحة الواضحة،
عشان بكتب بالمصري، وحسب قواعد المصري، اللي مفيش فيها
المرض اللغوي اللي بيسموه الحروف المقدرة .. هههه .. متقدرة
إزاي وبياه؟ ولا قدرها كده!


* نوع من الكلاب خد اسمه "آوا" من مصر، ببساطة أوي، عشان
ده الصوت اللي بيميزه: أوووو .. آواواوا
* ابن pn أداة إضافة، معناها = "بتاع"!

* ابن آوا = بتاع الآوا/ اللي بيعمل صوت الآوا
دوره مهم ف توازن البيئة ونضاقتها، بياكل البواقي، واللي فاضل يدفنه
ف الأرض يبقا سباح (سماد متزعلش)!

حيوان مقدس، يعني إيه؟ يعني دوره محترم!
خد دوره المسكين "أنبو/ أنوبي/ أنوبيس"، عشان يا ولداه حكايته
فيها كتير من حكاية ابن آوا! عيشته ووحدته ف البراري بعد ما طرده
جوز أمه، والوحيدة اللي كانت بتعطف عليه خالته، ورغم انه
مطروود ومنبوذ، كان يساعد ف الدفنة ويحرس الجبانة!

2024 / 4 / 2

1637 رايد . راضي . روضة



علم النحو = العلم اللي يحدد
قواعد صناعة الجملة!


ومركزش أوي ف المصطلحات
العربية، لأنه حتا بالنسبة

لنحويين القدام المصطلحات

دي كانت نقيلة عليهم، وكانو حفيظة ونادر لما يفكرو ف اللي بينقلوه،
لأن كلمة "نحو كذا" ف اتجاه كذا، ملهاش علاقة مباشرة بوظيفة
المصطلح ده، ونقدر احنا نبعد عن المصطلحات دي خالص ونقول
"قواعد الجملة!"

الإنجليزي والفرنساوي معندهمش المشاكل دي، يقولوها ف كلمة
واحدة: Grammar

علم الصرف = العلم اللي يحدد قواعد صناعة الكلمة Morphology!
هنا المصطلح مباشر، لأن أصله مصري! واختصاره "تصريف" =
"قواعد الكلمة!"



"التصريف"، معناه تغيير
وتبديل وتوزيع (تفنيط)
جذر الكلمة عشان تقوم
بوظايف كتير للتعبير عن
الأسامي والأفعال وأسامي
الفاعل وأسامي المفعول
والصفات وكان الأدوات!

كلامنا النহারدة عن الجدر اللغوي المصري الأصلي "رد" بحرفين
سابتين (ثابتين) أساسيين، انما بيتحرك يمين وشمال وفوق وتحت
حسب حروف الحركة اللي بتدخل عليه!
اللي يهمننا دلوقتي من تصاريفه الكتير معاني:
"العطايا" و"التدرج" و"الإرادة":

1- العطايا "to give"

ربنا يرضنا عليك = ربنا يعطيك

راضيه يا عم الحاج = اديله حاجة

بيتصرف منه بالمعنا ده: رضا وراضي ورضوة ومرضي ومرتضي ..

2- "التدرج" to steps!

التدرج المباشر، يعني الجنين المزروعة درجات وعتبات، ومنها "الروضة" بمعنا الجنة، ومنها كفايات مقدسة زي "الروضة" تشبيه لمقامات الأوليا!

التدرج مش بس جنين وزراعة، تدرج ف التعليم، ومنها "روضة" الأطفال!

3- "الإرادة" to cuse/ to wish!


ومعاني الإرادة، اللي بالخفنة تبقا الإدارة

• أنا بحبك و"بريدك"، بعت مرسال ف بريدك، ويعلم الله اني "بريدك"!

• "رايداك" والني "رايداك"

2024 /4 /3

1638 هيكل



أيام الجامعة كان معايا
نفس الدفعة، طالب اسمه

كده: هيكل محمد هيكل

وكان معايا ف نفس السكشن صديق اسمه: سعد هيكل

وف بلقاس، كان لنا جار ف الغيط اسمه: عم هيكل!

وطبعن من المشاهير المفكر الأديب الوزير محمد حسين هيكل، وكان

الكاتب الصحفي الكبير محمد حسنين هيكل

يعني اسم هيكل ده موجود ف قلب المجتمع المصري!






رغم إن ملوش علاقة باللغة العربية لا من قريب ولا من بعيد!

- غنيمة لغوية زي آلاف الغنائم اللي اتشونت ف المعاجم!

- هيكل يعني كيان كبير!

كلمة "هيكل" أصلها من كلمة مصرية، بتعبر عن طقس احتفالي

قديم، كان بيتعمل جوه البراي!

Haáker      , the name of
a festival ; see **Haker**.



















مش عيد مستقل، زي ما القاموس يقول!
طقس من طقوس الأعياد الكبيرة، حسب رأي أحمد باشا كمال!
يخرج هيكل تمسال (تمثال) النتر، من قدس الأقداس (جسرو/
قدسو)، ويتعرض ف الموكب الإحتفالي، وجهه تمانية من الكهنة
القراءين النسابين، وهوما ماشيين يبقرو ويعدو قائمة الأنساب!
بالمناسبة قراية (الأنساب) أسامي المنسبين دي لسة بتتعمل ف
مقامات الصوفيين، خاصة اللي بيسمو نفسهم الأشراف، ومن مفاخر
مراتي إن اسمها بيتقري ف مقام جدها لما حد من قرايهم يموت!

2024 /4/4

1639 حاجة "تمخول"

يمخول / مخولة / مخولتي / مخولوني .. نخ

- بلاش خولة بقا!

khar  , Rev. 13, 37,  
,    ,    ,  
 , Rev. 14, 12, to destroy, to spoil;
 11 , Copt. **ⲕⲁⲗ**, **ⲕⲁⲣ**, **ⲕⲁⲣ**.

2024 /4 /7




قلم، كناية من إسم شجرة بتعمل
منها الاقلام!

الكتابة ع البردي كانت بريشة أو بوصة أو قلم من خشب شجر الرمان
والورد والقلم!

الَّذِي عَلَّمَ بِالْقَلَمِ
وَالْقَلَمَ وَمَا يَسْطُرُونَ

2024 / 4 / 8



1641 انعاش .. انتعاش

الافاقة الجبرية/ العنيفة/ الشرسة

نعش نعشة .. تصريف بنون التوكيد

#حراس الهوية المصرية .. حباينا

مش عاوزين يندحك علينا وندخل ف سكة نونو وتاتا ومم وهم

وؤمخ وحا وبع .. يعني كأننا بنتكلم مصري للتسلية والتفاريح!

#احنا-بنتكلم-مصري حقيقي وبجد، مش هزار

قواعد كلامنا مصري

الفاظ كلامنا مصري


الكلام اللي بنستخدمه تسعين ف المية منه مصري، يا إما من أصل مصري، يا بتصرف مصري

شوف أي كلمة تخطر ف بالك من كلامنا إحنا هتلاقيها مصرية أو من أصل مصري، مهما كانت موجودة ف معاجم عربي أو فارسي أو تركي، كلهم واخدينها من عندنا وسجلوها عندهم!

- شوف إسم "سوسن" و"سوزان" متسجل فارسي وتركي، وأصلهم "سسن/ سشن" إسم اللوتس المصري!

- شوف كلمة "خان" و"دكان" بارضو متسجلين ف الفارسي والتركي، وسبق ونشرت البوستات مع صور الكلام من قواميس الهيروجليفي! غرفة الانعاش .. حتا وصف التابوت ب "النخش"، قة الأدب مع الميت، تمني افاقته وانتعاشه ف الحياة الآخرة!




2024 /4 /8



1642 مسقط

- شايفينها بعيدة عن مصر؟

احنا دلوقتي شايفين الدنيا حسب خريطة سايكس-بيكو، اللي حكمانا بين خطوط الطول والعرض بالسنتيمتر، بس لو شوفناها حسب خريطة أيام الملك سنوسرت اللي سيطر علا منابع النيل في كينيا والكونجو زائير، وبعث مراكب لليمن وبهارات (الهند)، أو أيام إمبراطورية أمنتب الأول وحفيده تحتس التالت اللي ضمت نص تركيا واليونان والعراق، لازم هتكون النظرة مختلفة!

<p>Mesq-t , U. 418, 469, T. 220, 239, Metternich Stele 76, , B.D. 17, 122, , Rec. 31, 163: (1) the place of resurrection in heaven; (2) the place of resurrection on earth; (3) the chamber of the dead, or bull's skin, which was placed over the dead.</p>	<p>اسم الـ"يمن" واسم حضر "موت" واسم "عدن" (حثة ف الجنة)، واسم "حجاز"</p>
--	--

كلها منحوتات لغوية من اللغة المصرية القديمة!

نفس الحكاية اسم مدينة "مسقط" اللي مكش فيه غيرها ف الشرق، يعني هيه أقدم من أي دولة ف الخليج، بما فيهم فارس نفسها، يعني "مسقط" دي مدينة قديمة اتبنا عليها دولة!

لو سألت أي "عوماني" عن أصل إسم "مسقط" هيقعد يروح يمين و شمال ومش هيقدر يجاوب اجابة منطقية!

- اسم "مسقط" من اسم مصري مباشر، يعبّر عن آخر مكان ف الشرق، بنفس اسم مكان ف الجنة، زي اسم "عدن" بالظبط! المصريين القدماء كان لهم رحلات وجولات كتير ف كل الكون وتأثيرهم حتا ف الصين، الديانة الطاوية برموزها وطقوسها أصلها مصري من "طاو" نتر طيبة!


إمتا؟ وإزاي؟ دي حكاية تانية، اتكلت عن بعضهم ف كتاب "الأعياد" وأنا بحكي عن عيد الأوبت!

غزو العرب لمصر، وتأثيرهم لغاية النهارده، عكس تأثير الرومان واليونان، لازم يتبحث من خلفية علاقتهم القديمة بمصر قبل الغزو (الفتح)، من أيام وجودهم ضمن عشائر الهكسوس لغاية طردهم، أحلام الرجوع، وأحلام العيشة الهنية! 2024 / 4 / 9

1643 بطراخانة .. أجزاء خانة







#اتكلم-مصري واعرف أصل كلامك

ماهو لو عرفت أصل كلامك، هيرتاح بالك، وتزود صقتك (ثقتك)
بنفسك، وساعتها بس، تقدر تتعلم وتتكلم أي لغة ثانية، مانتا هتبقا
واقف علا أرض سابتة (ثابتة)!



كلمة "بطراخانة"، عبارة عن كلمتين "بطرا + خانة"، ودول كلمتين
مصري أصلي، وشوف أصلهم الهيروجليفي ومعناهم ف الصور!
بترا/ بطرا = شرح / كشف / فهم / معرفة .. نلخ
خان/ خانة = مكان تجمع / دكان / سوق .. نلخ
تبقا "بطراخانة" = مكان الشرح والتفهم
دلوقتي سابو كلمة "بطراخانة" عشان بقت بلدي، ويقولو "كاتدرائية"
و"ابراشية" .. ومش عارف إيه!
نفس الحكاية مع كلمة "أجزخانة" اللي أصلها من كلمتين:
"أجزا" يعني دوا + "خانة" يعني مكان أو دكان!
تبقا "أجزاخانة" = مكان الدوا

بارضو مسلسل التعريب، نحأها وقدم لنا بءالها كلمة "صيدلية" اللي
مءءش عارف أصلها ءتا اللي ءشروها ف كلامنا!

khen, khenu , Rechnungen 59 ff.,
, L.D. III, 140B, market-place,
bazaar; Arab. سوق, a khân in the desert, kar-
wânsarai.
khenuit  , Mar. Aby. I,
8, 75, halls (?) warehouses.
khen , A.Z. 1905, 17, ,
the most private part of a building, cabin of a
boat.

* أنا أءب المصري

وأءب كلامو

* ءا أساسو مءين وأصيل

وعالي مقامو

* أسمع وأءءن أغانيه

وكلامو وسلامو

* ءتا الءواءيت مالمين أءلامو

ءامع، مش مسءء

كرسي، مش مقعء

شباك، مش نافءة

سلام، مش ءرج

ءقن، مش لءية

وش، مش وءه

مناءير، مش أنف

رجل، مش قدم
ست، مش سيدة (عندنا سيدة بارضو، بس خدامة ف البربا)
شاف، مش نظر
راح، مش ذهب
طوبة، مش بلوكة ولا طابوقة
حيطان البيت، مش جدران البيت
سور المدرسة، مش جدار المدرسة
غيط، مش حقل
جنيانة، مش حديقة .. نخ .. نخ
2024 / 4 / 9






1644 انكفا

اكفي القدرة علا فومها
انكفا/ انكفت/ انكفو
أكثر من جدر مصري، فيه المعنا: الوقوع/ السقوط

- انكفا علا وشه

اندلق

مش صعب خالص إتنا نوصل المصري القديم بالمصري الجديد أو

kef-t  , IV, 1139,  , Rec.
1, 50, a seizure ;   , Pap. 3024,
139, .


الحديس (الحديث)، بس شوية صبر، ومنستسلمش للتوهان اللي
موجود ف القواميس الأجنبية!

شوف مخصص الراجل اللي مكفي علا وشه، اللي واضح زي
الشمس، والخواجة -رغم مجهوده الجبار- كتب ف تفسير واحدة من
الجدور، إن معناها يساوي سلب/ انتزاع، إنما قاموس الأوزير أحمد
باشا كمال، المصري الواعي، قالها واضحة = منكفي!

ببركة الأولياء، وبدعا المخلصين، مصر هتسترد وعيها، وهترجع لهويتها
الصريحة الواضحة!

ها نتكلم مصري .. وها نكتب مصري .. وها يبقى فيه اقسام ف
الجامعة لتدريس الهوية المصرية والثقافة المصرية، وكان أقسام
ومعاهد لدراسة قواعد وأصول ألفاظ اللغة المصرية الحالية!

2024 / 4 / 10


Gardiner's list codes
O4:D46-D41:D40
Transliteration
hd
Translation
Prevail over, excavate (stone), break (stone), herd (cattle)
Grammar type
Verb
Translation
Attack, punish, dismiss (appellant), turn down, obstruct (someone), conquer

1645 هد

عشان تبني لازم تهد

- اللي بنو "القومية العربية" ف مصر، هدو
حاجات مصرية كثير، مهمة وأصلية!

- وعشان بنبي "القومية المصرية" من تاني، بارضو لازم نهد اللي إتبنا
بالغضب والزور!

الأبنودي شاعر موهوب، بنا مجده كله ع السيرة الهلالية، سجلها
وعظمها وكبرها، سيرة قبائل عربية استعمرت نواحي من صحاري
الصعيد وتونس!

الكلام ده ظهر ف عز أيام الدعوة للقومية العربية، بقا تمرين عملي مع ظهور نظريات متألفة عشان تقول إن المصريين أصلهم عرب من قبائل يمنية، وإن اللغة اللي بيتكلمها المصريين لغة عربية يمنية، ولكنه مصرية، واتبروزت كلمة "العامية المصرية"، يعني الحكاية مكنتش فن شعبي وفلكلور وقول يا عم جابر!

اللي أسسه أحمد لطفي السيد وعبعزيز فهمي ومحمد حسين هيكل وسلامة موسا وطاها حسين وسيد درويش وبديع خيرى، وكل رموز التنوير والهوية المصرية اتعرض للتكسير برصاص رشاش سيرة الأبنودي وربابة عم جابر، واللي زيهم طبعن!

الأبنودي اسم كبير، وقال ف مصر كلام حلو كتير، بس يقصد أو ميقصدهش، كان مجرد عسكري ف لعبة شطرنج عروبية!


ال "هد" يعني الكسر، ويعني التحدي والمعارضة، من الجدر المصري المكتوب بالحرف الهيروجليفي إالى ف الصورة!

- يا واد "متهدينش"، أكثر ما أنا "مهودة"!

ربنا يرحمك يامه

2024 / 4 / 11

1646 بايخ



كذب مساوي، ولا سدد مفرق

[#أمسال_مصرية](#)

المسل (المثل) ده بتلخصه كلمة "بايخ" ف أصل معناها!

بايخ، يعني مفرق/ مفتفت/ مقسم/ منعكش (مش محبوبك)!

أما نوصف كلام بانه "بايخ"، يعني تافه سخيف، مش محبوبك!

والشخص البايخ، مش مقبول!


- كده الحكاية "بووخت"!

- نكتة "بايخة" أوي!

- "بووخو" خالص!

2024 /4 /12

1647 حلو



وردك علا انلدين .. "حلو" ياللي ماشي

"حلو" وكذاب، ليه سدأتك

يا "حلو" صبيح، يا "حلو" طل

"حلوين" من يومنا والله

يبقا ساذج أوي، اللي يفتكر إن اللغة بتنتهي بالإحتلال! أومال مقبرة

الغزاة إزراي؟

ويبقا ساذج أكثر، اللي يفتكر إن اليونانيين والرومان والإنجليز

والفرنساويين لغاتهم متأثرش وتأثرت بالمصريين، واللغة العربية بس

هيه اللي أثرت!

لا دول ولا دولم ولا دوكهمة كان لهم أثر كبير ف كلام المصريين،

بالعكس هو ما اللي اتأثرو أكثر ما احنا اتأثرنا!

أيوه، وعندنا عشر ميت دليل، اللغة المصرية هيه الي أثرت ف الكل!
 المنطقة الي حوالينا كلها هيه الي اتأثرت بالمصري، ولولا محاذير
 السياسة والدين كان الكلام اختلف!
 والي ساذج أكثر وأكثر وأكثر، الي مبيشوفش أصل كلامه إلا ف
 (معاجم) العربي، الي محشية بالكلام المسروق من (العجم)!
 الهيروجليفي والهيرايطيقي والديموطيقي فيهم أصل كلام المصريين
 -وغيرهم- من آلاف السنين، حتا الحرف القبطي الي متأثر باليوناني
 تقدر بارضو تستفيد وتعرف منه أصل كلامك أكثر بكثير من
 معاجم العربي!

الكلمة الي ف الصورة "حرو-نفر"، بالتصريف "حلو نافر" = حور
 جميل، وبيتوصف بيها الشاب الوسيم ممشوق القوام، المفروود السرح!
 بالتأنيث (التأنيث) تبقا "حلوة"، ويغنيها عجليل: الحلوة الحلوة الحلوة!

2024 / 4 / 12



1648 انتباه

انتبه

انتبه

- تلاقو جدرها المصري فين؟

تلاقوه ف الجدر "تبا"

يعني واقف علا حيلك، رافع راسك!

أشهر وقفة للملوك المصريين، وقفة ال

"تبا"، يعني الانتباه!

طب والألف والنون اللي ف أول كلمة

"انتبه"؟

الألف والنون، دي بدايات او سوابق

للتأكيد والتنبيه!

- زي إيه ؟

ان بسط

ان سلخ

ان فتح

ان فعل



ان شرح



- طب والله اللي ف آخر كلمة "انتبه!"
الله نهاية أو لاحقة، بتيجي مع كل حروف المد والحركة:
(و/ أ / ي)، لو جت ف آخر الكلمة!
واحد هيقول بس الجدر ف القاموس "تب" بس من غير ألف مد،
هقوله القاموس غلطان، أو ربح دماغه عشان النطق الإصطلاحي!
منها التنبيه، والمنبه اللي بيصحك عشان تقوم تقف وتشوف مصالحك
جيوش العالم، بتنظم نفسها بوقفة الانتباه
مدرسا انتباه
كله يقف فارد نفسه وواقف علا حيله، زي وقفة جدوده، ملوك
مصر المعظمين!
2024 / 4 / 12

1649 لحاسة المغرفة

العروسة لاحسة "المغرفة"

kherp , P. 339, to rule, to direct,
to present, to offer; var. .

الغرف، يعني التقديم

غرفت الأكل، يعني قدمت الأكل

- ماهو مش معقول هتغرف عالفاضي!

ومنها تصريفة "المغرفة"، من أدوات المطبخ المصري (القديمة أوي)

لتقديم الأكل!

[#أمسال_مصرية](#)

ده مسل (مثل) مصري، 100%، كلامه ومعناه:

الكلام: كل الكلام اللي فيه من جدور مصري

• العروسة والعريس، من الجدر "عرس" كناية منصة الفرحة!

• لاحسة، من الجدر "رحس/لحس"!

• المغرفة، من الجدر "غرف hrp" الي الثقيلة دايم بتتصرف

بالشقلبة مع الفه!


المعنا: 1- مشهور بيتقال عن العروسة لما الدنيا تشتي ففرحها!

2- كان ينتقل ف الفلاحين، عن العروسة الي تقوم شكلة (خناقة)
ف فرحها!

3- وبارضو ينتقال عن العروسة الطخينة أوي!

2024 /4 /13

1650 رقصة "التفقير" في مهرجان "بكة"



عارفين حضراتكو إن عندنا قائمة للأعياد، عددها 89 عيد سنوي!

انما فيه أعياد تانية شهرية ونص شهرية

كان كان فيه أعياد بتتعمل ف أماكن معينة بس

منهم عيد بربا أوزيريس، الي اسمه "بقيه/ بكيه"!

ورا البربا فيه ساحة كبيرة اسمها ساحة الفقير "بقير/ فقير"، ف آخرها

بحيرة، وعلا شط البحيرة دي بيتجمع محبين (دراويش) أوزير من

كل مكان، ويبدأ ويرددو تراتيل وابتهالات أوزيرية، مع الحركات
الصوفية، الي بقا اسمها رقصة "التفقير"!

الكلام ده انا بعيد وأزيد فيه ليه؟

- لأن أيدوس دي كنز اقتصادي وثقافي وسياحي مش واخذ
ربع حقه!

- الحج لأيدوس 14 يوم (15: 28 كيهك)، زي ما سبق
وشرحناهم!

زيارة ساحة الفقير، وممارسة رقصات التفقير، مرة كل شهر مصري
(مع اكتمال القمر)!

تخلو المناسبتين دول، (سنوية وشهرية) لو اتعمل لهم أجندة سياحية
دولية ومحلية!


أيدوس (سوهاج) ممكن تنافس الأقصر وأسوان وأهرامات الجيزة
فأهميتها السياحية!

البداية رجوع وتطهير وصيانة فرع النيل الموصل لأيدوس، ويرجع
المينا النهري والبحيرة!

2024 / 4 / 14

1651 زارع .. زرعة .. زراعة

- كل الكلام المصري أصله أسامي، وكل إسم له حكاية!

Ser āa , Tomb Seti I, one of the 75 forms of Rā (No. 27).

متفكر وش إن فيه ناس قبلنا قعدو قعدة كده، وقالو ياللا ندي كل

حاجة إسم، ولا كل حاجة بتنزل وعليها تيكيت فيه اسمها!

- كل الكلام المصري أصله أسامي، وكل إسم له حكاية من الطبيعة!

طب إيه أصل إسم كلمة "زرع"؟ وحكايته إيه؟

أصل كلمة "زرع" إنه إسم لشكل من أشكال الشمس "رع"، والأدق

إنه وظيفة من وظائفها الخمسة وسبعين!

- إيه؟ 75 وظيفة؟


تمام. 75 وظيفة، منهم المخبر "خبر"، ومنهم أبو العينين الإثنين (لغاية

النهاردة بنقول النهار له عينين)!

الوظيفة اللي تخصصنا النهاردة، الزارع "زرعا"!

دور الشمس ف حياة النبات والزراعة معروف ومحل احترام من
 الإنسان القديم، لغاية النهاردة عارفين دور الشمس ف الحياة!
 الشمس "رع"، من وظائفه إنه فلاح زارع!
 الملك من القابه "سا-رع" ابن الشمس الفلاح "زا-رع"!
 المصريين زراعيين فلاحين!

2024 / 4 / 16



1652 صروط & صوريا

ده النطق المصري الواقعي، الحالي ف

[#اللغة_المصري](#)

للإسمين اللي بينكتبو بالعربي الرسمي: "ثروت" & "ثريا"!

النطق المصري، ملتزم بحاجتين:

* قواعد اللغة المصري

* العادات اللغوية للمصريين

نشوف جدور الإسمين من مرحلة الهيروجليفي:

اسم "صرواط"، بالمصري الحالي، من الجدر "SRW" ومعانيه بتدل ع العظمة والمكانة العالية، واحد من الناس العليوي، اللي بالتصريف



العربي الرسمي بيتقال عليه "ثري"!
اسم "صورايا"، بالمصري الحالي من الجدر "SRW" ومعانيه خاصة بالجوهرات والزينة والديكورات، بالتصريفة العربي الرسمي: "ثريا"، يعني نجفة!

احنا عندنا شيزوفرينيات كتير:

*شيزوفرينيا دينية (تدين مصري وأصوليات أجنبية)

*شيزوفرينيا وطنية (القومية المصرية والقومية العربية)

*شيزوفرينيا سقافية (ثقافية) .. وحاجات تانية بارضو!

العادات اللغوية الوطنية، من عناصر الهوية الوطنية!

يعني مش لازم نلتزم بالنطق الإنجليزي، وكأننا انجليز، الهندي ينطق الإنجليزي حسب عاداته اللغوية الهندية، بارضو المصري لازم يظهر عاداته اللغوية الوطنية وهو ينطق أي لغة أجنبية، بما فيهم العربي،

أو بالذات اللغة العربية، لأن دي اللي بينا وبينها اشتباك وخلط ف الهوية والسقافة (الثقافة)!

التزامنا ف مرحلة القبطي، بالعادات اللغوية اليوناني، وف مرحلة العربي بالعادات اللغوية العربي. عمل ولسه بيعمل قطع ف التواصل اللغوي والحضاري المصري ... قطيعة!


2024 /4 /17

1553 تصافي .. تصفية .. صافي

الجدر الهيروجليفي "SF3" بمخصص الماية رمز الصفا والروقان، بمعاني التطهير والتنقية أو الفلترة زي ما بنقول دلوقتي!

يعني تصاريف الصفا: يصفي / تصفي / أصفي / نصفي / صفينا / صفو / تصافي / مصافي .. وأداة التصفية "مصفا"!

- صفا وصافية وصفوة

sfa  , to strain, to purify;
see sefi.


صافي يا لبن، حليب يا قشطاً!
معلش حضرتك، بعذرلك وأتأسفلك، عشان صدمتك ف اللي
اتعلمته ف مدارس التعريب، لأن طلع، إن سيادتك بتتكلم مصري
مش عربي!

ولو إن الصدمة لنا كلنا، وأنا خت الصدمة قبلك!
- قواعد كلامنا كلها مصري، وملهاش أي علاقة بالعربي
- أغلبية كلامنا وكلام العرب وغيرهم من جدور مصري

2024 /4 /18

1654 طقوس شم انسيم

قاصد أكتبها "انسيم" مش "النسيم"، عشان بننطقها كده، وعشان ده
الأقرب للأصل!



"ن-سيم" n-sem النون أداة اضافة، والسيم يعني الشجر والنباتات والخضرة .. نخ، يعني كلمة "نسيم" كلها على بعضها كده، تصريف مصري من أصل مصري، المعنا الحرفي لها اللي مرتبطة بالشجر، بتاعت الشجر والخضرة!

يعني مش الهوا وبس، ولا الريح وبس، دي حاجة جاية م الشجر بالتحديد!

اسم شم انسيم، مفيش خلاف إن "شم" من اسم فصل الصيف "شمو"، أما انسيم تخريج واجتهاد شعبي من أصلها اللي صعب يبقا معروف لحد مش دارس مصريات "إن-سيم"!


اجتهاد صديقي وأستاذي محسن لطفي السيد، ان كلمة انسيم تصريف من الجدر "نشم/ نسّم" يعني اللطافة!

المعاني قريبة أوي، بس أنا دلوقتي ميال لنسبتها للنبات، خاصة وإن
هنا الهيروجليفي متوافق مع القبطي!

نسبنا شوية م اللغة، ونروح نشوف الطقوس بتاعة "شم انسيم"، واللي
لسة كلها معناها ومتغيرتش -تقريين- من آلاف السنين:

(من كتاب [#الأعباد](#)) الطبعة الثانية

1- الإستيقاظ المبكر: والخروج مبكراً إلى الحقول والحدائق لتحية
الشمس لحظة شروقها، وقد رصد "ماكفرسون" ذلك الطقس في



كتابه الموالد، حيث

رأى بعينه المصريين

يببتون في حقول عين

شمس بجوار المسلة،

ليظفروا بلحظة إطلالة

الشمس في شروقها على قبة بنين المسلة.

2- كتابة أدعية وتوسلات وابتهالات على البيض، إنتهت إلى تلوينه

بألوان ومناظر وإبتكار أشكال مبهجة، (يعني تلوين البيض، بدأ كتابة

أدعية بالحروف الهيروجليفي الملونة)!

3- أكل وتقديم البصل، وقد كان في بدايته قرابين تحتور إبنة الشمس، ثم استمر التقليد باعتباره طقس صحي ومغذي، ومعروف الآن ما للبصل من فوائد تقوية المناعة.

4- أكل وتقديم الخس، وقد كانت في البداية قرابين رمز الخصوبة، إنتهت للحرص على التمتع بلذة وفائدة الخس الصحية.

5- تقديم منتجات المحاصيل المتوفرة في نفس موسم عيد شم النسيم، مثل الترمس والملانة والتوت والفلول الأخضر -الحراقي- وسنابل القمح الخضراء .. نلخ.

6- أكل وتقديم السمك المملح، المخزن بالتليخ من صيد موسم الفليضان، هدية إيزيس السنوية من فيض دموعها، وهو السمك المشهور بإسم الفسيخ (من الجدر المصري فسخ).


والحقيقة أن تقديم وأكل الفسيخ في عيد شم النسيم، هو طقس رئيسي وأساسي، كما في تلوين البيض، فلا يكون شم النسيم بغيرهما. عجبني أوي الكاتب المبدع القديم، اللي عبر عن كلمة "سما" بحرف علامة الـ "سما" رمز التجانس والتمازج والإنسجام، كان يقدر يعبر عن حرف السين بأي رمز، إنما هنا جاب شكل الرئين والقصبة الهوائية

"سما" عشان يعبر عن الهوا الجميل والنفس الحلو اللي جاي م الحضرة
والشجر!

بحرف القصبة الهوائية يبقى معناها الحرفي = هوا النباتات، يعني النسيم
تقدر تقول بقلب جامد، إن "شم النسيم" هو أقدم عيد ف الكون،
متواصل الإحتفال بيه ومحصلش أي انقطاع رغم الإحتلالات!
شم النسيم: أقدم أعياد الزمان!

2024 /4 /18

1655 صقافة (ثقافة) ال "وهم"



الوهم، أحلام وتكرار لقصص وحكاوي

الوهم، كلام الحواديت وأحلام اليقظة

- الزن ع الودان، أشد م السحر

#أمسال-مصرية

كلمة "وهم" وجمعها "أوهام" مش من الكلام العربي، حتا لو نازلة ف
"المعاجم" العربي!

كلام كتير دخل العربي، عن طريق الغزوات، ومن قبل الغزو
اتكونت اللغة العربي من الآرامي والسرياني، اللي متأثرين بالمصري
القديم، من إمتا بقا؟ من أيام الهكسوس!

- تنسا الواقع، وتعيش ف قصص خيالية، تبقا: "موهوم"!

- تنسي هويتك، وتنسبي لهويات خيالية، تبقي: "موهومة"!

- الناس اللي يقولو إنا عرب وبتكلم عربي: "موهومين"!

بقا سيادتك لسة فاكرك، إن فيه جماعة بدو، كانو من كتر حرمانهم
يخلو باللبن والعسل، كلفو خاطرهم وجم من خرايب الصحرا،
عشان يعلموك الكلام وأسامي الوظائف والأكل والخضار والفاكهة،
اللي جدودك عارفينهم وزارعينهم وواكلينهم وشاريينهم من قبل
التاريخ ما يجيب سيرة البدو دول بآلاف السنين؟

كلها مجرد "أوهام"، حكايات بتتكرر، وبتتقرر، لغاية ما تسدأ!
- أما صحيح يا ولاد، الزن ع الودان، أشد م السحر

2024 / 4 / 19

1656 التقويم المصري والقبطي

الإثنين حاجة واحدة، بداية واحدة
السنادي "تحت" كان معانا، ويوم احتفالنا براس السنة، نزلت
شوية مطرة لطفت الجو، رغم اننا كنا خارجين من صيف فظيع!
وبقت الناس تردد: "توت يقول للحرموت"
وادينا شوفنا "طوبة" و"أمشير" ف نفس مواعدهم بيردهم وزعايبهم!
النهاردة الصديق باسم سليمان ابن أيديوس، نزل صور شخصية من
الغيط لضم وحصاد القمح!
ويمكن أي حد مسافر بين المحافظات، يشوف بنفسه شكل القمح
وطقوس حصاده، ف نفس الوقت اللي كان جدودنا يحتفلو بأعياد

الحصاد، يعني التقويم مضبوط، والناس اللي بتشكك ف تاريخ بداية
السنة المصرية هيه اللي مش مضبوطة!

فيه خمس أعياد مصرية قديمة كلها خاصة بحصاد القمح، من نهاية
برمودة لأول بشنس، وبالتحديد من ثلاثة مايو لتسعة مايو، نحستيام



كل يوم حفلة خاصة بالحصاد!

*موكب الحصاد

*عيد القمح

"عيد الغلة

*كسوة حورس

*وليمة حورس

2024 / 4 / 20

1657 ملخص قواعد اللغة المصري

عشان بيقولو كلامنا ملوش قواعد، رغم إن شرح القواعد دي من بدري أوي، بدأ مع كتابات "ابراهيم أنيس" لندن 1950، و"بدر نشأت" 1959، وبيومي قنديل 1986، وعزيز جمال الدين 1990، وعصام ستاتي 2016، وغيرهم.

القواعد دي بتصرف واختصار، من كتاب [#بنتكلم-مصري](#) - 3 أجزاء - سامي حرك (2017)

1- مفهياش إعراب:

يعني مفهياش لا تشكيل ولا تنوين، ولا حتا تنقيط لو انكتبت بحروف غير العربي!

مفيش مصري بيغلط فيها، أقصد ف الكلام بيها، إنما الكتابة وارد تكون بحروف مختلفة، لاتيني أو نبطي، وبتتالي ممكن أي حد يغلط ف الكتابة!

2- لغة تحليلية:

اللغة التحليلية (المصري) عكس اللغة التركيبية (العربي)!

اللغة التحليلية، لغة بسيطة، بتحدد وظيفة الكلمة حسب مكانها، ولو
اتغير المكان بتتغير الوظيفة!

تمرين: سعيد ساعد سعد / سعد ساعد سعيد

تغيير مكان إسم سعيد وإسم سعد، يغير وظائفهم

من فاعل لمفعول، بالنسبة لـ "سعيد"

ومن مفعول لفاعل، بالنسبة لـ سعد"

3- تمثيل للتبسيط:

اللغة المصري، بتختصر القواعد لأقل عدد ممكن، هنلاحظ ده ف
دراسة القواعد، ولو قارناها بقواعد أي لغة ثانية، شرقية أو غربية،
هنلاقي عدد قواعدها أقل وأبسط، نفس الحكاية ف الألفاظ
والأدوات بتختار الأخف والأبسط للتعبير!

تمرين:

جملة باللغة العربي: ذهبت سعاد الى السوق

نفس الجملة باللغة المصري: سعاد راحت السوء (السوج)

لما نقارن الجملتين، هنشوف مظاهر التبسيط ف الترجمة للمصري:

- استبعاد المصري للفعل العربي الثقيل "ذهبت"، واستبداله بالفعل المصري "راحت"!
- استبعاد حروف الجر (مفیش حروف جر ف المصري)
- تصريف القاف -المجهورة المهقة- بالهمزة أو الجيم!

4- فيها كلام من حرف واحد ومن حرفين:

يعني دي خصوصية ل اللغة المصري، رغم إنها مش كثير، إنما موجودة، زي حرف الآه (أ) الي بتبدأ بيه حروف الهيروجليفية، بتلاقيها لسة موجودة بنفس الوظيفة ف جملة الجواب، ومن حرفين زي كلمة "يم"، يم الترفة/ يم الساقية .. نلح!

5- فيها جملة بسيطة، وجملة مترتبة:

الجملة البسيطة اللي مفياش تكرار للمبتدأ ولا الخبر ولا الفعل ولا
الفاعل!

البت حلوة أوي/ الواد أمور خالص

والجملة المترتبة اللي فيها تكرار، جواها جملتين أو أكثر ف نفس الجملة!
معملتش الواجب ليه؟ خلي بتوع الكورة ينفعوك، وابقا قابلني لو
فلحت!

6- بتعتمد ع الجملة الإسمية:

أهم ميزة ل اللغة المصري، إنها بتعلي من قيمة الاسم (الفاعل) ف
تكوين جملتها، ومصدر كلامها (عكس العربي اللي بيعتمد ع الجملة
الفعلية، والمصدر من الفعل)

بالعربي: ذهبت سعاد إلى السوق

بالمصري: سعاد راحت السوء (السوج)

الترجمة الفورية من أي مصري، بتحول الجملة الفعلية لجملة اسمية!

7- المصدر إسم:

المصدر هو أصل وجذر الكلمة من اللغة المصرية القديمة، ويتصرف من الإسم المصدر عدد من التصارييف ف صورة الفعل والفاعل والمفعول والصفة والأدوات!

-رفع (نيل / مقام عالي) .. يرفع / ترفع / أرفع / رافع / رافعة / مرفوع / رفاع .. نل!

--حسبة (عملية حسابية) .. حسب / تحسب / أحسب / حاسب / محسوب / حساب .. نل!

8- الأدوات والضمائير، مفرد أو جمع:

الأدوات هيه اللي بتربط الكلام ف الجملة، زي أدوات الوصل والعطف والتبشير والسؤال والتحديد .. نل، بنلاحظ إن الأدوات

كلها ممكن تبقا مفرد أو جمع، ومفيش فيها حالة المجوز، اللي اسمه بالعربي (موسنا/ مشنا/ مشنى)

يعني ف أدوات التحديد نقول: (البنت دي/ البنات دول)!

وف الضماير بنقول: (انتا شاطر/ انتو شطار)

9- جمع واوي، (و) ف آخر الكلمة:

(سلامو عليكو/ ازيكو/ اتفضلو)

10- جمع واوي، (و) ثاني حرف ف الكلمة:

(قواضي/ سواقي/ نواحي)

11- جمع وياوي، (وي) ف آخر الكلمة:

(حكاوي/ قهاوي/ غناوي)

12- جمع هيمي، (هـ) ف آخر الكلمة:

(دوريه / جمعيه / حراميه)

13- جمع تيتي، (ت) ف آخر الكلمة:

(بنات / ستات / شنبات / فتوات)

14- جمع ييني، (ين)، ف آخر الكلمة:

(حلوين / كويسين / مدرسين)

15- جمع آني (ان) ف آخر الكلمة:

(صبيان / عصيان / حرقان)

16- تذكير جمع المؤنّس، وتأنيس جمع المذكر:

(راجل / رجالة - شجرة / شجر)

17- جمع مبالغة:

(لعيب/ لعيبة - أكل/ أكلة - شرب/ شربة)

18- جمع تكرار:

(حتة/ حتت - قطة/ قطط - حصة/ حصص)

19- بجمحة الأسامي والتحيات:

(صباح الخير والفل والورد .. نخ)

20- الماضي المستمر، مع إن:

مع البداية (إن) ف أول الفعل (إنكسفو/ إنكشفو/ إنزاحو)

21- الماضي المستمر، مع (إت):

مع البداية (إت) ف أول الفعل (إتوهم/ إتوكس/ إتكبس)

22- الحاضر المستمر، مع (ب):

مع البداية (ب) ف أول الفعل (باكل / بشرب / بكتب)

23- تحويل الحاضر المستمر لماضي مستمر:

بإضافة (كان / كُنا / كانوا)

كان يياكل / كنا بناكل / كانوا يياكلو

24- أفعال مساعدة:

(قام / بقا / راح)

بقا عايز تنساني - قامت رايحة السوق - راح جاي بسرعة

25- أفعال مترتبة:

أي فعل منضاف له بداية أو نهاية، يبقا فعل متركب!

البداية (سابقة/ فاتحة) - النهاية (لاحقة/ خاتمة)

البداية (ب) ف الحاضر المستمر (بكتب)

النهاية (و) ف الجمع (يتحاسبو)

26- أفعال مضمومة:

أو أفعال ملزومة، يعني فعلين مضمومين ف كلمة واحدة!

باع + عزق = بعزق

نخر + خرب = نخر

خطا + خرف = خطرف

27- النفي بأداتين:

(ما+الكلمة+ش)، (محصلش / مجاش / مكتبش)

28- النفي بأداة واحدة (مش):

بتيجي ف أول الجملة (مش رايح / مش حاب / مش كويس)

29- النفي بأدوات متركة:

(مفیش / بلاش / ملوش)

(مفیش أكل / بلاش لعب / ملوش لازمة)

30- أدوات الإضافة:

(بتاع / أم / أبو / أمات)

(السواق بتاع العربية / البت أم فيونكة / الواد أبو جزمة مقطوعة /
العيال أمات دقون)

31- أدوات مقارنة:

(اشمعنا / وللا / إيش)

اشمعنا سمير خد الكبيرة / أنا وللا هيه / إيش جاب لجاب

32- التفضيل مع الهمزة:

(أحسن / أضر / أطول)

33- التفضيل مع (واللا):

(تشوف الماتش، والا المسلسال)

34- التفضيل بالتكرار والجمع (صيغ مبالغة خاصة):

(بحق وحقيق/ بصرح وصحيح/ حلو حلاوة/ جميل جمال/ طعم طعامة/ شقي شقاوة/ لطيف لطافة/ بايخ بواخة/ سخيّف سخافة/ رزل رزالة/ لذيذ لذادة .. إلخ)

35- أدوات تخيير:

(يا / أو / واللّٰه)

(يا تجيني يا تقولي أروحك/ أو اسمع أما أقولك/ حاضر والا غايب)

36- أداة الوصل (الي):

أداة واحدة، لكل الحالات (مذكر/ مؤنس / جمع) ف جملة الوصل

(الواد الي / البت الي / الناس الي)!

37- جملة الوصل المستمر:

بإضافة ميم للموصول

(الي متكلمين عليها/ الي مسلمين عليه/ الي مطنشين كلامه)

38- وصل المجموع بالميم، من غير الي:

من غير أداة الوصل "الي" ممكن يتحقق الوصل للجمع بمجرد إضافة

البداية (م)

(مكلمين / مروحين / منورين / معديين / مستنين)

39- أدوات تخصيص:

(إلا/ غير)

(إلا عيونك إنتا/ مفيش غيرك يفرحني)

40- أداة غموض وتقفيل:

(أي)

(أي حاجة؟ أي خدمة؟ أي ملحوظة؟ أي كلمة؟)

41- الحلفان بالواو (و):

(والمصحف/ والمسيح/ ورحمة أمي/ ورحمة أبويا/ والعيش والملح)

42- أدوات تحديد (إشارة):

(دا/ ده/ دي/ دول/ دوله/ دولم/ دوكلها/ دوكلهمه)

*فآخر الجملة (لو أداة التحديد لوحدها):

الواد ده/ البت دي/ العيال دول/ الجماعة دوله/ الفلوس دولم/ مش
دوكها ولا دوكهمه

*ف أول الجملة (لو مع أداة التحديد أي أداة ربط ثانية):

دا أنا غلبان/ دول كانو حباينا

*جملة السؤال حرة ف مكان أداة التحديد: مين انتا؟ انتا مين؟

43- تكرر أدوات التحديد للتأكيد:

(ده شغل ده؟ دول ناس دول؟ دي كورة دي؟)

44- سؤال الإستفهام:

(إززاي؟ إيه؟ إيش؟)

إززاي إززاي إززاي، أوصفلك يا حبيبي إززاي؟

إيه الناس الحلوة دي؟

إيش يعني؟

45- سؤال عن السبب:

(ليه؟)

ليه خلّتي أحبك؟

46- سؤال عن الوقت:

(إمتا؟)

إمتا هتعرف إمتا؟ إني بحبك إمتا؟

47- سؤال عن المكان:

(فين؟ / منين؟)

فين قلبي؟ فين قلبي يا ناس؟

منين اجيب ناس لمعانة الكلام يتلوه؟

48- سؤال عن القيمة:

(كام؟ بكام؟)

كام مرة؟

بكام الورد يا معلم؟

49- سؤال عن إنسان:

(مين؟)

مين حبيب بابا؟

50- سؤال عن حاجة مفقودة:

(نهو؟ إنهو؟ نهون؟ نهين؟ نهيه؟ أنهي؟ أنهو؟)

النادي نهو/ النادي نهون - الكلية نهين/ الكلية نهيه - الكرسي أنهي

51- سؤال الصيغة:

سؤال صيغة، يعني مجرد صيغة الكلام تدل ع السؤال، من غير أدوات

(كلت؟ شربت؟ ذاكرت؟ روت؟/ جيت؟)

52- سؤال الظرف:

سؤال ظرف، يعني فيه أداة ربط أو وصل مع أداة السؤال

مين اللي بيتكلم؟

اللي بيتكلم مين؟

53- أدوات الجواب:

(أ/ آي/ آه/ أيوه/ إيواه/ أيون)

أيوه جاللي

آه يا لالالي يا عيني يا لالالالي

54- أدوات الرأي:

(أظن / بقول / أعتقد / رأيي / أنا شايف)

55- أداة صقة (ثقة) مستمرة:

(تملي)

(تملي معاك / تملي ف قلبي يا حبيبي)

56- أدوات احتمال:

(يمكن / يمكن / ربما / ربتن / إنما)

يمكن خير

57- أدوات شبه:

(زي / أد)

زي الهوا يا حبيبي

بجك أد الدنيا

58- أدوات مطابقة واستمرار:

(برضو/ برضك/ برضيك/ برضيكي)

برضو حضرتك مصممة؟

59- أدوات كالة:

(كان/ لسه)

هنغني كان وكان

كان شويه

لسه جاي دلوقتي

لسه فاكر، كان زمان

60- أدوات تأكيد:

(أومال / تمام / حاضر / أكيد / مؤكد / أوي)

أومال طبعن

احنا جامدين أوي

61- نون التوكيد (التأكيد):

(شوكرن / تمانن / فعلن / جدن / فورن)

كتابة نون التوكيد ضروري في اللغة المصرية، لأنها قاعدة، مش مجرد علامة زي العربي!

62- أدوات تسبيب وتبرير:

(إكمن / عشان / علشان)

اكمنك حلو

عشان خارجين

علشان مليش غيرك

63- أدوات نسب:

(بتاع/ ابن/ بنت/ أبو/ أم/ جوز/ مرات/ عم/ خال/ جد/ ست/
حما/ حمات/ سلف/ سلفة)

يا بتاع النعناع يا مننع

ابن الحلال

بنت الناس الطيبين

أبو شامة وعلامة

أم النور

64- الوصف الحر:

(ممکن الصفة تتبع الموصوف وممكن متبعوش)

*صفة بتتبع الموصوف: واد أمور/ بت حلوة

*صفة مبتتبعش الموصوف: موستشفنا نضيف/ بنطلون تحفة

65- الوصف المتحد:

الوصف المتحد، يعني له طريقة واحدة متحددة، الصفة مش ممكن تتبع الموصوف، وده يحصل ف الجملة اللي فيها أداة إضافة "بتاع"، ظاهرة أو مخفية

(اللغة المصري/ مدرسة الإنجليزي) ،، اللغة بتاعت المصري/
المدرسة بتاعت الإنجليزي

66- أدوات نده (ندا):

(ها/ يا/ أ/ عاد/ يالالا)

67- أدوات نجدة (نجدا):

(جااي/ الحقوني/ غيتوني/ يا خراي/ يا شتاتي/ يا دهوتي)

68- أدوات تباشير:

(حا/ها/عا)

(حكتب/هكتب/عكتب)

69- أدوات كفاية:

(بس/خلاص/خالص/أبدن/كفاية)

تلاتة بس

يعني افترقنا خلاص

الحساب خالص

70- أدوات تنبيه (تحذير):

(ياك/إوعا/حاسب/خلي بالك)

ياك اسمع صوتك

إوعا تكلمني، بابا جاي ورانا

حاسب علا كلامك

خلي بالك م اللي جمبك / خلي بالك من جيرائك

71- أدوات ترجية:

(ياريت / بلاش / زيادة / عاد / زيادة عاد)

ياريت تشرفونا

بلاش تبوسني في عينيا

كده زيادة، وزيادة عاد

72- أدوات تمني:

(ياريت / لو)

ياريتك معايا يا حبيبي

لو حكينا يا حبيبي، نبتدي منين الحكاية

73- أسلوب الأمر بالأداة "ما":

(ماتقرالك كلمتين ينفعوك/ ماتسمع الكلام بقا/ ماتبطل رغي بقا)

74- أدوات دلالة (استدلال):

(كده/ أهوه/ أهه/ كدهوه/ كدهون/ كدهوت)

الحب كده

75- أدوات شكر:

(براوة/ كويس/ شوكرن/ متشكرين)

أما براوة عليك واللهي/ كويس أوي/ شوكرن يا حبيبي/ متشكرين
خالص

76- أدوات زيادة:

(تمن/ جدن/ أوي/ خالص)

اللمة والعيلة كلها هنا، تمن!

متشكر جدن/ بجبك أوي/ كتير خالص

77- التعبير عن الزيادة بالتكرار:

(رشرش/ رطرط/ لكلك/ فتفت/ بلبل)



78- الدلع ع الوزن سجوم:

(جمول/ عسول/ شطور/ أمور/ طيوب)

*الوزن "سجوم" فعل الإنسجام من اللغة المصرية القديمة، بنستخدمه لوزن التصارييف.

79- الدلع ع الوزن سجومة:

(عدولة/ عطوفة/ سمسومة/ صالوحة/ عبودة)

80- دلح ديني ع الوزن سجمومة:

(زنوبة/ عيوشة/ خدوجة/ مريومة/ فطومة)

81- دلح الأسامي بمعاني وتصارييف من اللغة المصري:

(حمو - درش - سمس / أس أس - شوشو - حمص - حماسة -
صا صا - ظاظا - دودو - زوزو - سوسو - فوفو .. نلخ)

82- دلح بأداة الإستعجاب والإستحسان "يا":

(يا حلاوتك يا جمالك/ يا دي الليلة الهنا/ يا واحشني بالأوي)

83- صيغة المبالغة للفرد، ع الوزن "سجيم":

مع تضعيف ثاني حرف (أككيل/ شرريب/ لعيب/ كسسيب/
حبيب)

84- صيغة المبالغة للجمع، بالوزن "سجيمة":

مع تضعيف ثاني حرف (أكيلة/ شريرة/ لعيبة/ كسسية/
حببية)

85- الشتيمة بأسامي الحيوانات:

(كلب/ حمار/ لبوة/ تيس/ خروف/ معزة .. نلخ)

86- الشتيمة بأسامي الحاجات:

(لوح/ حيلة/ ترباس/ منشار/ زباله/ زلطة .. نلخ)

87- الشتيمة بأوصاف عيب:

(عرص/ بقف/ بجم/ خول/ سخيـف/ علق)

88- الشتيمة بأعضاء من الجسم:

(كس-أمك)

89- أشهر الشتاء:

(ابن الكلب/ بنت الكلب/ ولاد الكلب)

90- أدوات وجع:

(آه/ آي/ أي/ أوه)

91- تریأة وسخریة بتقلید الحركات:

92- تریأة وسخریة بتقلید الأصوات:

93- تریأة وسخریة بالتشبیہ:

(نفيخة/ بومبة/ عجلة/ إبرة/ قشيرة .. نلخ)

94- أدوات استعجاب واستحسان:

(ياما/ يا/ ياه/ يوه)

كان ياما كان/ يا عالم ياهوه/ ياه ع الطعامة/ يوه مقدرش أنا

95- أدوات عتاب:

(ياللي / بقا/ يعني خلاص)

ياللي ناسيني / بقا عايز تنساني/ يعني خلاص نسيت

96- أدوات أسف:

(آسف / معلّش)

آسف يا فندم/ احنا متأسفين/ معلّش حقتك عليا

97- أدوات شرط:

(إن / ما/ إنما)

إن معلّتش الواجب، مفيش فسحة/ ما تقوم بقا عشان نلعب/ إنما

تيجي ومتسلّش يبقا غلط

98- تعابير شرط:

(ممتلكمش قبل مايتكلم أبوك/ محدش يفطر، قبل مايسمع المدفع/
مبلاش اللون ده معانا)

99- أدوات متابعة واستمرار:

(طيب/ طب/ طه/ بس/ انما)

طيب، يا صبر طيب / طب استناني شوية/ طه، جاي حالن/ بس
اسمع/ انما للصبر حدود

100- أدوات تصبير:

(استنا/ اصبر/ صون)

استناني استناني استناني، هيه دقيقة كتيرة عشاني/ اصبر ع الأكل
يستوي/ صون شوية

101- أدوات ظرف المكان:

(فوق/ تحت/ علا/ ورا/ قدام/ جمب/ جوه/ بره/ هنا/ هناك/ قبل/ بعد)

102- أدوات ظرف الزمان:

(ليل/ مسا/ صبح/ نهار/ سانية/ دقيقة/ ساعة/ يوم/ أسبوع/ شهر/ سنة)

103- الظرف الوصفي:

أداة ربط مع أداة الظرف (من فوق/ من تحت - علا هنا/ علا هناك)

104- التعريف بالأدوات:

(أ/ إ/ أل)

105- تعريف بالسياق:

من غير أدوات (فلاح كان فايت)

106- أدوات متركبة "حاكم":

(حاكم الزهور زي الستات)

107- التضعيف بتكرار الحرف:

تكرار الحرف المتكرر في الكتابة، عشان يبقى المنطوق زي المكتوب

ضرييب - فهميم - شرييب - حرييف - صرييف

108- ضمائر حرة:

(أنا/ إنتا/ انتي/ انتو/ احنا/ هوه/ هيه/ هوما/ أهوم/ أهومه)

أنا زي ما انا

إنتا الحب

انتي روجي

انتو منورين

احنا المصريين

هوه افتركني عشان ينساني؟

هيه الدنيا جرا فيها إيه؟

هو ما اللي قالولي

ناس من بلدنا هناك أهوم، روح يا ابراهيم اندهلهم

المصريين أهومه، حيوية وعزم وقوة

109- ضمائر مربوطة:

(ي/ك/هـ/ها/هم/كم/نا)

يببقا الضمير ف نهاية الكلمة: كلني/ كلمك/ كلمه/ كلها/ كلمهم/

كلمكم/ كلمنا .. نلخ.

110- البدايات/ الفواتيح:

(إس/إت/إن)

إستفهم/ إستقبل/ إستخبا

إتنصف / اتفضل / إتنور

إنكشفو / إنصرفو / إنكتبو

111- النهايات / الخواتيم:

(ش / ن / ان / هه / ي / جي / لي)

112- تصريف بالشقبة : šaKlaba

(قلب وتبديل الحرف)

سجرة / شجرة - فرق / فلق - منكن / ممكن - فرش / برش - نطأ / نطج
- جون / جول

113- تصريف بالخفنة : lahfanaḥ

(قلب وتبديل مكان الحرف)

جوز / زوج - أرناب / أنارب - تموين / تومين - معالق / ملاعق -
نلبط / خربط

114- تصريف بأكل الحروف:

(مش- سامع / مس- سامع) (-خود- كومك / خوك- كومك)

(شيل-روحك / شير-روحك)

(عبد الحليم / عبكليم - عبد العزيز/ عبغزيز - عبد الحميد/ عبحميد)

(سلامو عليكو/ ساموليكو) (حضرة الظابط/ حظابط)

115- تصريف بالتصغير:

الطفل (نونو/ بيبي/ عيل/ صغنى ٠٠نخ)

116- أدوات تصغير:

(حبة/ حطة/ شوية)

117- كڤايات kenayat

بنستخدم كڤايات ف كلامنا يعنى بنعبر عن حاجة بإسم حاجة تانية

شغال بدراعه = ملوش وظيفة سابتة

118- جناس genas

كلمتين بنفس الحروف، ويكون لهم معاني مختلفة

كوسا = نوع من الخضار - كوسا = تمييز/ رشوة

119- البداية بالرقم:

(أول هام/ ثاني حاجة/ ثالث شارع/ رابع دور/ خامس جون)

120- الأدوات للربط والظبط: rabt & zabt

كل الأدوات والضمائر اللي سبق شرحها وظيفتهم الربط والظبط!

ربط وظبط الجملة، زي أدوات العامل والفلاح والصناعي والطبيب
والمدرس والمهندس، كلها وسایل مساعدة لتسهيل العمل، واختصار
الوقت والمجهود!

الأدوات ف اللغة بتساعد ف تماسك الجملة وسهولة توصيل المعاني!

تسمية بعض الأدوات بأسامي مخصوصة (سؤال/ وصل/ إضافة/
استعجاب/ تنبيه/ تحديد/ تبشير .. نلخ)، مجرد تصنيف، إنما أصلها
كلها للربط والظبط، يعني نقدر نسميها كلها أدوات ربط وظبط!!

حتا الأدوات، اللي ييسموها ف العربي "أدوات جر"، ف المصري
بنسميها بارضو أدوات "ربط وظبط"، لأن مفيش حاجة ف المصري
اسمها "أدوات جر"، والأدوات عندنا لا بتجر ولا بتفتح، ولا بتكسر
ولا بتنصب!

Gardiner's list codes	
I9	
Translation	Horned viper (Cerastes cerastes)
Transliteration	fy
Grammar type	Noun
Translation	He, him, his, it, its
Transliteration	.f
Grammar type	Suffix pronoun
Translation	To

عندك الأداة "في" اللي ف الغالب
بننطقها من غير الكسرة "ف"، بنلاقي
أصلها ف المصري للربط والظبط، برمز
شكل الأفعا أم قرنين (الطريشة) عشان
صوت فيحها:

filgoon/figoon = it = ف الجون

goal = هدف

ف الجون = filgoon/figoon = to goal = هدف

121- تحويل كل صوت لحرف:

(نكتب زي ما بننطأ)

122- اقتراح كتابة اللغة المصري

بمحروف خاصة:

(1) a	آ (أ)	
(2) â	آ (أ)	
(3) ā	بدل الفتحة ومد الآه	
(4) i	بدل الكسرة ومد اليه	حروف
(5) y	يه (ي)	كتابة
(6) C	عين (ع)	اللغة
(7) b	به (ب)	المصري
(8) f	فه (ف)	
(9) V	في (ف)	
(10) w	واو (و)	32 حرف
(11) o	بدل الضمة ومد الواو	
(12) m	ميم (م)	حسب
(13) n	نون (ن)	النطق الحالي
(14) r	ره (ر)	وقريب من
(15) h	هه (ه)	القديم
(16) ħ	حه (ح)	
(17) ħ	خه (خ)	
(18) ħ	عين (ع)	
(19) s	سين (س)	سامي حرك
(20) š	شين (ش)	
(21) š	صا (ص)	برهات 6265
(22) K	كا (ك)	
(23) K	قا (ق)	
(24) g	جا (ج)	
(25) j	جي (ج)	
(26) t	ته (ت)	
(27) t	طه (ط)	
(28) t	تش (ث)	
(29) d	ضنه (ض)	
(30) d	نبت (د)	
(31) z	زه (ز)	
(32) z	ظه (ظ)	

- آه a

- آأ â

- بدل الفتحة ومد الآه ä

- بدل الكسرة ومد اليه i

- يه y

- عين c

- به b

- فہ f

- فہي v

- واو w

- بدل الضمة ومد الواو o

- ميم m - نون n - رہ r - ھه h - ھه h

- خه h - غين h - سين s - شين š - صا ş

- كا k - قا K - جا g - چي j - ته t

- طه t - ضه d - ديت d

- زه z - ظه z - تش t

2024 /4 /20

1658 نفخ . منفوخ . نفیخة . منفاخ

جدارین پیادو،

إن اللغة حية،

بتلون و تشکل،

بتغیر و تتطور!

اللغة الجامدة

میتہ!

نب-خت / نبخة / نفخة = واحد غني عنده فلوس وأراضي

نفا/ نفا-اخ =

اتنفس / خد



هوا

منہا نکلیات:

نفخة كدابة/

منفوخ ع الفاضي

نَفَخَهُ = ضَرَبَهُ



نفخها = حبّلها / خلاها حامل

2024 /4 /23



1659 جـدع .. جدعنة .. الجدعان



- ياللا كده "اتجدعن" عشان تنجح وتخش الجامعة!



"جدع" جدر مصري، وصف للشخص الي يساعد غيره، ويضحى

بنفسه عشان غیره!

عندك الكلمة بمخصص (الإيد) المساعدة والمعاونة والسند بالإيد!

tcha-ā  

Leyd. Pap. 12, 2,  

to reach out the hand in protection, or with hostility;  

عندك الكلمة
بمخصص (البوء)
البوج / (البوق)
التضامن بالكلام

والرأي!


وعندك الكلمة مخصص (السكينة) الدفاع عن الغير، ولو باستخدام

السلّاح!

بالذمة هل فيه مصدر أو معجم ف الكون كله، يقدر يفسر أصل
الكلمة بالشكل اللي ف قواميس الهيروجليفي؟
كمان لازم منستسلمش للنطق الإصطناعي الإصطلاحي، ونجرب
تصريف الحروف عشان نوصل لأقرب نطق موافق للمعنا
الجدعنة اجتهد ونشاط وشهامة ونخوة ورجولة، عشان كده لسة
معانا الوصف الجميل للجدعان!

2024 /4 /23

1660 نيل



ارتباط السنة بالنيل

راس السنة المصرية يحددها تمام الفيضان

فيه فيضان، يبقا فيه نيل

يعني ارتباط السنة بالفيضان والنيل، ارتباط وجودي

نير/ نيل = بداية السنة

راس السنة لها اسم مخصوص: وب-رنبت

اسم السنة المرتبط بالفيضان والنيل:

نير/ نيل

يوم السنة = يوم الفيضان = يوم النيل

يعني نيلوس اليوناني، من نيل المصري، مش العكس!

2024 /4 /25

1661 سد يا روجي سد

عربي إيه اللي بنتكلمه؟


نسبة الأجنبي ف كلامنا متزيدش عن ٥ : 10%

* قواعد كلامنا مصري

* ألفاظ كلامنا مصري

دي جملة كاملة، تكوينها وكلامها مصري: سد يا روجي سد

س
د



Gardiner's list codes
O34:D46:N21-Z9:D40

Transliteration
sd / sḏ


Translation
To break, to penetrate

مفیش أم ف الوجود تهدي
رضيعها بالجملة دي، إلا الأم
المصرية، حتى أما تحب تلهيه
وتسكته، تديله البزازة، واسمها
بارضو "السددادة" عشان يتسد
ويسكت، ضحايا مدارس
التعريب ييسموها: السككاته!

آه ياني يا قلبي ياني، سد يا روحي سد
آه ياني يا روحي ياني، معلش يا قلبي سد

2024 /4 /26

1662 يا بجت من كان "النقيب" خاله

Neqebit (?) , Berg. 1, 8, the
white vulture-goddess of Nekhen.

من بدري أوي كان لقب "نقيب" موجود عندنا!

"نقيب" يعني كبير أو زعيم أو رئيس!

ف العصر المملوكي، كان فيه نقيب لكل مهنة، نقيب للسقاين، ونقيب
للحدادين ونقيب للنجارين ونقيب للمكارية (الحمارين والعرجية)،
وكان فيه نقيب للجيش، زي القائد العام دلوقتي!

حد يسأل اللقب ده جه منين؟

مش هتسأل ولا تستعجب، لما تعرف إن من آلاف السنين، كان
عندنا وظيفة عسكرية اسمها "نقيب الجيوش"، وتستعجب أكثر لما تلاقي
إن واحدة ست (حورمة حسب سقافة المهاويس) واحدة لقب
النسر الأبيض بإسم "نقبت"، نقيبة الصعيد!

2024 /4 /26



1663 زغل .. زغلول

يا بلح زغلول، يا حليوة يا بلح

الزغل، اللي لسه بلبنه

طري، صوغير

الحمام الصوغير: زغاليل

أول حلبة لبن: زغل


الناس اللي محدسة (محدثة) نعمة: ناس زغل!

الزغلة، تلميح

2024 / 4 / 28

1664 مركبة .. ميركافا

الإسرائيليين أساتذة ف استسمار (استثمار) التاريخ حتا لو تاريخ متزور
بيفرضوه ويكرروه لغاية ما الطلبة البولدا يحفظوه!



العجلة الحربية سلاح اتصنع ف

مصر و مترسّمتش ف أي مكان

قبل مصر، لأن الهكسوس مش

جيش عمل غزو أجنبي، ودخل

بعساكره ومعداته وأسلحته!

الهكسوس شتيت قبائل بدوية رعوية، هربت من الفقر والمجاعة

ولجأت لكرم حاكم الأقليم الشرقي (الشراقة الكورما!) استضاف

بعضهم وسمحهم يرعو بهايهم وينصبو خيامهم، أد إيه؟ أسبوع؟ شهر؟

سنة؟ سنتين ثلاثة خمسة؟ لأ يا سيدي مية وخمسين سنة (150)
تسرب وتسلل!

خلال فترة اقامتهم استوطنو واستقرو واترستأو، وجابو قرايهم،
وبقالهم ممتلكات (شقق ومطاعم وكافيات)، وبدأو يكونو
عصابات، واستولو علا أراضي وبلاد!

العجلة عرفها المصريين من قبل الهكسوس بكثير واستخداماتهم ليها
كلها حضارية، زي بنا البرابي والأهرامات ونقل الحجارة، الهكسوس
خدو العجلة واستخدموها ف حملاتهم للنهب والسرقة، لغاية ما احتلو
كل الدلتا!

ف حرب التحرير، المصريين اضطرو يستخدمو نفس العجلة، بس
طوروها، وكانت أهم وسيلة لأحمس ف طرد الهكسوس!
الأربعين عشيرة الهكسوسية كان منهم العبر والعرب والسبأ، زي ما
سبق وذكرت ف بوستات كتير!

العجيبة بقا، إن مناهجنا الدراسية بتكتمع الحكاية، خايفة م الإحراج
مع ولاد ال... بس الصهاينة مش بيكتمو، دول بيفتخرو إنهم




هكسوس وإنهم سبق واحتلو مصر، ويوجدو ف إسم العجلة الحربية
بالعبري "مركافا"!

بس المرة دي خابت، لأن إسم العجلة الحربية "مركبة" متسجل عندنا
بالهيروجليفي من قبل الهكسوس والعبر كلهم!

نتعلم بقا ونعلم ولادنا الحقايق؟ ولا نفضل مخبيين راسنا ف التراب؟

2024 /4 /28

1665 معا .. معايا .. معاه .. معاك

mā , , a preposition:—by the
hand, or arm, of, from, through, by means of,
because ; , together with ; Copt. ⲙⲁⲧⲉ.

ملناش دعوة العربي بيكتبها إزراي!


احنا نكتبها بالمصري زي ما بننطقها: "معا"

- (حمدية "معا" سعدية يلعبو "معا" بعضهم)

فيه حرف حركة ومد ف آخرها، لازم نطقه يتسجل ف الكتابة المصري

يعني الآية الكريمة: "إن الله (مع) الصابرين"، بالكتابة العربي
لو ترجمناها للمصري تبقا: "أيوة ربنا (معا) الصابرين!"
"معا" ظرف للزمان وللمكان (بأنواعهم وحالاتهم)
أصلها مصري، ف كل المراحل، من الهيروجليفي لغاية نطقنا الحالي!
دا أنا عمري معاك، معاك معاك، وهوايا هواك
2024 /4 /29

1666 درس .. دراس

tcheres  B.D. 64, 19, chamber (?) room (?)

العلم اللي ياريت يبقا محل اهتمام المصريين، هو: "علم دراسات
الهوية المصرية" أو بالإختصار: "علم الهوية المصرية!"
بالمناسبة ده مش من اختراعاتي، تقرين كل شعوب العالم المحترمة
عندها مقابل للعلم ده، وكل دولة بتأسس الهوية بتاعتها بطريقة
علمية، وبتدرسها ف المدارس!

أحنا عندنا حاجة بديلة، اسمها "التربية الوطنية"، ودي عبارة عن منشور سياسي، بعيد تمامن عن الهوية الوطنية!

التربية الوطنية لازم تكون دراسة محايدة وصريحة، شاملة لعناصر الهوية المصرية ف الماضي والحاضر والمستقبل!

اللي عاوز يعمل توعية سياسية، يبقا يخليها في مادة خاصة: "علوم سياسية" مسلن (مثلاً/ مثلاً)!

طب، دي شوية تعريفات ممكن تساعد ف فهم يعني إيه: "دراسات الهوية المصرية"؟:

• علم الآثار (Archaeology) : مهتم بدراسة البقايا المادية (الملموسة) للإنسان!

ويقابله علم الأنثروبولوجي Anthropology، اللي مهتم بدراسة البقايا المعنوية (المحسوسة) للإنسان!

• علم الميثولوجي Mythology: مهتم بدراسة وتفسير الأساطير والحواديت.

• علم اللغة Linguistics : دراسة اللغة بطريقة علمية، مش دينية ولا أساطيرية (أصولها ومدلولاته).

• علم المصريات Egyptology: دراسة كل اللي يخص مصر القديمة (آثار/ تاريخ/ قانون/ لغة/ أديان/ عادات/ أعياد/ آداب/ فنون/ عمارة/ زراعة .. نلخ).

- يعني "علم المصريات" خاص بمصر (القديمة)، بس؟
طب علم "دراسات الهوية المصرية" يبقا إيه بالنسبة لكل اللي فوق دول؟

- يبقا كل دول، مع ربطهم بالحاضر والمستقبل!
- يعني اللي بيدرس "الهوية المصرية"، لازم ياخذ فكرة عامة عن التاريخ والآثار والقانون واللغة ومقارنة الأديان والعادات والأعياد والآداب والفنون والعمارة والزراعة والصناعة والتجارة .. نلخ، وكل اللي يخص مصر، ف الزمن القديم والزمن الحالي، عشان يقدر يحدد طريقه للمستقبل!

يبقا مش كل طلبة كلية الآصار (الآثار) عارفين يعني إيه "هوية مصرية"، بس اللي منهم عنده وعي ممكن الدراسة تساعده يتفوق ويكون عنده فرصة يتميز وينفوق ف "دراسات الهوية المصرية" أكثر من أي حد غيره!

أنا بتكلم عن طلبة وخريجي الآصار (الآثار) بس، عشان دول اللي ف
المشهد السقافي (الثقافي)، ويطلع منهم المرشدين واجهة مصر قدام
أفواج السياح من كل دول العالم، وبتبقا كارسة (كارثة) لو واحد
أو واحدة منهم طلعت تقابل السياح وتتأسف إنها مكسوفة عشان
بتشتغل الشغلانة دي بتاعت الكفار والأصنام، لو متعصبة مسلمة،
والفراغنة والأوثان، لو متعصبة مسيحية!

دراسة الهيروجليفي -بذات- أحسن تأهيل لطالب "دراسات الهوية
المصرية"، بس دي مش كل حاجة!

درس، اسم مكان

كل "بربا" كان فيه أماكن للدراسة، وكل مكان متقسم فصول،
الفصل ده اسمه "درس"، تقدرو تشوفوه ف بربا دندرة وبربا ادفو،
لسة مكانهم موجود، واسمهم مكتوب!

اسم المكان "درس" بقا كناية عن التعليم وتحصيل العلوم، ومنه
الدراسة والتدريس!

2024 /4 /30



Gardiner's list codes

W11:X1-01

Translation

Residence, seat, throne, (vase)
stand

Transliteration

nst

1667 أنست

يانور العيون انست

أنستنا، وشرفتنا

الأنس ، إقامة

إقامة علا العرش

إقامة علا عرش القلوب

اوزير أنست

أريس أنست

أخريستوس أنستي


أليسوس أنستي

المصريين صناع الأدب

كل سنة ومصر كلها بخير

أنستونا، أومال إيه

2024 /5 /5



1668 لا عنده عيل ولا تيل

مسئل (مثل) شعبي ينتقال مع اليأس،
عن الشخص المستبوع الي ميفرقش
معاه حاجة!

- معناه من الأصل المصري القديم:

لا عنده عيل يخاف عليه

ولا عنده إعتبار ولا إحترام لأي حاجة

تير/ تيل = إعتبار/ تقدير/ إحترام

منه تصريفة ال "تير" قطعتين بيغطو فوق وتحت، للاحترام .. او عو

تكونو فاكريها كلمة أجنبية!

2024 /5 /7

1669 عرب . عبر . عرابة

الجناس اللفظي من غير معلومات، يعمل كوارس (كوارث)!

فيه جزء أساسي من المواطنين المصريين ، عايشين ف الجبال
والصحاري!



يعني مصر، مش بس الفلاحين اللي عايشين ف الوادي والدلتا!
سكان الرمال (الصحاري) طول عمرهم رحالة مش مستقرين،
عشان كده كانوا بيشتغلوا في التوريد والتجارة، ومع بعثات التنقيب
والتعدين ف المحاجر، مرشدين وخوبرا بممرات الصحاري والجبال!
واسمهم يحصل له شقيلة أصلية بين "عبر" و"عرب"، زي ما القاموس
موضح، بس الإيتين معناهم واحد، مرتبط بأعمال التجارة والخبرة
بالصحاري!


اسمهم كده من آلاف السنين "عرب" و"عرابة" و"عربان" قبل ما
نعرف العرب بتوع جزيرة "خاست/ الخاصة" اللي اسمها دلوقتي شبه
الجزيرة العربية!

الجناس اللفظي، خلانا نفتكر جزء كبير من سكان الصحاري الغربية
والشرقية، وكأنهم جاينين من خارج مصر!

سيبك من حكايات المصاطب، وتلفيق الأنساب، ده كان له أسباب اجتماعية وسياسية!

انما الحقيقة، إن "عرب" الصحرا الغربية، معظمهم مصريين وأمازيج، وعرابة أييدوس مصريين، وعرب الصحرا الشرقية مصريين! والهوة عرب مصريين، تفرقو ف الشمال الأفريقي من أيام الرومان، اصلهم من سكان مدينة "حواري" اللي بقا اسمها "اواريس"، ساعدو أحبس ف طرد الهكسوس، متسجلين ف مقبرة الملكة اياح حتب"، ومش محتاجين تنسيب! فيه نسبة بسيطة من قبائل نبطية زي "طي" و"خزاعة"، إنما الأغلبية واللي استوطنو من ميات وآلاف السنين مصريين!

2024 /5 /10



1670 حويط

تصريفة مصري؟ ولا
جدر مصري أصلي؟

ف كل الحالات، كلمة مصري، رغم شكلها العربي

وشكلها العربي ده، حصرها ف معنا (الإحاطة)، يعني أما نقول: "دا راجل حويط" = عامل حسابه ومحضر كويس ومحدث يقدر يدحك عليه .. نلح!

إنما الكلمة ف أصلها القديم، مع مخصص حركة المشي بالرجلين، يبقا معناها = اللي مسبق بخطوة، بلغة الشطرنج اللي سابق خصمه ف التفكير مرتين ثلاثة أربعة، واللي يقدر يفكر بالطريقة دي، يبقا هو الأول، اللي يسبق أي حد ف التفكير والإستعداد! المعنى الأصلي إيجابي أوي

إنما المعنا الحالي، فيه تليح بالخبس (خبث)! نطق الكلمة بالحرف الهيروجليفي: hawyt بظبط زي ما بنقولها دلوقتي: (حويط)

بالحرف القبطي اليوناني: hawit (هويت) عشان اليوناني بينطق ال (ح) زي ال (هـ) الخلاصة:

- 1- كلمة "حويط" جذر مصري أصلي
- 2- كلامنا الحالي امتداد لمراحل اللغة المصرية

3- دراسة أصل الكلمة من مرحلة الهيروجليفي، وغيره، يوصل للمعنا بشكل أحسن وأعمق!


2024 /5 /13

1671 البنا واحد

ده افيه (عنوان رئيسي) من المهندس غاندي [Ghandy Samaan](#) ، رددته، ورددناه معاه، واحنا بنزور مجمع مصر القديمة، المتحف القبطي وكنيسة مار جرجس والكنيسة المعلقة فوق حصن بابلون، وكنيسة ابو سرجة ومغارتها اللي سكنت فيها العيلة المقدسة، ومعبد بن عزرا ومقابر الجريك!

تواصل رموز الفن والمعمار المصري حاجة مبهرة تتغير المباني وتتغير الأفكار الدينية، إنما الطراز هو نفسه! نفس المحراب ف المعبد اليهودي والكنيسة وقبلة الجامع، بنفس اتجاه شروق الشمس "رع"، اللي أصلهم وفكرتهم من قدس الأقداس ف البرابي المصرية القديمة!

Benu



, B.D. 17, 25, a

bird-god sacred to Rā and Osiris, and the incarnation of the soul of Rā and the heart of Osiris ; Venus as a morning star was identified with him ; Benu was self-produced, and the bird appeared each morning at dawn on the Persea Tree in Anu ; the Greeks connected it with the Phoenix ; see Herod. ii, 73, Pliny N.H. x, 2, Pomponius Mela iii, 8, Tsetzer, Chil. v, 397.

نفس الإنبل، أو المنبر

نفس العواميد، ومعظمها منقول من مباني وبرابي مصرية قديمة
نفس الزخارف النباتية التي ينتقال عليها دلوقتي إسلامية، موجودة ف
البربا والمعبد والكنيسة من قبل الإسلام، يعني زخارف مصرية
أصلية، ملهاش علاقة لا بالمحتل الغازي ولا بالأديان الأجنبية
الوافدة!

كل ما صديقتنا [Azza Moussa](#) تسأل طب ليه ده شبه ده، يرد

غاندي، ونردد معاه:

- أصل البنا واحد

البناء المصري، الفنان المصري، هو الذي بنا البرابي والمعابد والكنايس
والجوامع والبيوت والمقابر!

البناء المصري بنا حضارة عظيمة لنفسه وللعالم كله!
إسم البناء، متصرف من إسم الطير الأسطوري "بنو" الذي بنا الوجود
كله من بيضته المشهورة، الذي لسه فاكرينها في بيضة شم إنسيم!
- الكلام المصري، أصله أسامي، ومن الإسم يتصرف الفعل واسم
الفاعل والمفعول والصفة .. نخ!

- الحضارة المصرية حضارة الإسم، الفاعل!
الأفعال كثير، إنما المهم صاحب الفعل، الإنسان!

2024 / 5 / 13

1672 عشرة فضة (فكة) لو سمحت؟

fekat حة *
U O * *, N. 700, the stars.

الحقيقة، لا هيه "فضة"، ولا هيه "فكة"!

- كلها كئيات

الفلوس المعدن (coin)، بتتصنع من النيكل والنحاس والزنك، يعني مفياش فضة خالص!



- طب ليه بنقول عليها فلوس فضة؟
عشان لونها الغالب، بقت كناية عن لون
الفضة!

- طب ما احنا بنسميها "فكة" بارضو!
جدر كلمة الـ "فكة" كناية من إسم النجوم المنتورة (المتناثرة) ف
السما

إنما فيه جدر "fk" معناه تشتيت وتضييع، يبقى نفك حاجة يعني
بنشتت تجيعتها، أو بنضيع ملامحها!

تفك المسامير، يعني تضيع ربطتها، تفك البنطلون، تفك إيدك، تفك
رجلك وتسيينا ف حالنا .. نل!

فيه كان جدر مباشر خالص بيقرّب المعنا ده "fkik"، فكيك!

- ديلك ف اسنانك، وقول يا فكيك، يعني اهرب، ضييع!

- يبقى حتا كلمة "فكة" بالنسبة للفلوس، معناها مش مباشر، إنما كناية
عن تضييع ملامح الفلوس السليمة!

تخيّلوا إن كان زمان أبهاتنا يدونا فلوس ويقولو: خد ضبيع دول!

2024 /5 /18

1673 مولد سيدي نجم

* سموه (أحمد فؤاد) بإسم الملك

وف صنعته وحرفته ومهنته، هوه الملك

* لقبه وشهرته نجم



والنجم صفة رباني للحقيقة وللعلم

* لساك يا مصري باصص لفوق، فوق كل المباني

تبقا العيلة مش لاقية تاكل، بس ابنها ملك، ولقبها نجم رباني

* خد من "إمام" اللحن، وخد من محنته خبرته، وخد من همومه النكد

عجن وخبز كل ده، طالع فطاير شجن، طعمة ولذيذة بجد

2024 /5 /22

1674 تمس / دمس

دي من الجدور المصري اللي اتصرفت منها كلمة "مدمس" اللي
ارتبطت بالفول المكور (الفول المدمس)!



Gardiner's list codes
U33-F31-S29-D51:D40
Transliteration
tms / tms
Translation
To bury, cover

بس ده سبق واتكلمنا فيه كثير،
عندي وعند كثير م الزملا!

دلوقتي عاوزكو تفكرو معايا، عن
الصلة بين الجدر ده، وإسم عيش
أفغاني لذيذ جدن، كنت بحبه أوي ف

الثلاث سنين اللي قعدتهم ف السعودية، إسمه عيش ال "تميس"!
تكون مجرد صدفة، وجناس لفظي يحصل كثير بين اللغات، ولا
بارضو حكاية عشائر الهكسوس لساها ساينة أطر (أثر) ف كلامهم؟

2024 / 5 / 28

1675 حدوتة قديمة خالص


دي حدوتة حكاها توت، بتقول إن حصل زمان ف الغابة إن الأسود والنمور والأفيال والنسور صابهم مرض مش معروف سببه ولا معروف علاجه، وقعو ومات كثير منهم، واللي لسه عايش بقا ضعيف وماشي جنب الحيطه، الضبوعة والتعالب والخنازير لقوها فرصة ينفردو بالغابة، بقو هوما أقوا الحيوانات، وبقو شايفين نفسهم أهم وأذكا الكائنات، عملو مجلس حرب مخصوص ليهم، ميحضروش حد غيرهم، وميتقبلش إقتراحات غير منهم فيهم، عشان يشوفو يخلصو من بقية أعداءهم بإيه؟ وهيسيظرو عالالم كله إزاي؟

التعلب قاللهم، بس ولاد الصقر مصابهمش المرض خالص، أبوهم مات وسابهم صغيرين، ولو كبرو وهوما بصحتهم هيتعبونا أوي ومحدث مننا هيقدر عليهم!

واحد م الخنازير قال: بسيطة، نعين لهم خنزيرة تأكلهم وتشربهم وهوما لسه بيصوصوو ف عشهم، وبعدين وهيه بتأكلهم تتكلم معاهم

وتغنيهم عشان تغيرلهم اللي ف دماغهم، وتملا امخاخهم بأي كلام
احنا مش عاوزينهم يعرفو غيره!

الضبع الكبير قال: دي فكرة هائلة، وبدل ماهوما عارفين إنهم ولاد
الصقر الشديد العالي، نخليهم يفتكرو إنهم ولاد أحقر حاجة ف الغابة،
خنزير مسلن!



مرة واحدة صوت الخنازير طلع،
نخررو وخنخنو وهاجو وماجو:
- خنازير إيه اللي حقيرة يا ضبع
يا سافل يا

- خلاص خلاص .. إحنا آسفين، كبيرنا الضبع أكيد
ميقصدكوش إتنو خالص يا حبايي، هوه يقصد أصغر نوع ف فصيلة
الخنزير، الفيران يعني!

يادوب التعلب خالص كلامه، إلا ورجع الهدوء وانبسطت الخنازير
وقالت:


- آه آه، إن كان كده مفيش مشكلة! نخلي الخنزيرة وهيه بتططب
عليهم وبتغنيهم، تفهمهم إنهم ولاد الفار وإنهم بيتكلمو لغة الفيران،

وإن يوم القيامة محدش هيدخل الجنة غير اللي أصلهم فيران وبيتكلمو
زي الفيران!

الصراحة إن البردية اللي فيها الحدودة خلصت لغاية كده، الظاهر النور
قطع عندهم ولا حاجة ... بس جمب البردية المصرية دي كان
فيه بردية يوناني، لشاعر يوناني قديم اسمه سيمونيدس كاتب بيت شعر
بيقول فيه:

غلبناهم، مش بس لما احتليناهم، لأ غلبناهم لما نسيناهم تاريخهم!

2024 / 6 / 2



Gardiner's list codes
O1-Z1-Q3:N35-W24-Z7
Transliteration
ppn
Translation
Pepper (piper nigrum)

1676 فلفل

فلفل شطة

فلفل حامي

- دي كلمة مصرية دي؟

- طبعن، وحتمن، ولا زمن، أو مال هتبقا إيه؟

والعرب هيعرفو الأسامي دي ليه؟ ومنين؟

الهوية مش حاجة بسيطة

واللغة الوطنية غالية، ولازم نقدرها
المشكلة إن القواميس والأكاديميين يعتمدو طريقة نطق اصطنعوها
واصطلحو عليها!

#النطق_الاصطناعي_الاصطلاحي

والحل ف طريقة نصرف بيها الحروف

#النطق_الطبيعي_التصريفي

يعني "برن" بالنطق الاصطناعي الإصطلاحي
تبقا "فرن / فلن / ففل" بالنطق الطبيعي التصريفي
حرف البي الثقيلة بيتنطق ف
حرف الره وحرف النون بيتشقلبو مع اللام
– واد يا سماعيين .. الكورة جووون
الجدد المصري بالتصريف "ففل" يبقا أصل كلامنا الحالي، وكلام
المنطقة اللي حوالينا، وكان أصل الكلمة الانجليزي pepper
2024 /6 /15

1677 الجيش هو الشعب

tchatchau جاشو , heads, i.e., people, the crowd.

الجيش حشود

ده هو الأصل لمعنا كلمة "جيش"!

- الحشود اللي بتنفيذ إرادة الشعب

يعني مش مجرد "جند" بيعبرو عن إرادة ملك!

الجيش ف الأساس، حشد شعبي بيعبر عن إرادة الناس!

ممكن يكون الجدر ده هو الأصل لوصف الأحزاب اليسارية

gauche

يعني اليسار السياسي مش الناحية اللي الناس بتقف فيها ضد ناس

واقفين ف الناحية الثانية!


- وبقا مصطلح "جيش"، متصرف من جدر مصري أصلي للتعبير

عن الحشد الدفاعي الشعبي!

الجدرب #النطق-الإصطناعي-الإصطلاحي = چاچو

الجدرب #النطق-الطبيعي-التصريفي = جاشو

2024 /6 /18



1678 طين .. طينو .. طينه

دي كلمة بتعبر عن أهم وأول مادة
للمباني: الطينة!

بتاخذها من الأرض مخلوطة مع

ماية النيل، أو تجهزها وتسقيها ماية، وتضيف عليها ألياف زراعية،
قش أو دريس أو تبن، وتعمل معجنة، تنزل فيها وتعجنها برجليك،
وبعدن تسيبها شوية تتخمر!

وقت ماتحتاجها تاخذ حطة وتطوحها وتخدعها بايديك يمين وشمال
وفوق وتحت، وتبني بيها البيوت!

- اجمل وأحن بيوت، اللي من الطين الني، للغني والفقير، دافية ف
الشتا، طراوة ف الصيف!

المصريين مكنوش يبينو بيوتهم بالحجارة، كانوا يبينوها بالطين، عارفين
ليه؟ لأن البيوت دي مؤقتة، إنما المقابر كانوا يبينوها بالحجارة، عشان
دي بيوت دائمة!

نيجي بقا لجريمة من جرايم #النطق_الإصطناعي_الإصطلاحي
اللي بيقرأها: دبن

عشان مبيعترفوش الا بنطق الحاجة، اللي خايف من بليلة الطلبة
والدارسين!

ف حين إن الحرف الملفوف ده، ممكن يتقري دال وته وطه وضاد
كان.

عشان كده، اللي بيوصل ويفسر الجدور المصرية:

#النطق_الطبيعي_التصريفى

يقولك فلان كان سكران طينة

يقصدو لدرجة انو بيتمرغ ف الطينة، وكان عشان بيتطوح يمين
وشمال زي اللي ف معجنة الطينة!

2024 /6 /21

1679 الإيد الشمال، والشغل الشمال

الجدرد ده، عبارة عن درس عملي ف علم التصريف، وتطبيق نموذجي

لطريقتي ف ترجمة الخط الهيروجليفي #النطق الطبيعي التصريفي

الجدرد زي ما هو مكتوب، وحسب طريقة القواميس

#النطق-الإصطناعي-الإصطلاحي semr

الجدرد عبارة عن ثلاث حروف بس، والحاجة الإصطلاحي زود

من عنده الكسرة e









شوف بقا التصريف يقول إيه؟

• حرف السين (s) بيتشقلب بالتصريف ل (ز) و (ص) و (ش)

حافضين انتو شقلبة السين مع الشين: شمس / شمش / سمس - سجرة /

شجرة - مستشفا / مشتشفا

• حرف الره (r) بيتشقلب بالتصريف ل (ن) و (م) و (ل)

smer  , Rev. 12, 65, the left hand ; Heb. , Assy.  - , Arab. , The Egypt. , the *ἀσμαχ* of Herodotus II, 30, is probably a mistake for   ⁽²⁾

بارضو بنقول كثير شقلبات الره مع اللام: فرق/ فلق - تحوير/

تحويل - خرط/ خلط

• لأن حروف المخرج الصوتي الواحد، لازم تتترجم وتتقري كأنها

صوت واحد

من هنا نقدر نعرف أصل الكلام اللي من أغنية منير: ينساني دراعي

الشمال!

ومن نفس الجدر نعرف أصل وصفنا للحاجات العيب والغلط بأنها:

واد شمال/ بت شمال/ شغل شمال

إحنا الأصل، والأقدم، وكل اللي بيقولو كلام شبه كلامنا دلوقتي

جم بعدنا بكتييير، والعبرة بالأقدم والأوضح

2024 /6 /23



1680 صمولة ومسامير في المتحف


قسم الحياة اليومية اللي ف الدور الثاني

للمتحف المصري بالتحرير، مهم أوي!

حياة المصري القديم العادية، نومه/ أكله/ ادوات المطبخ/ عدد
وآلات الشغل، قادوم وشاكوش ومرزبة وكوريك ومسطرين
وأجنة وازميل وبنطة .. نلخ!

عجني بقا المرة دي، وجود نماذج لمسامير وصواميل، عكس اللي
بينكتب من إن المصريين مكنوش يعرفو القلاووظ بتاع المسامير
والصواميل!

الصورة اللي نشرتها إمبراح، وطلبت منكوا تخمنو وظيفتها، دي مش
ولاعة ولا متقاب، دي فخ للحيوانات، أهميته ف شكل الصامولة اللي
قافلة عصاية الفخ!



الجدر المصري "سمن"، بمعنا التسييت
(تثييت) والتأسيس، بشقلبة السين مع
الصاد، وشقلبة النون مع الره واللام والميم،
يتصرف منه الفعل "سمر"، واسم الفاعل


"مسمار"، وكان "صمل"، بتصرف اسم الموصوف "صمولة"!

2024 /6 /24

1681 لوح

الهوية مفهاش فصال .. يا لوح
كلامنا بالمصري مسألة وجود
ياتكون, يامتكونش
ياتحقق, يامتتحققش
ياتبقا, يامتبقاش حاجة خالص!
أنا مبقدمش أصل الكلام المصري, تسالي يعني
اللغة بوابة الهوية, عشان كده بوستات اللغة مهمة أوي!
وجزء من حل مشكلة الجيل اللي بيتكلم "فرانكو", إننا نعرفهم أصل
الكلام المصري!
الأول لازم نوضح أصل كلامنا المصري ومنخلطوش بالعربي, كفاية
تشويش عالهوية الوطنية!
زي ما كلامنا المصري له قواعد بنلتزم بيها غصب عنا!
بارضو لنا كلام خاص بينا, بيميزنا عن غيرنا!
• بنقول "عيش", مش خبز

- بنقول "لب", مش بذر ولا حب!
- بنقول "كك", مش معمول ولا كليجة ولا عريكة, دي كلها تسميات خاصة بهويات ثانية!
- الهوية مفهاش فصال .. يا لوح
- وبالمناسبة بارضو, بنقول "فصال", مش مفاوضة ولا مجادلة!
- أما عن كلمة "لوح" اللي ف الصورة, فأصل معناها = طين / لوحة ككابة من الطين!



- يعني السبورة الطين بتاعت زمان اسمها "لوح"!
- وفاكر أيام المكتب (الكوتاب) كانوا يفرقو علينا ألواح نكتب عليها!
- السبورة الخشب الصوغيرة دي, خدت الإسم ككاية من السبورة الطين بتاعت زمان!

2024 /6 /27

1682 عليل

من عيوب الكتابة بالحروف النبطي (العربي)
ناس كتير بتتضايق لما تلاقينا بنكتب المصري بطريقة مختلفة عن اللي
اتعلموه ف المدارس!

• يعني لما نكتب (بقا) بالألف الواضحة, بدل (بقى) بالألف المقدرة
المعدورة الإعتبارية

• أو لما نكتب واو الجمع من غير ألف بعدها: قالو/ قالوا, بالألف
الزيادة (الفارقة)

• والصدمة بقا لما نكتب نون التوكيد حرف واضح مش مجرد علامة
تنوين: شوكرن/ حالن/ فعلن

الثلاث حاجات دول, من أوضح العيوب اللي ف الكتابة بالحروف
النبطي, ولازم نتخلص منها وإحنا بنكتب المصري

- ايه؟ بتزعل لما أقول الحروف النبطي بدل العربي؟

- طب, نبطي نبطي نبطي نبطي نبطي نبطي نبطي نبطي نبطي نبطي
نبطي نبطي نبطي نبطي نبطي نبطي نبطي نبطي

سرقو الحروف من أصحابها، ومش عايزين حد ياخذ خبر؟
وأنا لازم أقول إنها نبطي، عشان أسبت (أثبت) حق المصري فيها،
زي تسلسل الملكية كده لما تروح تسجل في الشهر العقاري، الأنباط
كانو ساكنين جنب سيناء، اتعلمو الحروف المصري وحاولو يقلدوها،
والعرب خدوها من الأنباط وقالو عليها بتاعتهم!


نرجع بقا لأمراض أو عيوب الحروف النبطي اللي احنا مش ملزمين
نكرها، وفرصة نتخلص منها!

اللغات الحديثة (الحديثة) كلها دلوقتي بتحاول تطبق قاعدة: نكتب
زي ما بنطق (الكتابة زي النطق)!

واحنا عندنا الفرصة دي، واحنا بنكتب كلامنا المصري، مادام
مططرين (مضطرين) نكتب بالنبطي لسبب وجيه، هو استمرار
وسهولة التواصل مع محيطنا اللي بيكتب بنفس الحروف، وتعليمنا
الرسمي اللي ملتزم بيه!

- نكتب (حتا) بالألف؟ أيوة بالألف، هنكتبها مكسورة ومعدورة
واعتبارية ليه؟

- نكتب (تعالو) من غير ألف بعد الواو؟ أيوة ملهاش لازمة الألف
 الفارقة دي, تحمل نفسك بعيوب غيرك ليه؟
 - حتا نجيب الريحاني كان غلطان ف الفيلم, لأن الولد كتب عالسبورة



(جدن) بالمصري صح!

إحنا بنتكلم مصري مش عربي

وبنكتب مصري مش بنكتب عربي

والمصري له قواعد كلام وكتابة غير

قواعد كلام وكتابة العربي

كل واحد مسئول عن نفسه, وكل لغة تتحمل عيوبها

العيوب دي لسه النحويين العرب (عشان أكل العيش) بيعتبروها

ميزة, طيب حلال عليهم, ميخصناش إحنا!

لو جارك ف العمارة عيان (عليل) وعنده (علة) مرض خطر معدي,

طب إننا وبقية شقق العمارة, تشيلو (علته) ليه؟

- تصاريف كلمة "علة" و"عليل" من الجذر المصري اللي ف الصورة,

يعني مرض معدي

2024 /6 /28

1683 أوضة


كلمة "أوضة"، سرياني ولا تركي؟
واحد سألني كده، وكأنها مسألة مفروغ منها، يا سرياني يا تركي،
وبالكثير فارسي!

اللي بيتعلم فارسي شايف الدنيا كلها أصلها إيراني، واللي درس شوية
سرياني متصور إنها لغة أصل وتفسير الوجود!
كل واحد منهم منحاز لدراسته ومهنته حتا (حتى) لو كان ده علا
(على) حساب العلم والحقيقة!

بيفكرونى بمسل (مثل): الفلاح لما يتمدن، يجيب لأهله نصيبه!
تاريخ اللغات وعلاقاتها ببعض مبقاش سر كبير، ولا فزورة ولا
حزورة، دلوقتي عمنا جوجل وستنا ويكيبيديا بدوستين ثلاثة يجيبولك
المعلومات بالصور والتواريخ والمراجع المختلفة اللي تقدر تقارن بينها
وتوصل للحقيقة بنفسك بأقل مجهود وأسرع وقت!

السرياني اتفرع من الآرامي (1000 ق.م)، والآرامي كان أهم لغة
للهكسوس، اتكونت وبقاها شكل لغة بالألفاظ والمصطلحات اللي

خدتها من اللغة المصرية القديمة, ومظهرتش مكتوبة غير بعد طرد الهكسوس (1580 ق.م) بحوالي ربعميت خمسميت سنة!
يعني قبل ما تتجص وتقول كلمة "أوضة" تركي, من أصل سرياني, روح بقا شوف الآرامي وبعد ما تشوفها ف الآرامي, تعالا هنا وشوف أصل ألفاظ الآرامي في اللغة المصرية القديمة!



- كلمة "أوضة", من جذر مصري أصلي, بمعنا الغرفة, بخصص البيت, وكان من جذر مصري ثاني بمعنا المكان المتجهز للنوم!
- عندي شقة "أوضتين" وصالة وعفشة ماية
- "الأوضة" مهما كانت أد المعصرة, متسعث غير الراجل والمرّة!
- يبقا لما المصري القديم عنده جذر كلمة "أوضة", والمصري الحالي لسه يقولها, تدخله ف حسبة برما ليه؟ وتشبكه ف حاجات متخصص ليه؟
- هوه انتو هتفضلو تكذبو وتشككو المصري ف كلامه وهويته لإمتا؟ بقا مستحيل يكون هوه اللي بنا الأهرامات؟ ولا هوه اللي نحت

المسلات؟ حتا كلامه يإما عربي يإما سرياني أو تركي أو فيتنامي؟
أي حاجة المهم متكونش مصري؟
المصريين هيفضلو حراس لهويتهم الوطنية، محافظين عليها رغم كيد
العدا والعدوين:

- بنقول "فزورة"، مش لغز!
- وبنقول "عجلة"، مش دولاب!
- وبنقول "طوبة"، مش بلوكه ولا طابوجه
- وبنقول "بواب العمارة"، مش ناطور ولا حارس البناية
- وبارضو بنقول "أوضة"، مش حجرة ولا غرفة، رغم إن لهم جدور
مصري بارضو لأننا اللي اخترعنا المباني وغيرنا كان لسه بيستخبا ف
الشقوق والكهوف!

فيه فرق بين الكلام الشعبي والكتابة الرسمي، زي الفرق بين الأصل
والصورة البهتانة!

الكلام الشعبي بيعبر عن اللغة الوطنية، والكتابة الرسمي بتعبر عن اللغة
الرسمية، اللي ممكن تكون لغة أجنبية، فرضتها الظروف السياسية!

2024 / 6 / 29

1684 حضن

بالأحضان بالأحضان بالأحضان

قبل ما نتكلم عن كلمة "حضن" وجمعها "احضان"، نكرر الكلام اللي بنقوله كتير عن قاعدة "الشقبة" اللي فيها بتتبدل حروف المخرج الصوتي الواحد، وكأنهم حرف واحد!

أهم تطبيقات تصريف الحروف بالشقبة، مجموعة الحروف الحلقية (ء / هـ / ع / ح)، والحروف السنانية (س / ص / ز)، والحروف الطرفية (الناعية) من طرف اللسان (د / ت / ط / ض)، ومجموعة حروف التقارب (ل / ن / ر)، اللي النحويين بيسموهم الأصوات الحنكية القدمانية (الأمامية)، بيدلو مع بعض حتا مع الشخص الواحد، وكأنهم حرف واحد، وبتتالي كل ما تشوف حرف من نفس المجموعة ف قاموس هيروجليفي خواجاتي، لازم تجرب نطقه مع باقي حروف مجموعته، هتلاقي الكلام اختلف والمعاني بقت واضحة!


- الكلمة حسب طريقة القواميس:

[#النطق الإصطناعي الإصطلاحي :](#)

حتر = اتحاد/ اتصال/ توأمة

- الكلمة بطريقتي: #النطق الطبيعي-التصريفي:

حتن/ حضن = اتحاد/ اتصال/ توأمة



#إحنا مصريين وبنتكلم مصري

• بنقول "حضن", مش عناق!

• بنقول "بوسة", مش قوبلة (قبلة)!

• بنقول "طبطة", مش ربت!

بعضنا بيعرف عربي, وبعضنا بيعرف الانجليزي وفرنساوي وألماني, إنما

كلنا #بنتكلم مصري

حضن أبوك

حضن أمك

حضن أخوك

حُضْن أَخْتَكْ

حُضْن الْحَبَابِ

حُضْن مِصْرَ

بِالْأَحْضَانِ بِالْأَحْضَانِ بِالْأَحْضَانِ

بِالْأَحْضَانِ يَا بِلَادَنَا الْحُلُوةَ

فِي مِيعَادِكَ يَتْلَهُوْا وَلَادَكَ

يَا بِلَادَنَا وَتَعُودُ أَعْيَادُنَا

وَالْغَايِبِ مَا يَطْقَشُ بَعَادَكَ

يَرْجِعُ يَخْذُكَ بِالْأَحْضَانِ

بِالْأَحْضَانِ يَا حَبِيبَتِي يَا أُمِّي

يَا بِلَادِي يَا غَنُوةَ فِي دَمِي

عَلَى صَدْرِكَ ارْتَاحَ مِنْ هَمِي

- جَاهِينَ / حَلِيمَ / كَمَالَ الطَّوِيلِ

2024 / 7 / 6

1685 ليه؟

حببي غايب عني ليه؟

مبتسألش عليا ليه؟

- عندك إيه مداريه؟

وضعك إيه؟

طريقتك ليه؟

- دا عشانك أدوق المر واحليه

كل الأدوات أصلها أسامي وصفات

أداة السؤال "ليه؟" ف قواعد كلامنا المصري



أصلها صفة وضع أو طريقة

- حسب طريقة القواميس:

#النطق_الإصطناعي_الإصطلاحي

ريه = وضع / طريقة

- حسب طريقتي:

#النطق الطبيعي التصريفي

ليه = وضع / طريقة

بتلوموني ليه؟ لو شوفتم عينيه, حلوين أد إيه

2024 /7 /10

1686 فاكهة

فواكه وفوايد الصيف كثيرة, وأكثر أساميها مصري أصلي:

بطيخ

شمام وشهد ونمس

توت, أبيض وأحمر واسمر

عنب, أبيض وأحمر واسمر (بذر وبناتي)

تين (ومفيش ف حلاوته)

تين شوكي (وآه من طعамته)

تفاح بلدي

بلح وتمر

خوخ

رومان (رمن / رمان)

لمون (رمن / لمن)

برقوق

مانجه (لما انزعت ف مصر, بقت شكل وطعم ثاني)

كومترا

مشمش (مشمش العمار فوايده كتار)

فراولة


الكلام الحلو فاكهة

المجوهرات الملونة, فاكهة

الناس الحلوة, فاكهة

النجوم الملونة, فاكهة

حتا الوشوش البشوشة الرايقة, فاكهة!



- تخيلو إن المصري القديم وصف كل الحاجات دي بالجدر
الإصطلاحي (فاكوه/ فاكاه), حتا الجدر اللي ف الصورة, بمخصص
نباتي بيوصف الفاكهة وكان بيوصف وظيفة كاهن الإتصال
(علاقات عامة), زي ما بنوصف واحد أو واحدة بينهم فاكهة
الدفعة, أو فاكهة البيت أو فاكهة الشغل!
أيام الحر والزهق مسيرها تمر, ننساها بنسمة هوا حلوة, أو سهرة مع
دحكة وغنوة

خلونا نفتكر للصيف ميزاته بنسماته وفواكهه ومصايفه وحلوياته!

- لما نستبشر خير, يكون أحسن لصحتنا

2024 /7 /11

1687 العلاقة بين "الخطوبة" و"الطبخ"

من البداية كده، الكلام عند البشر، ظهر متأخر أوي، يعني إن كان عمر الإنسان بأقرب تكوين لشكله الحالي حوالي أربعة مليون سنة، فالكلام مظهرتش جيناته ف الإنسان إلا من حوالي مية وخمسين ألف سنة 150000 بس!


- يعني جينات الكلام إتكونت متأخر، والكلام ظهر بالتدريج، وزاد بالخبرة والتدريب، وإتطور بالحاجة والإرادة!

أما اللي مسئول عن نضج الكلام البشري وخلاه يغطي كل احتياجاته، ويعبر عن كل حاجاته: التصريف!

تصريف الكلام يعني تطويره وتشكيله وربايته وزيادته، كأن تصريف الكلام ده زي مشتل مساحته يادوب عشرتمتار يتخط فيه شتلات صوغيرة، تطلع من المشتل (التصريف) تغطي قراريط وفدادين!

الكلام كان ف البداية بسيط ومعدود، عشان كده كانت الكلمة الواحدة ممكن تعبر عن كل حاجة شبهها، وساعات كانت تعبر عن

الحاجة وعكسها، ويبقا الفرق بس حركة الراس أو الإيد أو الكتف
مع الصوت، أو ترفيع وتطخين الصوت .. نلخ!
اللغة الوحيدة ف الكون اللي تقدر تعرف منها الأصل الحقيقي
لكلامك، هيه اللغة المصرية!

khep-t , step, advance.

شوف كده الجدر "خبت/ خبط"، معناه = خطوة/ تمهيد/ تقدم،
بمخصص خطوة الرجلين!
- "الخط" ع الباب، خطوة للدخول/ تمهيد للدخول!
- "الطبخ"، خطوة قبل الأكل/ تمهيد للأكل!
- "الخطوبة"، خطوة قبل الجواز/ تمهيد للجواز!
رغم إن "الخط" بقا له جدر مخصوص، و"الطبخ" له جدر مخصوص،
و"الخطوبة" بارضو لها جدر مخصوص!
إنما لما نروح للجدر الأصلي، اللي اتصرفت منه (باللحفة) كل المعاني
دي -وغيرها- يظهر المعنا بكل وضوح!

عرفنا بقا العلاقة المباشرة بين الطبخ والخطوبة, إن الإيتين تمهيدا!













2024 /7 /14

قته 1688

القته, محصول مصري عنده كرامة
فقوس وعجور وعبلاوي
تاكلها طازة, تلقاها فاكهة مسكرة
القته محصول صيفي, ميطلعش غير ف الصيف
القته تنزرع وتطرح ف الغيطان!
القته متنفعش ف الصوبة, موسمها قصير يا تلحقه يا متلحقوش, زي
المشمش كده, يطلع ف موسمه بس, وينزرع ف أرضه بس!
- عاوز مصطبة, مينامش ف الخط, ويمددع الجسور!
محاصيل عندها كرامة, مش زي الأوطة والخيار, صيف وشتا,
غيطان وصوب!

القتة فوايدها كثار، للجبار والصغار: فيتامين A - فيتامين B- فيتامين C- الفسفور - الحديد - الكالسيوم - المنجنيز - الكبريت - زيت طيار - سليليوز - أحماض أمينية - الكاروتين - البروتين - النشا - السكر - الدهون - الألياف الغذائية - الفوك - المواد الهلامية - والفينولات

- نصيحة مجرب: كلها ببذرهما ومنتقشهاش!
إسم القتة، ووجودها، متسجل عندنا ف الشهر العقاري بتاع اللغة المصرية القديمة!

qat-t   , T. 35, N. 133,
  , M. 116,   , grass,
stubble; plur.   ; Arab. قَتّة.




























مادام الإسم متسجل عندنا من آلاف السنين تبقا الصنعة أو الطبخة
أو المحصول، مصري أصلي علا طووول!

2024 /7 /16

1689 زن

استعجال

أصل الزن سرعة وهوجة

زن s-ān  , T. 512, P. 204, 700,  
, U. 371, M. 213, N. 684,  , P. 688,
  , Rec. 29, 145,  , ibid., 30,
194,   ,  , Sphinx Stele 11,
  ,  ,  , to
advance quickly, to run, to hasten ;  
, to hasten the steps.

- عيل زنان

- ست زنانه

- عميل زنان

- بياع زنان

كلهم بيستعجلو (ويلاحو) ف طلباتهم

الزن مزج صحيح, بس ضروري لشحن الطاقة وزيادة الهممة, ولو
للراحة م الزن!

- الزن ع الودان, أمر م السحر (مفعوله سحري)

- بطلو زن بقا!

2024 /7 /25

1690 عفيفي

اسم تاج عالي ف السما

لسه الإسم موجود ف لسان الفلاحين الكبار, طاقة عالية شبه تاج
الصعيد.

بقا كناية عن صفات العلو والترفع والتسامي


- عفيف وعفيفي وعفاف وعفيفة

قرية ميت (منية) عفيف, مركز الباجور - منوفية, منسوب ليها كام
عيلة (العفايفة).

الجدر اللغوي "عفيف" بمعاني التعالي وطهارة النفس, دخل اللغة العربية -وآلاف- تقدرو تعرفو الأسباب من الفصل التمهيدي عن #أسباب-شبه-العربي-بالمصري:

<https://www.facebook.com/share/p/VVqiSVR9bLvtytf/?mibextid=oFDknk>

الجدر مصري أصلي, عشان كده هنلاقي الإسم معروف أكثر للمصريين!



العجيبة إن كل الناس اللي عرفتهم بالإسم أو اللقب ده "عفيفي" فيهم صفات معاني الإسم, ومنهم صديقي العفيف "محمود عفيفي"! - الشخصية اللي بتكلم عنها ف البوست ده, شخصية صديقي المخرج: إبراهيم عفيفي (1940 - 2018).

- أخرج للسينما والتلفزيون أفلام كتير: (الفرن - العجوز والبلطجي - العجر - قبضة الهلالي - القرش - شواد - السيد قشطة - الخاتم - أبناء الشيطان)

- معظم أو كل أفلامه, كتبها بنفسه أو شارك في كتابتها!

- له مقولة سمعتها منه كثير:

المخرج هو كاتب السيناريو الحقيقي, حتا لو فيه سيناريس, لأن المخرج هو اللي يحدد شكل تنفيذ الورق (الكتابة).



- شارك في حرب 73 ضمن سلاح المهندسين, وكانت مهمته -قبل الحرب

وبعدها- إنه يصور ويبيع الصور للقيادة!

وقت العبور نسي حكاية التصوير دي, ودخل خندق الإسرائيليين, إترعبو منه - كان طول وعرض - مسك إثنين أسرهم!

رغم نجوميته في الإخراج والسينما, إنما كانت معظم حكاويه معايع القهوة عن حرب ثلاثة وسبعين!

- من بدري كان إبراهيم عفيفي واعى لهوية مصر الخاصة, وله لقطة بديعة كتبها وأخرجها بيرجع فيها بطل الفيلم لوعيه عن طريق حوار مع أبو الهول, موجود في الفيديو حوار للنجم يوسف منصور بعبارة: (ابحث في ذاتك .. مصر خالدة):

1691 خاصة

بلاد الخاصة

الخصاويين

قبل ما تظهر كلمة "جزيرة العرب" أو "شبه الجزيرة العربية" كانت الأرض دي إسمها إيه؟

وسكان شبه الجزيرة دي كان إسمهم -عندنا- إيه؟

السؤال ضروري لأسباب كتير نعرفهم من الملاحظات دي:

- البطالة أول ناس استخدمو كلمة: "بلاد العرب" ومقصود بيها صحاري شبه الجزيرة العربية، وبالتحديد أقرب جزء لمصر، ولاية تابعة للبطالة اسمها المعروف عند المؤرخين العرب "دادان/ لحيان"، مكان محافظة "الغلا" الحالية!

- البطالمة استخدموا الإسم ده لأن طريقة عيشة سكانها فيها شبه من المصريين اللي ساكنين ف الصحرا الغربية, واسمهم "عرب", رغم إن ملهمش أي علاقة - وقتها- بسكان النخاسة!
- أيوة "خاصة" ده الإسم اللي جدودنا, قبل الرومان والبطالمة والفرس, كانوا بيسمو الحتة دي!

	- <i>h3st</i> - hill-country , Sin. B213; Urk. IV, 244, 11; 343, 16; foreign land , Sin. B28.130.197.202; Urk. IV, 339, 1; desert , Sin. B209.292; RB 76, 6;  d. region , Urk. IV, 8, 7;  d. game , Sin. B89; Tb. T. S. I, 9. Varr.  Urk. IV, 373, 11;  336, 7; 339, 10.
خاصة/ خاصيين	
	- <i>h3stytw</i> - foreigners, desert-dwellers , Adm. 15, 2; RB 59, 10, 61, 5; varr.  711, 5.

- وسكان "النخاسة" اسمهم "خاصتيو" أو بالتصريف الطبيعي: "خاصيين" أو "خصاويين", ولسه تصاريف الإسم ده موجودة فإسم "خازة/ غازة"!
- دلوقتي الحكاية سايحة مع بعضها, وبسبب الدين والبترول, ناس كتير بيزورو شجرة نسب أولها ف "النخاسة" وفروعها لغاية المغرب, وكأن البلاد دي كانت فاضية!

• مهم أوي نديهم اسم خاص بيهم, لأن الهويات الوطنية مينفعش معاها المشاع ده, ومينفعش نخلط الهوية الوطنية بالهويات الدينية أو القبلية أو العرقية!

• الهوية الوطنية المصرية قماشة كبيرة بتغطي كل المصريين, اللي منتميين لمصر, ومعندهمش ولاء غير الولاء لمصر, إنما جواها هويات عرقية منهم عرب ونوبيين وأمازيج وعبادة وجعافرة وغيرهم!
.. يا مصري(ة), مهما كان عرقك أو دينك أو لونك أو مكانك, ليك هوية وطنية واحدة ومفيش غيرها: الهوية المصرية!

2024 /7 /30

1692 عقل

عقل, عاقل أوي

الفنان "أحمد عقل", بلدياتي وعشرة العمر!

اللي عرفني صالون محسن لطفي, ومعاهم بدأت طريق المصريات!
عارفين صاحب الجدع؟ أحمد عقل معايا كان النموذج ده!

كان يباخذ بطولة مسرحيات القومي والطليعة، إنما في السينما مساحة أدواره محدودة!

ذاكرة حديدية، أما كنت أسأله عن حاجة حصلت في الحزب "مصر الأم" أو صالون "محسن لطفی"، ينقلها لي بالكربون!



العقل ميزان، مقياس، معيار

• النطق الإصطلاحي: عقر

• النطق التصريفي: عقل

āqr ① عقل, a measure.

قاموس فوكنر عرض جذر "عقر/ عاقر"، بالتصريف "عاقل" وصف

للشخص المدرك!

2024 / 8 / 3

الفهرس

3.....	استفتاح	
8.....	سيم	1556
9.....	إبرة الخياطة	1557
11.....	حبوب منع الحمل	1558
12.....	واصل وموصول	1559
14.....	عبان وغطيان	1560
16.....	ليبي .. ليو	1561
17.....	آمين	1562
18.....	ضمير	1563
19.....	ؤبة السنة	1564
22.....	ذرية	1465
23.....	قنا .. قناية .. قناة	566
24.....	لو	1567

25.....	شتلة .. شجرة.....	1568
26.....	ليلة فرح	1569
27.....	السيرة حية مش بموت	1570
30.....	عزة .. عزيت .. عزية.....	1571
31.....	الصراحة راحة!	1572
32.....	تايت .. داية	1573
34.....	خرا	1574
36.....	دفا .. دفاية	1575
36.....	غزة	1576
38.....	تزمت	1577
39.....	حيل	1578
41.....	مبكتبش عربي، ولا بتكلم عربي!	1579
43.....	حدف	1580
45.....	سنا، بكسرة السين sena	1581
46.....	أواضي	1582
47.....	خلد .. خالد .. خلود	1583

48.....	غبي	1584
50.....	استظراف	1585
51.....	فلسطين	1586
52.....	عند	1587
53.....	أصل كلمة شرطة	1588
53.....	ربنا ولك الحمد	1589
55.....	ورا	1590
57.....	نط .. فط	1591
58.....	طوبة	1592
59.....	عدو	1593
60.....	جلنف	1594
62.....	أتاية	1595
63.....	جرجس المصري	1596
65.....	هضبة	1597
66.....	فاكهة، ولا fruit	1598
67.....	أوزيريس .. نيازي	1599

68.....	إحم يعني قانون	1600
70.....	دفن .. دفنة .. سوا	1601
71.....	صغر .. زغر .. سخر	1602
73.....	إقالة .. استقالة .. قيالة	1603
74.....	صيني	1604
75.....	بالزوفة	1605
76.....	غاص .. غواص (عيد الغطاس)	1606
77.....	غض	1607
79.....	وقع .. وقوع .. وقعة	1608
81.....	فقد .. فقيد .. مفقود	1609
82.....	قفاه يقمر عيش	1610
84.....	الحي	1611
85.....	غيرو	1612
86.....	حوب	1613
87.....	مس ..	1614
91.....	لص .. لصوص	1615

93.....	ست بيت	1616
94.....	الجمع	1617
98.....	الطين والأطيان	1618
99.....	شخص .. شخصي .. شخصية	1619
101.....	فض .. انفض .. تنفيض	1620
103.....	أرض .. earth	1621
104.....	انبسط	1622
105.....	خيمة بالوية	1623
106.....	القلة	1624
108.....	يعرف الكفت	1625
108.....	اللي يشيل "قربة" مخرومة، بتخر علا دماغه	1626
109.....	قالو ف الأمسال (الأمثال)!	1627
110.....	مشكلة الرمز "نفر"	1628
113.....	خاصة	1629
114.....	قدس	1630
115.....	حد .. حدا	1631

117.....	سرعة	1632
119.....	هدوم شتوي	1633
121.....	حروف كآبة المصري	1634
124.....	بخلق .. بخلق	1635
125.....	ابن آوا	1636
126.....	رايد . راضي . روضة	1637
130.....	هيكل	1638
131.....	حاجة "تمخول"	1639
132.....	قلم الكآبة	1640
133.....	انعاش .. انتعاش	1641
134.....	مسقط	1642
136.....	بطراخانة .. أجزاخانة	1643
139.....	انكفا	1644
141.....	هد	1645
143.....	بايخ	1646
144.....	حلو	1647

145.....	انتباه	1648
147.....	لحاسة المغرفة	1649
149.....	رقصة "التفكير" في مهرجان "بكة"	1650
151.....	زارع .. زرعة .. زراعة	1651
152.....	صاروط & صورايا	1652
154.....	تصافي .. تصفية .. صافي	1553
155.....	طقوس شم النسيم	1654
159.....	سقافة (ثقافة) ال "وهم"	1655
163.....	ملخص قواعد اللغة المصري	1657
163.....	مفيهاش إعراب:	-1
164.....	لغة تحليلية:	-2
164.....	بتميل للتبسيط:	-3
165.....	فيها كلام من حرف واحد ومن حرفين:	-4
166.....	فيها جملة بسيطة، وجملة مترتبة:	-5
166.....	بتعتمد ع الجملة الاسمية:	-6
167.....	المصدر إسم:	-7

- 8- الأدوات والضمائر، مفرد أو جمع: 167.....
- 9- جمع واوي، (و) ف آخر الكلمة: 168.....
- 10- جمع واوي، (و) ثاني حرف ف الكلمة: 168.....
- 11- جمع وياوي، (وي) ف آخر الكلمة: 168.....
- 12- جمع هيمي، (هـ) ف آخر الكلمة: 169.....
- 13- جمع تيتي، (ت) ف آخر الكلمة: 169.....
- 14- جمع ييني، (ين)، ف آخر الكلمة: 169.....
- 15- جمع آني (ان) ف آخر الكلمة: 169.....
- 16- تذكير جمع المؤنث، وتأنيس جمع المذكر: 169.....
- 17- جمع مبالغة: 170.....
- 18- جمع تكرار: 170.....
- 19- بحجة الأسامي والتحيات: 170.....
- 20- الماضي المستمر، مع إن: 170.....
- 21- الماضي المستمر، مع (إت): 170.....
- 22- الحاضر المستمر، مع (ب): 171.....
- 23- تحويل الحاضر المستمر لماضي مستمر: 171.....

- 24- أفعال مساعدة: 171.....
- 25- أفعال مترتبة: 171.....
- 26- أفعال مضمومة: 172.....
- 27- النفي بأداتين: 172.....
- 28- النفي بأداة واحدة (مش): 172.....
- 29- النفي بأدوات مترتبة: 173.....
- 30- أدوات الإضافة: 173.....
- 31- أدوات مقارنة: 173.....
- 32- التفضيل مع الهمزة: 174.....
- 33- التفضيل مع (واللا): 174.....
- 34- التفضيل بالتكرار والجمع (صيغ مبالغة خاصة): 174.....
- 35- أدوات تخيير: 174.....
- 36- أداة الوصل (الي): 175.....
- 37- جملة الوصل المستمر: 175.....
- 38- وصل المجموع بالميم، من غير الي: 175.....
- 39- أدوات تخصيص: 176.....

- 40- أداة غموض وتقفيل: 176.....
- 41- الحلفان بالواو (و): 176.....
- 42- أدوات تحديد (إشارة): 176.....
- 43- تكرار أدوات التحديد للتأكيد: 177.....
- 44- سؤال الإستفهام: 177.....
- 45- سؤال عن السبب: 178.....
- 46- سؤال عن الوقت: 178.....
- 47- سؤال عن المكان: 178.....
- 48- سؤال عن القيمة: 179.....
- 49- سؤال عن إنسان: 179.....
- 50- سؤال عن حاجة مفقودة: 179.....
- 51- سؤال الصيغة: 180.....
- 52- سؤال الظرف: 180.....
- 53- أدوات الجواب: 180.....
- 54- أدوات الرأي: 181.....
- 55- أداة صقة (ثقة) مستمرة: 181.....

- 56- أدوات احتمال: 181.....
- 57- أدوات شبه: 181.....
- 58- أدوات مطابقة واستمرار: 182.....
- 59- أدوات كالة: 182.....
- 60- أدوات تأكيد: 183.....
- 61- نون التوكيد (التأكيد): 183.....
- 62- أدوات تسبيب وتبرير: 183.....
- 63- أدوات نسب: 184.....
- 64- الوصف الحر: 184.....
- 65- الوصف المتحدد: 184.....
- 66- أدوات نده (ندا): 184.....
- 67- أدوات نجدة (نجدا): 184.....
- 68- أدوات تبشير: 186.....
- 69- أدوات كفاية: 186.....
- 70- أدوات تنبيه (تحذير): 186.....
- 71- أدوات ترجية: 187.....

- 72- أدوات تمثي:.....187
- 73- أسلوب الأمر بالأداة "ما":.....188
- 74- أدوات دلالة (استدلال):.....188
- 75- أدوات شكر:.....188
- 76- أدوات زيادة:.....188
- 77- التعبير عن الزيادة بالتكرار:.....189
- 78- الدلع ع الوزن سجوم:.....189
- 79- الدلع ع الوزن سجومة:.....189
- 80- دلع ديني ع الوزن سجومة:.....190
- 81- دلع الأسامي بمعاني وتصارييف من اللغة المصري:.....190
- 82- دلع بأداة الإستعجاب والإستحسان "يا":.....190
- 83- صيغة المبالغة للفرد، ع الوزن "سجيم":.....190
- 84- صيغة المبالغة للجمع، بالوزن "سجيمة":.....191
- 85- الشتيمة بأسامي الحيوانات:.....191
- 86- الشتيمة بأسامي الحاجات:.....191
- 87- الشتيمة بأوصاف عيب:.....191

- 88- الشتيمة بأعضاء من الجسم: 191.....
- 89- أشهر الشتائم: 192.....
- 90- أدوات وجع: 192.....
- 91- تريأة وسخرية بتقليد الحركات: 192.....
- 92- تريأة وسخرية بتقليد الأصوات: 192.....
- 93- تريأة وسخرية بالتشبيه: 192.....
- 94- أدوات استعجاب واستحسان: 192.....
- 95- أدوات عتاب: 193.....
- 96- أدوات أسف: 193.....
- 97- أدوات شرط: 193.....
- 98- تعابير شرط: 194.....
- 99- أدوات متابعة واستمرار: 194.....
- 100- أدوات تصبير: 194.....
- 101- أدوات ظرف المكان: 194.....
- 102- أدوات ظرف الزمان: 194.....
- 103- الظرف الوصفي: 194.....

104-	التعريف بالأدوات:	194.....
105-	تعريف بالسياق:	194.....
106-	أدوات مترتبة "حاكم":	195.....
107-	التضعيف بتكرار الحرف:	195.....
108-	ضمائر حرة:	195.....
109-	ضمائر مربوطة:	197.....
110-	البدائيات / الفواتيح:	197.....
111-	النهايات / الخواتيم:	198.....
112-	تصريف بالشقبة : šaKlaba	198.....
113-	تصريف بالخفنة : lahfanaḥ	198.....
114-	تصريف بأكل الحروف:	199.....
115-	تصريف بالتصغير:	199.....
116-	أدوات تصغير:	199.....
117-	كنايات kenayat	199.....
118-	جناس genas	200.....
119-	البداية بالرقم:	200.....

200.....	120-	الأدوات للربط والظبط: rabt & zabt
202.....	121-	تحويل كل صوت لحرف:
202.....	122-	اقتراح كتابة اللغة المصري بحروف خاصة:
204.....	1658	نفخ . منفوخ . نفيخة . منفاخ
205.....	1659	جدع .. جدعنة .. الجدعان
206.....	1660	نيل
207.....	1661	سد يا روجي سد
208.....	1662	يا بخت من كان "النقيب" خاله
209.....	1663	زغل .. زغلول
210.....	1664	مركبة .. ميركافا
212.....	1665	معا .. معايا .. معاه .. معاك
213.....	1666	درس .. دراس
217.....	1667	الأنست
218.....	1668	لا عنده عيل ولا تيل
218.....	1669	عرب . عبر . عرابة
220.....	1670	حويط

222.....	البنا واحد	1671
224.....	عشرة فضة (فكة) لو سمحت؟	1672
226.....	مولد سيدي نجم	1673
227.....	تمس / دمس	1674
228.....	حدوتة قديمة خالص	1675
230.....	فلفل	1676
232.....	الجيش هو الشعب	1677
233.....	طين .. طينو .. طينه	1678
235.....	الإيد الشمال، والشغل الشمال	1679
236.....	صمولة ومسامير في المتحف	1680
237.....	لوح	1681
240.....	عليل	1682
243.....	أوضه	1683
246.....	حضن	1684
249.....	ليه	1685
250.....	فاكهة	1686
253.....	خطوبة	1687
255.....	قتة	1688
257.....	زن	1689

258.....	عفيفي	1690
261.....	خاصة	1691
263.....	عقل	1692
246.....	الفهرس	

